



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>














IO. ANDR. SCHMIDII

D. P. P.

ABBATIS MARIAEVALLENSIS ET ORDINIS THEOLOGICI SENIORIS

HISTORIA FESTORVM

ET
DOMINICARVM

DENVO
REVISA ATQVE AVCTA.



HELMSTADII

APVD CHR. FRIEDR. WEYGAND

MDCCXXIX.

JO. ANDR. SCHMIDT

ORDI-

THE
STORY
OF
THE
STORY

THE
STORY
OF
THE
STORY



HELMSTADT

ABD. K. FRIEDR. WEGAND

MDCCXIX

OTZU EVQVIRQO MAH
PER ILLVSTRIATQVE EXCELLEN-
TISSIMO DOMANO

MA S D O M I N O

VRBANO DIETERICO
DE LVEDEKE MAQ

SERENISSIMI BRVNSVICENSIVM
AC LVNEBVRGENSIVM
DVCIS

SVPREMO STATVS MINISTRO
ET CANCELLARIO

SENATVSQVE ECCLESIASTICI
PRAESIDI

HAEREDITARIO IN NIEDERN-
SIKTE

ET RELIQA

948
DOMINO SVO GRATIOSISSIMO

HANC QVALEMCVNQVE FESTO-
RVM ET DOMINICARVM

HISTORIAM

IN GRATI ANIMI TESSERAM

EA QVA PAR EST DEVOTIONE

CVM VOTO OMNIGENAE PROSPERITA-
TIS SACRAM ESSE VOLVIT

IO. ANDR. SCHMIDT, D.P.P.
ET ABBAS MARIAEVALLENSIS.

VIR PERILLVSTRIS ATQVE
EXCELLENTISSIME

Multorum annorum spa-
tium iamdudum est
praeterlapsum, ex quo
singularem Tuum erga me fauo-
rem & plane excellens studio-
rum meorum patrocinium alta-
mente repositum habui & posthac
quoque habebō, quamdiu in de-
bili corpore spiritus meos adhuc

reget artus. Tanta enim est beneficiorum in me collatorum copia, ut illa ex libro memoriae meae deleri nequeat, quia si vel unicum illorum memoriae inscriptum haereret, illud tantae esset efficaciae, ut reliqua omnia renouare & vno intuitu oculis mentis exhibere posset. Tales hucusque fuerunt animi mei occupationes, quae tamen tam angustis limitibus se includi amplius non patiuntur, sed in publicum tandem proruperunt, mihi-que imperarunt ut externum quoque illarum aliquod signum ac monumentum ponerem, id quod hoc praecipue tempore commode fieri posse putavi, quando hanc qualemcunque historiam

domi-

dominicarum & festorum sub
magni nominis Tui tutela publi-
cae luci tradere constitui. Est
quidem hoc opusculum tam exi-
guum ut ad nominis Tui magni-
tudinem ascendere non possit, il-
lud tamen mihi praestabit offi-
cium, ut quovis in loco ac tem-
pore de animo meo, innumeris
modis Tibi obstrictissimo, publi-
cum praebeat testimonium. Plu-
ra dicere nolo cum potius plura
facere mihi competeret. Id uni-
cum tamen adhuc ea qua par est
submissione rogatum volo, ut hos
graviissimi morbi mei fructus ae-
qui bonique consulas & aliquan-
do maiores & meliores valetudi-
nis labores expectes, quam pri-
mum diuino numini placuerit il-

*Iam mihi vel ex parte vel ex toto
restituere. Tu vero vale quam
diutissime; vive Deo, vive Se-
renissimo Principi, eiusque ne-
gotia, ut soles, feliciter urge &
favere perge*

PERILLYSTRIS ATQVE EXCEL-
LENTISSIMI

NOMINIS TVI

Helmst. die xxx. Nouembr.

M DCC XXI.

Cultori perpetuo

I. A. SCHMIDT, D.P.R.

PRAEFATIO.

Compendiis, quibus singula-
rum theologiae partium scia-
graphiam delineatam exhi-
bui, nouum subiungo, complectens
breuem quidem festorum & domi-
nicarum historiam, in qua tamen ni-
hil eorum praetermisi, quae ad hoc
negotium illustrandum facere pos-
sunt. Cum autem compendium tan-
tum conscribere animo concepissem,
necessaria solummodo adduxi, indica-
tis semper genuinis fontibus, ex qui-
bus festorum historiae cupidi plura
haurire possunt. Non quidem in
compendio meo historiae ecclesiasti-
cae ea praetermisi, quae originem fe-
storum concernunt, ast cum in eo
omnia ad sacram historiam pertinen-
tia breuibus verbis inclusa essent re-
censenda, non nisi paucis, in publicis
lectionibus vltius explanandis, festo-
rum historiam attingere licuit, quae
historiae pars prae aliis vberiorum
illustrationem meretur. Nam, si di-

cendum quod res est, nemo veri theologi nomine dignus iudicandus, qui non historiam ecclesiasticam summo ardore excolendam esse censet, nemo sacro munere, praecipue quod altioris est indaginis, rite fungi poterit, nisi cui perspectum, quo tempore, qua occasione, hic vel ille dies prae aliis magis festus haberi coeperit, cum horum cognitio; tum ad illustrationes euangeliorum haud parum contribuat, tum ad diiudicandas controuersias historicas plurimum faciat. Illustre huius rei exemplum suppeditat celebris illa controuersia de die, quo festum paschatos celebrandum, ante annos haud ita multos de nouo agitata, de qua exactius iudicium ferre licet, quando ea praecognita sunt, quae primis post Christum natum seculis hoc de negotio acta fuerunt, circa quae occupatus fui huius historiae pag. 5. sqq. & pag. 123. sqq. Paulo vberius quoque hanc materiam pertractaui in
brevi

brevi historia emendati computi ecclesiastici &
inde fluentis calendarii ante paucos annos
euulgata, ad quod etiam schediasma
in locis paulo ante citatis prouocare
volui. Cum autem hoc, nescio quo
fato, sit praetermissum, paucis ea ex
isto scripto huc traham, quae in festo-
rum historia non sunt enarrata.

Celebrabant orientales cum Iu-
daeis pascha, quod appellabatur *ἡ ἑορτή*
ἡ πρώτη, quia sacra ipso crucifixionis
die faciebant, latinorum pascha *ἀνα-
στήσις* denominabatur, cum in re-
surrectionis diem paschatos festum
collocarent. Motus inde in ecclesia
ortos Constantinus M. sequentes ob-
rationes componere & paschatos fe-
stum vno die in vniuerso orbe Chri-
stiano celebrandum esse voluit, quod
(1) indignum esset Iudaeorum consuetudinem
imitari; (2) periculum esset ne duplex pascha
vno eodemque anno, altero vero nullum perage-
retur; (3) nefas esset in tam solenni festo re-
guare dissensionem; (4) indecorum esset eisdem
diebus

diebus alios ieiuniis vacare, alios agitare conui-
uia; (5) reliquae ecclesiae fere omnes in hanc
sententiam conspirent. Determinatum ita-
que fuit paschatos tempus a concilio
Nicaeno, prouocante ad consuetudi-
nem potioris partis ecclesiae a primis
temporibus, & respiciente ad canones
seculo secundo in synodo Caesareen-
si, praeside Theophilo Caesarcense,
conditos, licet rationes, quibus patres
huius concilii moti fuerant, non
omnes essent vrgentes. Concredita
hinc fuit cura indicandi diem pascha-
lem patriarchae Alexandrino, ob Ae-
gyptiorum peritiam in hoc tempora
supputandi genere, qui deinde pecu-
liaribus epistolis tempus paschale in-
dicabat, easque, non tantum ad sin-
gulas ciuitates & monasteria suae
dioceseos, sed etiam ad Pontificem
Romanum mittebat, a quo ad episco-
pos Galliarum & Hispaniarum able-
gabatur. Videntes autem posteris
temporibus mathematici cyclos, se-
cundum quos tunc temporis anni
com-


computabantur, minus perfectis esse
annumerandos, de eorundem emen-
datione occupati esse coeperunt, quos
inter praecipui fuerunt VICTORI-
NVS vel VICTORIVS AQVI-
TANICVS ab Hilario episcopo
Romano seculo quinto ad calendari-
um emendandum vocatus & DIO-
NYSIVS EXIGVVS *abbas Roma-
nus*. Verum Dionysius non habita-
ratione minutorum ad integros so-
lummodo dies computationem pleni-
luniorum &, quod inde fluit, termini
paschalis perfecit, vnde successiue no-
uilunia & plenilunia, neglecto calcu-
lo astronomico, a pristinis terminis
recedebant. Hinc factum est, vt, cum
nec aequinoctium vernum dici XXI.
Martii esset alligatum, nec termini
paschales, numeris cycli lunaris huc-
vsque adscripti, plenilunium accurate
exhiberent, pascha contra concilii
Nicaeni canones non proxima domi-
nica post plenilunium paschale, sed
saepe in secundo mense anni ecclesia-
stici

stici celebraretur. Agnouerunt hunc errorem ex orientalibus NICEPHORVS GREGORAS *in demonstratione de emendando tempore paschatos* & ISAACVS ARGYRVS *in computo*, ex occidentalibus MARIANVS SCOTVS *in computo*, nec non *in emendationibus Dionysii*, vt & *in cyclo paschali*, ac IOANNES de SACROBVSTO, vel SACROBOSCO *in computo ecclesiastico*. Post hos idem negotium vrsit in concilio Constantiensi anno MCCCCXIV. PETRVS ab ALLIACO *archiepiscopus Cameracensis & cardinalis*, qui scripsit *de emendatione calendarii*, correctionis modum, proposuit, & eam concilio suasit. Placuit hic labor Pontifici Ioanni XXIII. & aliis, quare de emendando calendario bulla fuit edita, ast, rebus in concilio varie mutatis, absque effectu. Irritus hicce conatus non deterruit NICOLAVM de CVSA *episcopum Brixiensem & cardinalem*, qui in concilio

lio Basileensi anno MCCCCXXI.
hanc rem denuo agitavit, sed, ob
episcoporum de correctionis modo
dissensum, sine exoptato successu. Ag-
gressus de nouo hoc negotium Six-
tus IV. pontifex vocato IAC. MVL-
LERO *Regiomontio*, a quo multa
sperari potuissent, nisi praematura
eius mors emendationem calendarii
impediuiisset. Non defuerunt post
hunc alii eundem laborem suscipien-
tes, quorum tamen conatus intra con-
silia tantum substititerunt. Conuo-
cato vero concilio Tridentino maiori
feruore de emendatione calendarii
fuit cogitatum, & in eo huius corre-
ctio soli pontifici concredita. Quid
autem in hoc negotio, tum a Pio V.
tum a Gregorio XIII. tum postea
a principibus & mathematicis Lu-
theranis actum sit, prolixum nimis
foret hic loci adducere, pluribus ea
prosecutus sum in supra allegata breui
historia emendati computi ecclesia-
stici.

Pedem

Pedem ergo hic figo, id vnicum tantum monens, me in conscribendo hoc libello non solum eo laborem direxisse, vt is historiae studiosis, sed & illis prodesse possit, quibus incumbit sermones e sacro suggestu habere. Adduxi hunc ob finem in consideratione singulorum festorum & dominicarum tum homilias, tum alia patrum scripta selecta, quae, vel ad euangeliorum illustrationem aliquid contribuere, vel pias meditationes suggerere valent, quo & hac ratione gloria T. O.M. promoueatur, cui pro conseruata haecenus vita & aliquali, in debili ac grauissimo morbo obnoxio corpore, vigore, sit laus & gloria in aeternum.





A. & n.

APPARATVS IN ANNVM ECCLESIASTICVM

§. I.

Annus ecclesiasticus (*a*) est coordinatio dierum (*b*) & hebdomadum (*c*) facta, aut assumpta, ab ecclesia pro publico (*d*) cultus diuini exercitio.

(*a*) Ab anno politico annus iste ecclesiasticus certo integrorum dierum numero, ex solis lunaeque periodis collecto non differt; cum & hic annum solare & lunarem includat; illum quidem propter festa immobilia, hunc vero propter pascha & alia mobilia festa a paschate dependentia, de quibus mox. *Ecclesiasticus* annus dicitur, quia ab ecclesia receptus & ordinatus est.

(*b*) Dies alias sunt, vel *festi*, quibus operas quotidianas omittimus, & Deo rebusque sacris vacamus; vel *profesti*, quibus vitae humanae necessarias & viles operas exercere licet: vel *interfisi*, qui erant communes deorum homi-

A

num-

numque, quorum quibusdam horis fas erat, quibusdam fas non erat ius dicere. Nos festorum duntaxat, interdum etiam intercisorum dierum, habebimus rationem.

(c) *Hebdomas* est septem dierum & noctium continua collectio. Dierum illorum nomina ecclesiastica in ecclesia vel iudaica sunt *sabbatum, prima, secunda, tertia, quarta, quinta, sexta sabbati*: vel *christiana* sunt *prima, secunda, tertia, quarta, quinta, sexta & septima feria*.

(d) Hic praecipuus certae illius ordinationis dierum in anno ecclesiastico finis esse videtur, ut tum diuinus cultus publice exerceatur ab omnibus, tum etiam personis ecclesiasticis, diuino cultui peculiariter dicatis, certus praescribatur modus, qui anni diebus & temporibus certis accommodatus sit. Etsi enim nobis, qui Christo nomina dedimus, omnes dies sine ullo discrimine sancti & Deo consecrati esse debent, (1) cum Deus omni tempore a nobis coli velit, tamen cum studium pietatis ob carnis infirmitatem, & huius mundi curas subinde interrumpatur, dies festi & sacri recte ecclesiae consensu ab aliis diebus seiuncti ac conuentibus publicis & exercitio religionis destinati sunt, ut illis, sepositis quotidianis laboribus, aliisque negotiis politicis, interno Dei cultui & rebus sacris tractandis, cum gaudio & laetitia tam animi quam corporis vacemus.

§. II.

(1) *Coloss. cap. II. vers. 16.*

§. II. Festa alia sunt generalia, quae generatim ab omnibus celebrantur & vocantur solennitates: (a) vel particularia, quae ab aliquibus duntaxat coluntur, &, vel a tota (b) aliqua regione siue communione, vel ab vno aliquo loco, (c) vel ab vna aliqua familia (d) habentur sacra.

(a) Vt dominicus dies, circumcisio domini, epiphania eiusdem, purificatio Mariae, annuntiatio Mariae, resurrectio, ascensio domini, pentecostes, trinitatis &c.

(b) Et dicuntur communes, vt feriae in memoriam apostolorum constitutae.

(c) Et dicuntur propriae alicuius loci, vt feriae quorundam sanctorum & martyrum.

(d) Quemadmodum Bugenhagius singulis annis illum diem, quo absoluta erat translatio biblicorum ex fontibus in linguam germanicam solitus fuit celebrare cum tota familia aliisque amicis, & id festum translationis vocavit. (1) Huc etiam spectat dies ille, quo in lucem venit translatio septuaginta interpretum, quem in Pharo insula non tantum Iudaei, sed & alii quotannis sunt venerati. (2) Vt *αυγουστίνος*, ist est dies Cypriano a Carthaginiensibus dicata. (3)

A 2

§. III.

(1) vid. Melch. Adami in vita Bugenhagii p. 318. Matthes. conc. 13. de vita Lutheri p. 150. D. Mayer de versione germ. Lutheri p. 77. (2) Philo lib. 2. de vita Moſis. (3) Augustin. de gratia N. T. cap. V. Evagr. H. E. Lib. 4. cap. 16. p. 162.

§. III. Festa illa in vniuersum sunt, vel immobilia, (a) vel mobilia (b) & haec iterum, vel hebdomaria, (c) vel anniuersaria. (d)

(a) Siue fixa & statuta, quae licet diuersis hebdomadae feriis incidunt, non tamen ad alios subinde mensium dies referuntur, sed iisdem & statis semper diebus occurrunt; atque ita fixam ac certam in calendario sedem habent, cuiusmodi sunt *circumcisio Christi, epiphania eiusdem, reliquaque sanctorum & Martyrum festa omnia.*

(b) Quae vtut eadem feria hebdomadae celebrentur, nullam fixam sedem in Calendario habent, sed diuersis annis in diuersos mensium dies cadunt, vt festum paschatos &c.

(c) Quae constanter primum cuiusque hebdomadis diem retinent, quamuis in aliis annis in alios mensium dies incidunt. Talia sunt *dominicae* per totum annum omnes.

(d) Quae quotannis semel occurrunt, eandem semper hebdomadis feriam obseruantes, licet diuersis annis in diuersos mensium dies incidunt. Talia sunt *pascha* seu *festum resurrectionis Christi*, *festum ascensionis*, die quadagesima post Pascha, *festum pentecostes*, quinquagesima die post Pascha, *festum Trinitatis*, die octava post pentecosten celebrandum.

§. IV. Pascha nostrum, a Iudaeorum (a) paschate diuerso tempore (b) celebrandum

dum, est fundamentum omnium (c) festorum mobilium, quae certo interuallo ab illo distant. (d)

(a) Quod iuxta mandatum Dei (1) immolatione agni paschatis celebrabatur die decima quarta mensis primi Nisan ad vesperam. Is autem erat mensis primus, cuius dies decimus quartus lunae cadebat; vel in diem aequinoctii verni, vel post aequinoctium primo occurrebat. (2) Quo ipso apparet, mobile fuisse Iudaeorum pascha, & nulli certo ac determinato anni diei affixum.

(b) Nos enim ex decreto synodi Nicaenae, ne quid cum Iudaeis commercii habeamus, non ipsa decima quarta die mensis primi, sed dominica immediate post celebramus; quamvis olim apud orientales christianos, de quibus infra, res aliter se habuerit. Quod si plenilunium cadat in ipsum diem dominicum festum paschatos ad sequentem dominicam transferimus. Vt igitur verum pascha celebremus, tria sunt necessaria, I dies aequinoctii verni, II plenilunium quod proxime sequitur, III dominica sequens plenilunium, si modo duorum dierum intervallum intercedat.

A 3

(c).Vt.

(1) Exod. XII, 2. sq. Leuit. XXIII, 4. sqq. Num. IX, 2. sq. & XXVIII, 16. sqq. (2) ut constat ex Ioseph. antiq. lib. 3. c. 13. Euseb. H. E. Lib. VII. cap. 23. p. 190. & Lib. VII, cap. 20. p. 266.

(c) Vtpote quod omnia mobilia festa respiciunt & ex eo tanquam radice emanant. Hinc eo recte cognito, non amplius difficile erit reliquas dominicas antecedentes vel etiam sequentes determinare. Ante concilium Nicænum non sine labore singulis annis a peritis Astronomis inquiri debebat dies verni æquinoctii, & dies plenilunii, ut exinde pascha determinari potuerit. Ut vero rem faciliorem post hæc redderent patres Nicæni omnem curam Alexandrino patriarchæ detulerunt, ut astronomis peritis in consilium adhibitis certa constitueretur tabula, qua consignaretur qui annis singulis dies prædictæ solennitatis eueniret, eaque cunctis deinde ecclesiis præscriberetur; simul autem illi volebant æquinoctium vernum vigesimo primo Martii diei alligatum. Alexandrinus ergo patriarcha paschalem cyclum decennovalem; (sive periodum lunarem decem ac novem annorum, quibus lunationes ad sua principia redire, sed frustra, putabant) ad paschatos festum rite ordinandum confici fecit. Hunc dein cum ceteris patriarchis & episcopis per orientem & occidentem communicabat, qui deinceps anniuersarias epistolas, indices diei paschalis exordiique quadragesimæ, ad metropolitanos sedis suæ subiectos missitabant, ut in illius festiuitatis celebratione omnes ecclesie inter se conuenirent. Denunciabatur autem a sacerdotibus populo futurum paschatos festum die epiphaniarum,

rum, qui mos adhuc in ecclesia Mediolanensi
viget. (1)

- (a) Nimirum festum paschatos excipiunt septem
dominicae, si pentecosten includas: pente-
costen sequuntur dominicae, quae a festo tri-
nitatis, & numerantur, & denominantur vs-
que ad domini aduentum: quod spatium *in-
teruallum maius* dici solet. Natalem Christi
proxime antecedunt dominicae quatuor ab ad-
uentu dictae. Festum epiphaniae sequun-
tur dominicae post epiphania, quarum inter-
dum plures, interdum pauciores sunt, prout
paschatos festum citius vel tardius venit. Fe-
stum autem paschatos proxime antecedunt
nouem dominicae, quae *interualla minora* dici
possunt.

§. V. A Iudaeorum quoque sabbato (a)
recessit ex libertate (b) ecclesia christia-
na, (c) & diem dominicum (d) prima fe-
ria sacrum (e) esse voluit.

- (a) In quo cum esset & morale de sanctificatio-
ne certi diei, & ceremoniale, ratione cujus
sanctificatio ad certas temporum circumstan-
tias determinata fuit, non illud, sed hoc in N.
T. fuit abrogatum.

- (b) Non tamen ita recessit, quasi in nouo te-
stamento absque ordine; merae debeant es-

(1) Vid. Franc. Bernardinus Ferrarius de antiquo eccle-
siasticarum epistolarum genere l. II. c. 3.

se confusiones in conuentibus ecclesiasticis. Paulus enim in huiusmodi circumstantiis libertatem conscientiarum ita asserit, vt tamen velit in ecclesiasticis conuentibus omnia ordine & decenter fieri, vt seruiant aedificationi & sint incitamenta pietatis.

- (c) Primo quidem apostoli tolerarunt infirmitatem fidei illorum, qui sine superstitione Mosaicos dies obseruabant; imo exemplo suo ostenderunt in N. T. liberum esse, vel singulis diebus, vel quocunque die commodum videretur ad tractandum verbum & sacramenta, & ad publica siue communia pietatis exercitia conuenire. Cum vero pseudo-apostoli liberas illas obseruationes sabbati Mosaici & aliorum festorum tanquam ex lege & opinione necessitatis ita vrgerent, vt conscientias non obseruantium iudicarent: Apostoli contra opinionem illam in publicum testimonium abrogationis festorum Mosaicorum & libertatis N. T. noluerunt amplius simpliciter diem sabbati retinere, sed primam sabbatorum feriam elegerunt ad frangendum panem & ad audiendum verbum. Non tamen, vel lege aliqua, vel praecepto, opinione necessitatis eius diei celebrationem imposuerunt conscientijs in N. T. sed liberam voluerunt illius obseruationem ordinis gratia. (1) Hinc etiam factum, vt primis seculis sabbatum & diem dominicum christiani ex libertate obseruauerint ceu testantur

(1) Quod de paschate & alijs festis notauit Socrat. H. E. Lib. V. c. 22. p. 283. Augustin. p. 118.

sur (1) canones, doctoresque ecclesiastici (2) inter quos etiam est **ATHANASIVS** (3) doctor ecclesiae Alexandrinae, ex qua hunc morem accepit ecclesia aethiopica, eumque hodie etiam servat. (4)

(d) Cuius appellatio habetur Apoc. 10. eiusque cultus ab antiquissimis memoratur apologetis **IUSTINO M.** (5) & **TERTULLIANO** (6) aliisque Scriptoribus (7) eundem etiam feriatum voluit concilium laodicenum (8) & postquam sacrorum externorum cura ad imperatores fuit deuoluta, iidem otia hoc die sanciuerunt & **Constantinus M.** quidem in ciuilibus exceptis rusticorum operis, (9) **Leo imp.** autem lege lata etiam agricolas oriri iussit. Plures autem dantur causae, ob quas in ecclesia christiana in hunc praecipue diem sacra solennia fuerunt translata: (10) nimirum ne viderentur christiani iudaismo & iudaicis caeremoniis, vel potius superstitionibus

A 5

bus

-
- (1) Laodic. can. 16. 49. 51. (2) **Gregor. Nyss.** aduersus eos, qui castigationes aegre ferunt **Socrat. Lib. VI. c. 8. p. 312.** (3) In homil. de semine **Tom. I. p. 1060.** (4) **Ludolf. hist. aethiop. Lib. III. c. 1. n. 52. sq. & in comment. ad h. l. p. 275. sq.** (5) **apol. 2. p. 98. seqq.** (6) **apolog. c. 16. de idololatria c. 14.** (7) **Ignat. epist. ad magnesianos p. 57. si liber Melitonis sardensis de die dominico ab Euseb. H. E. 26. pag. 147. laudatus superstes esset, plura de huius diei institutione & religione afferri possent.** (8) **can. 29. adde ad eundem canonem Balamon. p. 839. & Zonar. p. 349.** (9) **Sozom. H. E. Lib. I. cap. 8. p. 213.** (10) **diff. cypr. II. p. m. 88.**

bus adstricti esse, & simul testarentur abrogationem festorum mosaïcorum, libertatemque christianam. Dein vt ex Iustino martyre constar, ex iis quoque capitibus hæc mutatio suscepta fuit, quod hoc die Deus mundum creauerit & Christus eodem a mortuis resurrexerit. (1)

- (e) Paucis ab initio ritibus sacra huius diei constabant, lectione scilicet sacri textus, concione, precibus, oblatione panis & vini, oblato- rum consecratione, communione præsentibus data & absentibus missa, baptizatorum ad communionem receptione atque eleemosynæ collectione. (2) Dein vero sequentibus temporibus teste DIONYSIO, qui *Areopagitæ* nomen splendide meretur & Sec. IV. vixisse a quibusdam putatur, (3) ritus fuere multiplicati ita vt tunc iam sacra peragerentur incensione odorum, psalmodia, lectione sacri textus & electione catechumenorum poenitentium, occlusionem & sedula forlūm custodia, symbolo- rum panis & vini propositione, precibus super symbolis consecrandis, salutatione pacis, inui- tatione ad communionem, sacra communio- ne, & denique gratiarum actione. Labenti- bus seculis in immensum sacrorum ritus ita excrevere, vt sub reformationis initium ne- cessum fuerit sacra nostra ad primorum secu- lorum simplicitatem reducere, & quintuplici exercitio, precibus, hymnis, lectionibus, sacris,
- con-

(1) Augustin. de verbo apost. serm. 13.

(2) vid. Iustin. cit. apol. 2. p. 98. seq. Tertullian. in Apo-
logetico. c. 39. (3) in lib. de hierarch. eccles. c. 2. seq.

concione & communione absoluer. Conf.
tractatio prolixior B. Hildebrandi de sacris pu-
blicis primitiuae ecclesiae.

§. VI. Praeter dominicos dies & solen-
nitates magnas in anno ecclesiastico oc-
currunt sanctorum memoriae (a) & mar-
tyrum natalitia, (b) iam olim certo tem-
pore, (c) loco, (d) & modo (e) celebrata,
etsi vbiuis terrarum non fuerint eadem
(f).

(a) Vox *memoriae* alias sumitur pro monumen-
to sepulchrali : (1) interdum pro oratoris,
in quibus reconduntur sanctorum corpora
vel reliquiae : (2) nobis vel vox illa hoc loco
de mortuis accipitur, vt *mentio* de viuis, re-
uocando nobis scilicet in memoriam acta &
passiones sanctorum, vel vt habent verba epi-
stolae smyrnensis (3) in memoriam eorum,
qui glorioso certamine perfuncti sunt, tum
ad posteros huiusmodi exemplo erudiendos
& confirmandos. Quo ipso etiam recedi-
mus a pontificiis, qui cultum sanctis tribuen-
dum putant, quorum nos tamen memorias
celebramus, cum *apologia A. C.* sententiam
de honoribus sanctorum ad tria capita redu-
centes, I vt Deus in sanctis celebretur II vt
dona

(1) Ap. Augustinum de cura pro mortuis gerenda. (2)
vid. August. L. X. contra Faustum Manichæum c. 21.

(3) Euseb. Lib. IV. cap. 15. H. E.

dona ipsorum amplificentur & sancti ipsi laudentur, qui donis illis fideliter vsi sunt, III vt virtutes ipsorum ad imitationem proponantur. In veteri ecclesia sanctorum & martyrum memoriae obseruabantur, quando nomina eorum, ex dyptichis inter solennes preces ante vsum eucharistiae, minister ecclesiae recitabat ad conseruandam illorum memoriam, aliosque fines.

(b) Sunt dies festi, quibus memorias martyrum recolimus. Per natalem autem martyrum veteres non intelligebant anniuersarium natiuitatis diem, sed illum quo isti martyrio coronati mundo valedixerant: (1) Nempe ut ostenderent, eosdem miseriis suis iam exsolutos, mortem cum vita longe meliori commutasse, & ad aeternam ac immortalem transisse ac vere regeneratos esse. (2)

(c) Originem natalitiorum VALESIVS in annotationibus ad Eusebium (3) ab ipsis temporibus apostolorum arcessere vult, dum S. Paulum eo respexisse putat Rom. XII, 13. vbi, cum patribus quibusdam pro voce *ἀγάπης* legit *ἀνείας*. sed cum illa lectio reliquorum ecclesiae doctorum careat applausu, nec temere reperitur versio, quae non vulgatae versionis inhaereat, vtpote quam multi veterum recentiumque interpretum, & ex ipsis pontificii non pauci suo assensu comprobant, *Valesio* subscribere non possumus. Probabilius eorum originem ad

secun-

(1) vid. Nicolai papae epist. ad consultat. Bulgaror. cap. 3.

(2) Vid. B. Sagittarii tract. peculiaris de natalitiis Martyr. toto cap. 2. (3) p. m. 73.

secundum referimus seculum, quo memoria Polycarpi martyris primum a Smyrnenfibus, quorum episcopus fuerat, solenniter celebrata fuit. (1) (d) Quod annuum fuisse colligimus ex TERTULLIANO: (2) & CYPRIANO (3) ubi martyrum passiones & dies, anniuersaria commemoratione celebratas fuisse legimus, & quidem eo die, quo fuissent coronati. (4) Tempus autem illud anniuersarium desumptum esse videtur ex moribus gentilium graecorum, quibus testante CYRILLO (5) solenne fuit, eos, qui in Marathoniam pugna ceciderunt, anniuersariis laudibus ornare. DODWELLVS (6) autem vult, ex imperatorum romanorum natalitiis deducenda esse illa christianorum. Quaecunque tandem fuerit horum origo, nobis perinde erit, modo neutram quis dicat solam iis dedisse primordia. Id tamen circa anniuersarios dies adhuc est notandum, quod sancti plerumque aliis diebus, quam quibus ad coelestem patriam migrarunt, culti, siue quia persecutionis tempore minus exquisita notatio haberi potuerit dierum, quibus passi sunt, siue celebriores fuerint translationis reliquiarum eorundem sanctorum, quam diei natalis feriae, siue denique ob alias causas nunc nobis ignotas. (7)

(e) Eo

(1) Vid. Euseb. in H. E. L. IV. c. 15. (2) libro de corona militis c. 3. (3) epistola 39. p. m. 77. (4) vid. Dodwell. diss. XI. Cypr. p. 57. (5) lib. 6. contra Iulianum. (6) L. c. p. m. 38. (7) quod recte notauit Pagi in crit. histor. chron. tom. I. p. 58. sq.

(e) Eo nimirum, vbi martyrum corpora aut eorum reliquiae fuerunt sepultae. (1) Fuerunt autem nonnunquam martyres sepulti in priuatis domibus, (2) in areis, (3) praecipue autem in cryptis, (4) de quibus videri potest *Rema subterranea* ab *Antonio Bosio* coepta & a *Paulo Aringho* confecta. In his ergo natalitia pro temporis locique conditione fuisse primo celebrata nulli dubitamus. Deinde cryptis coemeteria fuere coniuncta, in quibus martyres paulo editiores accipiebant tumulos, tumuluarum opera primum congestos, interdum titulo (5) siue inscriptione sepulchrali ornatos. His tumulis procedente tempore altaria (6) superstruebantur, atque his iterum lignae domunculae, (7) vt, qui precaturi eo accederent, operti tecto ab iniuriis coeli immunes essent, superstructae sunt. Ex quibus subinde nata sunt oratoria & tandem templa natalitiis martyrum locum praebentia. (8)

(f) Huc spectabant varii ritus, quibus martyrum natalitia fuerunt celebrata. Primo quidem dies, quibus martyres excefferant, curiose annotabantur, (9) constitutis eum in finem certis notariis. Redeunte singulis annis natali

(1) Vt id constat ex natalitiis Polycarpi. (2) Athanasius in vita Antonii. (3) Tertull. libro ad Scapulam add. acta Cypriani. (4) quarum descriptionem dedit Hieronym. comm. in Ezech. l. 6. 12. cap. 40. (5) Prudent. peristeph. hymn. 4. de pass. Hippol. (6) idem ibid. Hieron. aduers. Vigilant. c. 3. Augustin. aduers. Faustum l. 20. c. 21. (7) Paulin. natal. 6. Felicis. (8) Sozom. l. c. l. 5. c. 20. p. 628. (9) Cypri. l. 3. ep. 6.

tali martyrum, publice is denunciabatur: quadragesima tamen ab his diebus festis vacavit exceptis sabbatis & dominicis. (1) Dein praeiis peruigiliis (2) in ipsis natalitiis magnus populi confluxus fuit (3) variaque temporis successu fuere suscepta. Tumuli enim martyrum interdum floribus ornati, (4) vino, (5) balsamo ac vnguentis (6) conspersi, reliquiae eorum circumlatae, osculis (7) expositae, lacrimis (8) interdum aspersis. Legebantur praeterea martyrum acta, (9) hymni decantabantur, (10) sermones sacri (11) habebantur, plerumque encomiastici sermones (12) & auditores ad imitationem patientiae ac constantiae accendentes. (13) His subiectae fuerunt certae precum formulae (14) & religiosae animi voluptati iuncta fuit postea corporum cura; hinc nata conuiuia ab initio sobria, (15) sed tandem in deterius abeuntia. (16)

(S) Quamuis enim vnus forte & alterius mem-

-
- (1) Conc. Laod. c. 51. (2) Theodoret. H.E. Lib. II. c. 24. (3) Greg. Nyss. or. in die nat. Theod. mart. Hier. ad Lxam de instit. filiz. (4) Paulin. nat. 3. Felic. (5) idem nat. 6. (6) id. nat. 6. Gregor. M. I. ep. 53. (7) Paula & Eustach. ad Marcellum. (8) Gregor. Nyss. or. 3. Prudent. l. c. hymn. 12. (9) conc. carth. an. 401. can. 50. vel 46. (10) Constant. M. or. ad sanct. coetum c. 12. (11) vid. Chrysost. in argumento ep. ad Rom. (12) Ut videre est ap. Basil. Greg. Naz. & Nyss. Chrysost. August. &c. (13) Greg. Naz. or. 16. 18. Augustin. serm. 47. (14) Epiphan. haer. 75. Cyrill. catech. myst. 5. (15) Constant. M. or. ad Sanct. coetum c. 7. (16) Greg. Naz. or. 6. Augustin. ep. 64.

morja in vniuerſa eccleſia fuerit celebrata, ta-
men notante **HIERONYMO** (I) non omni-
um omnino martyrum & ſanctorum memo-
riae vbiuis fuere ſolennes, ſed pro diuerſitate
eccleſiarum, nunc horum nunc illorum ſan-
ctorum dies fuere ſacri, vt ex diuerſis martyro-
logiis conſtare poteſt.

§. VII. Dies dominicos atque feſta olim
vigiliae (a) antecedeſbant, (b) in quibus
noctu variis piis officiis (c) ad ſequen-
tem diem ſe praeparabant fideles, licet
poſtea (d) ob ſcandala quaedam, (e) no-
cturna illa ſacra in diurnum tempus, (f)
retento vigiliarum vocabulo, fuerint trans-
lata.

(a) Et haec vox variis obnoxia eſt ſignificatio-
nibus, I enim denotat officium, quod pro
defunctis hodie quoque apud pontificios cani-
tur. II officium nocturnum, quod in vi-
giliis nocturnis olim decantabatur. III ipſas
nocturnas preces, quibus olim chriſtiani
vacabant. IV diem profeſtum, quia noctu
vigiliae, vel habentur, vel olim habitae
fuerunt. Hoc praecipue ſignificatu poſteriore
apud nos hodie in vſu eſt vocabulum iſtud.

(b) Perſecutiones nocturnis & antelucanis ſa-
cris anſam dederunt, vt videre eſt ex epiſt.

PLINII

(1) ad cap. IV. epiſt. ad Galat.

- PLINII (1) & TERTULLIANO. (2) Dein mos ille mansit in ecclesia veteri, ut in vigiliis praecedentis diei aliquando usque ad mediam noctem perseverarent teste HIERONYMO: (3) aliquando media nocte convenirent, & usque ad meridiem simul manerent. (4)
- (c) Publici enim moris erat, in solennibus praecipue festis, precibus atque hymnis apud Deum excubare, ut infra circa festum natiuitatis moneretur. Reddebantur praeterea hae vigiliae lucernis, lychnis & lampadibus illustriores. (5)
- (d) Cum seculis sequentibus superstitio cresceret, per vigiliis, honori praecipue martyrum dicatis, litem movit. *Vigilantius* Barcinonensis ecclesiae in Hispania presbyter, quem tamen HIERONYMUS tam acerbè refutavit, (6) ut nec gravibus abstinerit conuitiis, & ob id theologis moderatis minime probatus, utpote qui ipse ante satis vigiliarum corruptelas intellexerat. Tantum igitur patronum cum vigiliae habuerint, mirum non est longo tempore in ecclesia eas durasse.
- (e) In primis seculis enim ex suis sacris nocturnis christianorum sacra iudicarunt, iisque horrenda imputarunt scelera, quibus masculè responderunt apologetae aliique ecclesiae doctores, simulque monstrantur calumnias istas ex
- B
- sacris

(1) Ad Traian. L. X. p. 97. (2) libro de corona militis cap. 3. & ad uxorem l. 2. c. 4. (3) in c. 25. Matthaei. (4) vid. Basilium in Pl. 114. (5) vid. Euseb. l. 4. de vita Const. c. 22. (6) In libro aduersus ipsum & in epist. ad Riparium.

sacris christianorum male intellectis ottum habuisse. (1) Postquam vero cessantibus persecutionibus vigiliae hae filiis tenebrarum occasionem praeberent nefanda patrare, synodus Eliberitana (2) a vigiliis abesse voluit. Post sec VII. primordia, synodus Antifiodori collecta easdem habuit, tum in domibus propriis, tum in templis. Non tamen ubique abusus illi fuere abrogati, sed saepe iam sublatis iterum inualuerunt, ut necessum habuerint ecclesiae doctores in vigiliarum abusum inuehere. (3)

(f) Ut euitarentur illa scandala, pridie diei cuiusque festi ieiunandum esse voluerunt patres doctoresque ecclesiae, & nihilominus nomen vigiliae retinuerunt. In nostra certe ecclesia pridie solennioris alicuius festi in quibusdam locis habentur conciones, in aliis vero lectiones certae fiunt cum precibus & hymnis de tempore, dato quoque signo per campanas, festum aliquod instare, indicante.

§. IIX. Huc etiam spectant ieiunia (a) quae olim fuere vel priuata, (b) vel publica, (c) cum vero & his temporis successu opinio necessitatis (d) & meriti (e) accesserit, pauca in ecclesia nostra fuere fer-

(1) vid. Chr. Kortholti paganum obtrectatorem diuersis in locis. (2) can. 34. (3) vid. Bernhardi sermo in vigilia Petri & Pauli.

seruata eaque, vel flata, (f) vel extraordinaria. (g)

(a) Ieiunium proprie dictum versatur circa voluntariam cibi abstinentiam, quod tribus potissimum modis iuxta scripturae traditionem exercetur; I. quando talis moderatio in cibo & potu adhibetur, ne vel corpora onerentur, vel corda grauentur crapula & ebrietate, quae virtus alias vocatur temperantia, frugalitas, & sobrietas; II. quando non in totum vel a prandio vel a coena abstinemus, sed vel coenantes vel prandentes aliquid detrahimus, siue in quantitate, siue in qualitate, & haec vocatur alias abstinentia; III. quando quis in totum, vel a prandio, vel a coena abstinet, & haec acceptio est huius loci & inuoluit, primo voluntariam abstinentiam cibi per totam diem vsque ad vesperam; dein abdicationem aliarum etiam deliciarum: & tandem afflictionem corporis & animi humiliationem. (1)

(b) Cum quis, vt precibus melius vacaret, ieiunium libere suscepit, vt Ioannes. (2)

(c) Post apostolorum tempora exercitia illa ieiuniorum semper in ecclesia retenta & vsurpata fuerunt, ante baptismum susceptum, (3) in grauissimis supplicationibus, (4) in causa alicuius ecclesiasticae sollicitudinis, (5)

B 2

ante

(1) Conf. Chemn. E. C. T. de ieiun. part. IV. p. 89. (2)

Euseb. l. c. Lib. III. c. 17. 23. (3) Iustin. l. c. p. 93.

(4) Irenaeus l. II. c. LVI. (5) Tertull. de ieiun.

ante festum paschatos, (1) in publicis solenni-
busque precibus (2) & alibi.

(d) Postquam consuetudo ieiunandi per tria se-
cula libera fuit, Basilius tamen per commen-
dationes & exhortationes ieiunia obseruari fe-
cit; de veris finibus quidem & effectibus ie-
iunii multa praeclare secundum scripturam
dicit, sed sicuti in huiusmodi declamatoriis
materiis fieri solet, longius prouehitur, plura
& grandiora ieiunio tribuit, quam vel scriptu-
ra sacra tradit, vel eius analogia ferre potest.
EPIPHANIVS Cypri episcopus non exhor-
tationibus vt Basilius, sed disertis verbis tan-
quam legem generalem & constitutionem ne-
cessariam, ieiuniorum tempora & delectum
ciborum proponit, idque sub nomine tradi-
tionis & constitutionis apostolicae. Cui ta-
men opponi potest **AUGUSTINVS**. (3) Tan-
dem sequioribus temporibus ecclesia pontifi-
cia ex liberis obseruationibus, suis legibus &
statutis fecit praecepta, non ordinis tamen &
disciplinae gratia, sed opinione necessitatis,
vt moraliter peccare iudicetur is, qui statu-
to illo die vel tempore non ieiunat, etiamsi
alio tempore ieiunet. Tradunt nihilomi-
nus varias ieiuniorum distinctiones I. enim
quaedam vocant *assumpta* ieiunia, vt quando
quis libere ex propria deuotione sumit sibi
tempus aliquod ad ieiunandum. Haec esse
VO-

(1) Euseb. I. c. lib. V. c. 24. (2) ad exemplum Dante-
lis IX, 3. X, 2. & apostolorum Act. XIII, 3. XIV, 23.
(3) ep. LXXXVI, ad Casulanum.

voluntaria dicunt, & pertinere ad opera supererogationis; II. quaedam *votiva* dicunt ieiunia, quando scilicet vel ex voto peculiariter emissio aliquis se ad certi alicuius temporis ieiunium, obstringit: & haec dicunt ratione voti necessaria; III. quaedam vocant *iniuncta* ieiunia, quae scilicet a sacerdote in confessione ad satisfactionem iniunguntur, & haec ratione sacramenti poenitentiae & satisfactionis dicunt esse necessaria; IV. quaedam vocant *instituta* siue *indicta*, quae certis temporibus praeepto ecclesiae statuta, & mandata sunt. Illa ratione praeepti dicunt esse necessaria, ut sunt quadragesima tota, exceptis dominicis, quatuor tempora, vigiliae natiuitatis domini, & assumptionis Mariae, vigiliae apostolorum, excepta vigilia Iohannis euangelistae, Philippi & Iacobi; V. quaedam vocant *consilii*, quae scilicet non omnibus sunt praeepta, sed tamen illis consulta, qui per opera supererogationis ad statum perfectionis contendere volunt: & talia dicuntur esse in aduentu domini, in rogationibus, in vigilia pentecostes & a secunda feria quinquagesimae vsque ad quartam: ita iuxta *summam angelisam*, quarta & sexta feria, ac sabbata omnia sunt ieiunia consilii; VI. quaedam vocant ieiunia *consuetudinaria*, quando scilicet in aliqua regione est ieiunium aliquod consuetum, quod tamen non est praeeptum per ius scriptum, qualia apud ipsos sunt in vigilia omnium sanctorum, Io. Baptistae &

Laurentii; VII. quaedam vocant *extraordina-*
ria quae pro ratione incidentium causarum
extraordinarie indicuntur, vid. B. Chemni-
tium. (1)

(e) Quasi ieiuniis Deus placetur, poenae pec-
cati auertantur atque depellantur, bona &
gratia impetretur: cum tamen haec poeniten-
tiae, huiusque parti praecipuae fidei in Chri-
stum & orationi (quarum vel adiunctum est
ieiunium, vel parando ad eas animo inseruit)
sint tribuenda.

(f) Quae tamen etiam in diuersis ecclesiis va-
riant. In his terris quatuor anni tempora, quae
vulgo *quatember* dicuntur, obseruari solent. Ex
his priora duo a duobus festis mobilibus domi-
nica nempe quadragesimae & pentecostes;
posteriora vero duo a duobus festis fixis, exal-
tatione crucis in septembri & Luciae in decem-
bri pendent: proximus enim qui haec festa se-
quitur dies Mercurii, inter quatuor anni tem-
pora numeratur. Hinc versiculi triuiales:

Vult crux, Lucia, cineres, charismata dia.

Vo sit in angaria quarta sequens feria.

De Leone M. referunt, quod circa annum 460i
solennia ieiunia quater in anno publice in-
dixerit & mandauerit, ieiunium scilicet qua-
dragesimae, pentecostes, septimi mensis &
decimi. De illorum autem temporum ieu-
niis extant multi sermones Leonis. Magna
omni tempore horum ieiuniorum fuit di-
uer-

uerſitas, antequam apud pontificios res abie-
rat in leges rigidiffimas. Apud GRATIA-
NUM (1) traditur antea ter in anno ieiunia ce-
lebrata, poſtea vero facta inde quatuor tem-
porum ieiunia. Eliberitanum concilium (2)
ſtaruit ſingulis menſibus, excepto Iulio & Au-
guſto talia ieiunia celebranda. RABANVS
MAVRVS (3) dicit quatuor ſabbatis illorum
temporum ſpecialia ieiunia fuiſſe conſtituta,
in menſe Martio primo ſabbato, in Iunio ſe-
cundo ſabbato, in Septembri tertio ſabbato, in
Decembri quarto ſabbato, feria quarta & ſex-
ta legitima ieiunia praeceſſerunt. Addit au-
tem quod memorabile eſt cauſam & originem
illorum ieiuniorum fuiſſe, quod GELASIUS
conſtituerit, illis diebus ordinationes presby-
terorum & diaconorum debere fieri ad ex-
emplum apoſtolorum. (4) Poſtea hic mos ob-
tinuit, etiam cum non celebrarentur ordina-
tiones. (5)

(g) Quae antea not. (d) ſub finem fuere deſcripta.

IX. Varia haec feſtorum genera inſtituit
eccleſia, (a) quae ab initio pauca (b) ha-
buit, ſed poſtea magis cumulata (c) vidit, a
reformatoribus tamen ad minorem redu-
cenda numerum.

(d) Medii incedimus inter Iudaeos, ſemi-Iu-
daeos & illos, qui nullos feſtos dies celebran-

B 4

dos

(1) diſt. 76. (2) c. 23. (3) de inſtitutione clericorum L.
2. c. 24. (4) Act. XIII. ſeqq. (5) Chemn. l. c. p. 147. ſq.

dos esse arbitrantur. Nos enim liberas hucusque festorum recensitorum observationes, imo ne diei quidem dominicae observationem lege aliqua aut praecepto ab apostolis fuisse positam vidimus; illi vero paedagogiam illam festorum diuinitus institutam, necessario etiam nunc obseruandam contendunt, quia Exodi XXXI. sabbatum dicatur pactum sempiternum signumque perpetuum. Sed duplex est perpetuitas, alia absoluta & sine fine, alia periodica, secundum eonditionem rei cui adiungitur: non prior, sed posterior intelligenda est usque ad Christum, cuius aduentu periodus durationis & obseruationis ceremoniarum V. T. limitata in scripturis fuit, hinc etiam restrictio addita legitur: *Perpetuum erit inter filios Israel.* Isti erant Ebionitae, & alii, quos Paulus grauiter perstrinxit in Colossensibus (1) & Galatis (2). Hi autem qui nullos festos dies celebrandos iudicabant, communiter dicuntur fuisse in Gallia Sec. XII. *Petrobrusiani* & *Henriciani*, tradentes dies festos omnes spectare ad Iudaeorum ceremonias & propterea his sublatis & illos debere cessare. Cum vero nulla eorum supersint scripta, & tantum ab eorum aduersariis haec illis fuerint obiecta, forte ut Waldensibus, cum quibus alias iunguntur, iniuria facta fuit. (3)

(b) Ni-

(1) Coloss. II, 16. seq. (2) Gal. IV, 10. (3) vid. Vsserius de christianarum ecclesiarum in occidente successione & statu, c. IIX. & B. F. V. Calixtus noster prolixè in ultimo programmate festo paschatos praemisso S. 36. seqq.

(b) Nihilum diem *dominica pascha* & *pentecosten* primis seculis ecclesia duntaxat habuit dies festos. Per pascha autem quidam intellexerunt, non tantum resurrectionis, verum etiam passionis siue crucifixionis memoriam. Similiter olim quoque per pentecosten non quinquagesimum saltem diem, sed totos illos 50. dies post pascha festos habuerunt. (1) Postea vero quinquagesimus duntaxat dies mansit festus, vt aduentus de coelo spiritus sancti anniuersaria solennitate celebraretur. (2) Sub illis quinquaginta diebus continebatur festum ascensionis, cuius dein peculiaris fuit solennitas, postquam illi dies quinquaginta non amplius vbique festi haberentur. Accessit his dies *natalis* Christi, ab antiquissimis quidem non memoratus, sed a BASILIO (2) NAZIANZENO & CHRYSOSTOMO. (3) Neque negari potest inter veteris ecclesiae festa etiam fuisse numerata, pro varietate regionum, martyrum natalitia. (4) Haec tamen festa homines, ob relaxationem a laboribus, in singulis locis, singulos pro arbitrato consuetudine quadam celebrasse scribit SOCRATES. (5)

(c) I. Quidem per memorias martyrum; II. per Constantinum M. non tantum festa martyrum praecipientem, sed etiam dedicationes

B 5

tem-

(1) Tertull. lib. de idolol. (2) Aug. ep. 118. hom. in nat. Christi. (3) Orat. de Philogomo. (4) Hieron. ad Gal. IV. (5) Hist. Eccl. l. V c. 22.

templi; (1) insignium liberationem & victoriarum; III. cum seculo praecipue quinto multa sanctorum corpora fuerunt reperta. (3) Quenam festa sub Carolo M. in occidente obtinuerunt, indicatur in Capitularibus (4) & concilio Moguntino, (5) quae vero in oriente seculo IX. fuerint festa, recensuit PHOTIVS. (6)

§. X. Ad festorum historiam illustrandam faciunt aliquot classium scriptores; I. qui de festis omnibus ex professo scripserunt; (a) II. qui de hoc vel illo festo in specie egerunt; (b) III. martyrologia & in ea commentatores; (c) IV. qui de officiis diuinis (d) commentati sunt; V. varii qui de ritibus & antiquitatibus sacris (e) scripserunt.

(a) In horum classe I. consulendi sunt *centuriatores* Magdeburgenses cuiusvis centuriae cap. VI. Dein MATTHAEVS DRESSERVS de festis diebus christianorum, Iudaeorum & ethnicorum libro, in quo origo, causa, ritus & usus eorum exponuntur. (7) RVDOLPHVS HOSPINIANVS de festis diebus christianorum, hoc est de origine, progressu, ceremoniis & ritibus festo-

(1) Euseb. de vit. Const. L. IV. c. 43. (2) Euf. H. E. L. X. c. 9. (3) conf. Hospinianum de origine festorum christianorum cap. IV. p. 22. seqq. ubi per sedecim secula ortum, progressumque festorum deducit. (4) Lib. II. c. XXXV. p. m. 718. (5) Can. 36. Regin. lib. I. c. 377. seq. (6) Nomoc. tit. 7. c. 1. (7) Lips. 1594. 8. & 1607.

festorum dierum apud christianos tractatu. (1)

IAC. GRETSEVVS S. I. de festis christianorum libris duobus aduersus DANAEVM, DRESSERVVM, HOSPINIANVM aliosque.

(2) THEOD. THVMIVS in tractatu historico theologico de festis iudaeorum & christianorum. (3) IOACHIM HILDEBRANDVS

in enchiridio de priscae & primitivae ecclesiae sacris publicis, templis & diebus festis, (4)

& libello singulari de diebus festis. (5) GISEBERTVS VORTIVS de sabbato & festis. (6)

IAC. KOELMANNVS in disputatione de diebus festis in ecclesiis reformatis celebrari solitis; (7) B. GEBH. THEOD. MEIERVS in

in sacrorum publicorum & festorum christianorum historia adhuc manuscripta.

(b) Quorum singulorum mentionem loco conveniente faciemus.

(c) Huc spectant martyrologia Romanorum cum CAESARIS BARONII notis, (8) Gallicum ANDREAE DV SAVSSAV, (9) Hispanicum IO. TAMAYO SALAZAR, (10) Germanicum MATTH. FRIDER. BECKII (11) & aliorum plurium.

(d) Vt

-
- (1) Tigurii 1611. & Genev 1674. in folio. (2) Ingolstadii 1612. in 4to. (3) Tubingae 1624. in 4to. (4) Helmstadii 1652. in 4to. (5) ib. 1701. in 4to. (6) Disputationum selectarum part. 3. disp. 93. & seq. de festis & quasi festis extra papatum observatis disp. 96. (7) Traiecti ad Rhenum 1693. in 4to. Act. Lips. anno 93. p. 540. sqq. (8) Parisiis 1645. in folio & alibi. (9) Parisiis 1637. in fol. (10) Lugduni 1651. in fol. (11) Augustae Vindelicorum 1687. in 4.

- (d) *Vt Ordo Romanus; Isidorus, Alcuinus, Amalarius, Rabanus Maurus, &c.* quos in vnum corpus collegit ediditque MELCHIOR HITTORIUS. (1) GVILIELMVS DVREANTVS in rationali diuinorum officiorum. (2)
- (e) *Vt STEPHANVS DVREANTVS de ritibus catholicae ecclesiae libris tribus. (3) BARTHOLOMAEVS GAVANTVS in thesauro sacrorum rituum. (4) GABRIEL ALBASPINAEVS de veteribus ecclesiae ritibus observationum libris duobus. (5) DOMINICVS MACER in Hierolexico. (6) IO. CASP. SVICERVS in thesauro ecclesiastico ex patribus graecis. (7) IOSVA ARNDIVS, in Lexico antiquitatum ecclesiasticarum. (8)*

ANNVS

-
- (1) Parisiis 1610. in fol. (2) Lugduni 1592. 8vo. (3) Parisiis 1631. in 8vo. (4) Lugduni 1664. in 4to. (5) Helmstadii 1672. in 4to. (6) Romae 1677. in folio. (7) Amstelodami 1682. in fol. (8) Gripswald 1669. in 4to.

ANNVS ECCLESIASTICVS.

Cuius initium anno MDCCXIX. fuit die tertio Decembris, finis vero eiusdem die trigefimo anni MDCCXX.

MENSIS DECEMBER.

§. I. Die tertio exordium (a) erat anni ecclesiastici in aduentus (b) dominica prima; (c) quae quando instituta fuerit, satis non constat (d) ordinata tamen cum reliquis, ut fideles se praepararent (e) ad futurum natiuitatis Christi festum debite celebrandum.

(a) Vt enim Hebraei principium anni duplex habuerunt, ecclesiasticum a mense Nisan ex instituto Moſis, politicum a mense Tisri ſiue ſeptembri ex priorum patriarcharum conſuetudine, quorum illud in tempus vernale, hoc in autumnale incidebant, & quidem ut putatur circa vtrumque aequinoctium & nouilunium vtrique aequinoctio proximum ex prima lunae Phaſci aſtumatum, ſic etiam chriſtiani duplex habent anni initium, & quidem politicum ipliſ ianuarii calendis, eccleſiaſticum vero in prima dominica aduentus, poſtquam inſtitutum Moſis, corporis futuri vmbra, ceſſauit.

(b) Dicitur quidem hoc tempus ab aduentu Chriſti in carnem, non, quod in illo Chriſtus

venit

natus fuerit, sed quod immediate natiuitatis festum praecedat & debitam a Christianis exigat praeparationem. Alias autem faciunt doctores nonnulli aduentum Christi, vel duplicem, vnum propter *redimenda delicta*, alterum propter *reprimenda delicta*; vel triplicem, *ad homines, in homines, contra homines*; vel quadruplicem, nimirum *incarnationis, redemptionis, regenerationis & extremi iudicii*, siue *in carnem, in mentem, in mortem, & in extremum iudicium*. Et ob hunc quadruplicem aduentum fuisse etiam quatuor aduentus dominicas institutas putant.

(c) Graeci incipiunt aduentum a die 14. Nouembris, die scilicet Philippi, quod etiam antiquitus penes latinos obseruabatur, a die scilicet vel vigilia Martini, ideoque S. Martini quadragesima appellabatur, vt *Baronius* notauit. Hinc in ordine antiquo *AMBROSIANO* & *MOZARABICO*, sex numerabantur dominicae de aduentu, & in ordine *Gelasiano* quinque. (1) In ecclesia vero hodierna latina haec prima dominica proxime festum *Barbarae* praecedat, aut etiam eidem proxima est, ita vt, vel tres dies ante, vel tres dies post numerentur, a. 27. nempe nouembri in tertium decembris inclusue. Potest illa dominica colligi ex sola litera dominicali: existente enim litera dominicali B. dominica prima aduentus in 27. nouembris,
ex-

(1) Mabillon lit. Gall. Lib. II. c. 1. Martens de rit. monast. Lib. III. c. 1. p. 259. sq.

existente C. in 28. D. in 29. E. in 30. Novembris siue diem Andreae, F in primum decembrem incidit, vel secundum Clauium in indicis septem articulis fit numeratio, & in radice indicis collocantur 27. in secundo articulo 28. in tertio 29. in summitate 30. post in quinto articulo sub vngue 1. sexto 2. in septimo 3. ac tandem iuxta initiales literas cuiusque dictionis harum septem in versu.

Bella Cere Dolo, & Ferro Germanicus Audet quae literas dominicales denotant, inchoata numeratione, similiter a radice indicis de die in quem incidit litera dominicalis, pronuntiatur. (1) *Prima dominica hodie appellatur quae remotior est a natali domini, quarta vero quae eadem est proxima, antiquitas contra diverso numerandi ordine proximior prima, remotior quarta vel quinta dicebantur.* Agit autem haec prima dominica in quibusdam ecclesiis latinis de aduentu siue ingressu Messiae in urbem Hierosolymanam, in quibusdam aliis legitur Luc. XXI. de ultimo aduentu. In ecclesia (2) graeca recentiori hodie est dominica Lucae & lectio est de *muliere habente spiritum infirmitatis.*

(3) *GVILIELMVS DVRAVTVS* quidem (3) scribit, sacrum hoc tempus ante natiuitatis Christi festum ab ipsomet apostolorum principe Petro fuisse institutum; sed cum ille sine autoritate loquatur, eadem facilitate hoc asser-

(1) Origan. Ephém. tom. 1. p. 86. (2) vid. ap. Mabillon. annal. tom. 4. p. 632. (3) in rationali lib. VI. c. 2.

asserunt reuocatur, qua fuit prolatum. Si *Maximus Taurinensis* idem est auctor homiliarum & titulorum illis additorum, indicium erit sub initium seculi V. dominicas illas iam in ecclesia obtinuisse, utpote in quibus episcopus ille homilias de aduentu habuit. Si vero non idem auctor est, nihil inde probari poterit, praecipue cum etiam in illis homiliis agat de solo Christi aduentu ad iudicium. Accedit & illud, quod *MABILLONIVS* (1) obseruauerit, in homiliis ante septimum seculum editis, nullam de aduentu domini, tanquam de singulari quadam instituta celebritate, homiliam legi.

- (1) Id quod ex variis homiletarum homiliis, siue concionibus, missalibus & lectionariis constare potest. Praeterea huc referre licebit antiquiores quosdam in ecclesia hoc tempore, sicut hodie & ecclesia orientalis obseruat, ab esu carnis & lacticiniorum abstinere solitos fuisse licet non ieiunarent. Dicitur a graecis hoc ieiunium S. PHILIPPI, (2) quia circa huius festum d. 14. Nov. inchoatur: item *quadragesima secunda* circa tempus natiuitatis Christi, dum ipsos quadraginta dies ante natalem Christi ieiunant. (3) Eodem etiam tempore ecclesia latina obseruat ieiunium, quod *quadragesima B. Martini* salutaris, & continuatur a monachis praecipue, vel a proximo sequente die
- Mar-

(1) loc. cit. p. 99. (2) Niceph. Constant. synod. can. 20.
 (3) Christoph. Angel. enchir. c. 5.

Martini ad natalem domini, vel ab adventu domini ad idem festum. (1) Etiam secularibus scimus impositam fuisse legem, ut feria secunda, quarta & sexta ex instituto concilii primi Martisconensis ieiunarent, (2) licet quidam ex deuotione singulari quotidie tandem ieiunauerint. Olim legebatur in aduentu Esaias, quia inquit **AMALARICVS** (3) nemo propheta apertius locutus est de natiuitate Christi. Apud pontificios hoc temporis spatium peculiari aliqua moestitia, ut loquuntur, celebratur ob memoriam secundi aduentus Christi in die iudicii, & propterea in missa non dicitur: *gloria in excelsis Deo*, nec *Tu Deum* in matutino. Ast propter memoriam alterius ac salutiferi aduentus Christi scilicet incarnationis, aliquod laetitiae signum hoc tempore admiscet ecclesia, & ideo non omittitur Halleluia. Hinc tempus hoc illis vocatur partim laetitiae, partim moeroris. Nuptiae toto hoc tempore usque post epiphaniam non celebrantur. Quem morem **HOSPINIANS** putat tractum esse e gentilismo in ecclesiam, cum ethnici Lemuriorum tempore nuptias crediderint infastas. Sed quamuis non negemus christianos in festis multa a iudaeis & gentibus fuisse mutuatos, non tamen necessario sequitur, duos, qui idem eodem tempore faciunt, ex eadem quoque intentione, vel ratione id fecisse.

C

(1) Nic. de fractura com. in reg. Ben. c. 15. Conc. Salisb. 1281. (2) Can. 9. (3) de ordin. antiphon. cap. 76.

cisse. Concilium Ilerdense, sub Theodorico rege in Hispania, seculo sexto habitum, canone peculiari, qui a GRATIANO citatur, nuptias prohibuit: *non oportet a septuagesima usque ad octavam Paschae, & tribus hebdomadibus ante festiuitatem S. Iohannis Baptistae, & ab aduentu Domini usque ad epiphaniam, nuptias celebrare, quod si factum fuerit, separentur.* Sed huic concilio octo saltem episcopi interfuerunt; & licet particula illa *de nuptiis in aduentu* hodie obseruetur, clausula tamen, quae iniustitia laborat, sublata fuit. Vera autem ratio prohibitionis nuptiarum non aliunde desumi debet, quam ex proposito se debite praeparandi ad natalem domini. Explicationi & illustrationi euangelii huius dominicae inseruire poterunt sequentes ex antiquis doctores ecclesiastici: CHRYSOSTOMVS, (1) AVTOR OPERIS IMPERFECTI IN MATTHAEVM, (2) ORIGENES, (3) HIERONYMVS, (4) ATHANASIVS ALEX. (5) CYRILLVS ALEX. (6) THEOPHYLACTVS, (7) BERNHARDVS. (8) &c.

§. II. Die decimo, secunda aduentus dominica (a) est, qua de aduentu ad iudicium (b) extremum agitur.

(a) Generalia de aduentu ex prima dominica re-

pe-

(1) Hom. 97. in Matth. c. 21. (2) hom. 37. in Matth. c. 21. (3) in Matth. cap. 21. tract. 14. (4) in Matth. c. 21. (5) in illud, *perfecti in pagum* tom. I. p. 777. (6) in homil. (7) in Matth. cap. 21. (8) serm. 3. de *tripli. aduentu* pag. 7.

peti debent. Praeterea vtro & id obseruamus, quod pontificii lectionem euangelicam huius dominicae transferant in primam aduentus dominicam, & lectionem tertiae in secundam. In ecclesia graeca vocatur haec dominica vndecima Lucae, & tum legitur *de vocatis ad nuptias*.

- (b) Lucae c. 21. v. 25. sq. in ordinatione euangeliorum primae & secundae dominicae pro duplici cordis nostri vitio, pusillanimitate & securitate, duplicem quoque docendi methodum veteres exhibere voluerunt. Nimirum ante ostidium, solabatur ecclesia pusillanimes praedicando gaudium, hodie terret praefrastos, indicando iudicium. Ibi audiuius de laeto Christi aduentu in carnem, hodie audimus de tremendo ipsius reditu in nubibus. Ibi veniet propter homines vt saluet, hic venit contra homines vt iudicet. Illic amouere voluit ecclesiae rimiditatem, hodie securitatem. Ibi baculo amoeno tetigit, hodie durum ostendit. Explicationi & illustrationi inseruiunt sequentes doctores ecclesiastici: CHRYSOSTOMVS, (1) AVTOR OPERIS IMPERFECTI (2) AMBROSIVS, (3) THEOPHYLACTVS, (4) &c.

§. III. Diem sextum NICOLAUS (a) sacrum habet, (b) qui Eleemosyna sua (c)
C 2 clam

(1) Hom. 77. seqq. in Matthaeum, eiusdem sermo in secundum aduentum ad Rom. xiv, 10. (2) in cap. xxiv. Matth. (3) in cap. xxi. Luc. (4) in cap. xxi. Luc.

clam data tantum nomen sibi acquisiuisse dicitur, vt etiam per ora puerorum quocannis volitet.

(4) Episcopus & confessor Myrae metropolis Lyciae sub Constantino anno 343. iuxta Petrum de Natalibus L. I. c. 35. vel anno 358. secundum Maurolycum defunctus. Nomen eius denotat victorem populi, eius res gestas descripserunt Metaphrastes & Leonhardus, Iustinianus. Venerus Laurentii patriarchae frater, qui inter alia de Nicolao refert, *quod prius viuere quam Deum venerari, non prius comedere quam ieiunare coeperit*, quarta enim & sexta feria, cum aliis diebus ex vberibus matris crebrius lac sugeret, non nisi semel & quidem ferro sub vesperam sugebat, nec vllis lenociniis adduci poterat, vt consuetudinem hanc mutaret. Tantus est Nicolaus apud pontificios, vt illi nullus sanctus similis habeatur, & in die tribulationis post Mariam proxime inuocandus. Nec mirum, cum illi (I) prae aliis octo tribuant priuilegia; I *quod in sua pueritia Deo coepit seruire*; II *quod nunquam mortaliter peccauit*; hoc significatum est in hoc, quod baptizandus erectus stetit in pelui, in huius stabilitatis documentum; III *miraculosa electio, exemplo apostolorum*; vox de coelo lapsa est vt eligerent Nicolaum; *fuit electus inuitus, exemplo Christi qui fugit*; IV *innumera miraculorum operatio*; V *quia omnium virtutum charismate reple-*

(1) Engelgr. in fest. Nicol. p. m. 284.

repletus obiit, & angeli cum canticis animam eius deduxerunt in coelum; VI quia post mortem gratiose sepultus, nam de eius tumulo emanat e capite fons olei, e pedibus fons aquae; in hoc annotatur abundantia gratiae, in illo abundantia misericordiae diui Nicolai; VII. quia confidenter in coelum assumptus, nū enim daemones timuit; VIII. quia festum ipsius in ecclesia solenniter celebratur, & nullius ab initio quidem alterius confessoris nisi S. Martini. Et ille, apud Russos adhuc in maiori veneratione (1) tanquam illorum patronus, qui illum maiori honore, quam Christum prosequuntur, referentes illi omnes victorias placato, & si irascatur adscribunt clades.

(b) Quando festum hoc institutum fuerit, non satis constat. Cum Martini confessoris festo ad tempus solum in ecclesia viguisse putant nonnulli. In constitutione *Emanuelis* imperatoris apud THEODORVM BALSAMON (2) haec verba scripta sunt; *sexta dies decembris festum est propter miraculis insignem & unguentorum fragrantia scatentem Nicolaum.*

(c) ANTONINVS (3) refert: Nicolaum tribus puellis, quas nouercae paupertas prostituere parabat, dotem tribus noctibus per fenestras furtim immisisse, vt pudori & vna pudicitiae earum in abscondito consuleret. Sed ipse Iu-

(1) Vid. scriptor rerum Muscov. p. 137. Daniel Printz, in Muscov. ort. & progress. p. 117. Georg. Fehlau, ad Enchirid. Angeli. p. 121. 122. & 123. (2) in nomocanone Photii tit. VII. can. 1. (3) part. 2. tit. 9. c. 3. §. 2.

finianus ante citatus, magnus alias Nicolai admirator, de hoc facto dubitare videtur. Taceo nunc alia misericordiae opera, quae in eo laudare solent, ut qui tribus innocentibus, iam iam supplicio afficiendis vitam seruauerit (1).

- (d) Multis in locis in vigilia *Nicolai* parentes liberis suis clam munuscula reponunt, illisque persuadent, Nicolaum cum famulis per fenestram ista immisisse. Qui mos ex priori historia, an fabula, in nota (c) citata originem deducit. (2) In ecclesia latina plures sunt qui eum laudant. DAMIANVS, (3) CARTHVSIVS (4) &c.

§. IV. Die octaua in ecclesia pontificia festum Mariae conceptionis (a) immaculatae (b) celebratur, quod etiam debito fundamento caret. (c)

- (a) Ab initio natiuitatis festum fuit, postea mutatum in conceptionis festum, neque in ecclesia vniuersali tunc fuit, cum circa annum 1145. in Gallia celebrari coeperit, BERNHARDO adhuc contradicente. (5) Volunt autem pontificii iam ante in Anglia hoc festum coepisse celebrari, ob reuelationem aliquam, vel Anselmo Cantuariensi episcopo factam, vel Elfino abbati Anglo in mari periclitanti. (6)

(b) Affe-

(1) Vid. Suidas in voce *Νικόλαος*. (2) vid. libellus de laruis natalitiis p. 36. sqq. (3) tom. 2. p. 288. habetur inter opera Bernhardi. (4) serm. tres de proprio sanctorum fol. 7. sq. (5) in epist. 174. ad canonicos Lugdunenses. (6) Vid. Petr. de Natalibus lib. I. cap. 24.

- (b) Afferit quidem BELLARMINVS (1) fundamentum huius festi praecipuum non esse conceptionem immaculatam, sed simpliciter conceptionem matris Dei futurae, qualiscunque enim ea fuerit conceptio matris Dei, singulare gaudium affert mundo eius memoria. Sed concilium Basileenſe 1439. habitum intuitu illius praecipue fundamenti reuocare voluit institutionem de celebranda sancta eius conceptione; *statuimus, inquit, & ordinamus eandem celebritatem praefata die in omnibus ecclesiis, monasteriis & conuentibus christianae religionis, sub nomine conceptionis, festiuis laudibus colendam esse, cunctisque fidelibus vere poenitentibus & confessis, ea die missarum solenniis centum, primis autem vel secundis vespervis totidem, sermoni vero verbi diuini de ea festiuitate interessantibus 150. dies, concessione perpetuis temporibus duratura de iniunctis sibi poenitentiis, haec sancta synodus largitur.* Anno 1466. Sixtus quartus pontifex edidit decretum, in quo constituit festum illud ab omnibus fidelibus celebrandum esse, additis iisdem indulgentiis, quas consequuntur homines in corporis Christi solennitate. Hanc Sixti constitutionem obseruandam synodus Tridentina quoque sessione quinta decreuit.
- (c) Non enim probari potest immaculata illa conceptio expressis sacrae verbiſ scripturae, non ex eo quod Maria perhibetur *αἰνεῖα*.

(1) lib. 3. de cultu sanctorum cap. 16. pag. 2270.

ἀγγέλῳ, neque ex salutatione angelica, non ex reuelationibus & miraculis, non firmatur ecclesiae consensu, potius aliquot Pontificiorum consensu destituitur. Confutatur praeterea ex stipendio peccati, morte aliisque miseriis, nec non ex eo, quod Maria Deum seruatorem suum agnoscit. videatur CHEMNITIVS(1) & venerabilis F. V. CALIXTVS noster ex professo in historia immaculae conceptionis. Cum ergo fundamentum sit nullum, nec festum institui, nec indulgentiae permitti, si illud obseruetur, nec poenae statui possunt, si non debite celebretur.

§. V. Die decimo septimo est aduentus dominica tertia (a) qua de aduentu Christi ad ministerium (b) agitur, cuius praecursor erat Iohannes.

(a) Supra obseruatum fuit, aduentum dici partim tempus moeroris, partim laetitiae. Praecipue dominica tertia apud pontificios laetitiam ostendi scribunt illi, qui de officiis egerunt, permittendo scilicet diacono & subdiacono tunicellis indui & cardinalibus a violaceis coloribus feriari & rosaceis vestiri. Antiquitus quoque in hac dominica ipse Pontifex solenniter missam celebrare solebat.

(b) Pontificii lectionem euangelicam eam in hac dominica habent, quam in nostra ecclesia dominica quarta audimus. Apud graecos haec do-

(1) in exam. Concil. Trident. pag. 105. sq.

dominica est duodecima Lucae & legitur de
X. leprosis. Apud nos, postquam actum fuit
de aduentu regio & ultimo iudiciali, hac die
agitur de aduentu Christi mystico, quo per
verbum in nos venit Christus, ad purgandum
corda & habitandum in iis. Et eo collineat
huius dominicae euangelium, in quo Iohannes
discipulos suos ad Christum mittit, (1) ut il-
lum coram audiant, ex auditu credant & cre-
dendo habitaculum Christo praeparent. Ex-
plicationi & illustrationi inserviunt, HIERO-
NYMVS, (2) CHRYSOSTOMVS, (3) AVTOR
IMPERFECTI OPERIS, (4) AMBROSIVS,
(5) THEOPHYLACTVS, (6) &c.

§. VI. In tertia hebdomade (a) aduentus
post Luciae festum, (b) die decimo quinto,
est primum in anno ecclesiastico ieiunium
(c) quatuor temporum.

(a) In cuius sabbato pontificii quidam volunt tan-
tum ordinationes habitas fuisse a S. Petro usque
ad Simplicium papam, qui deinde in Februa-
rio ordinavit, ut nimirum Christo nascente or-
dinandi ab ecclesia gignerentur.

(b) Quod est immobile & decimo tertio decem-
bris alligatum. Erat autem Lucia virgo Syra-
culana, quae cum bona a parentibus relicta
pauperibus distribuisset, a proprio sponso ac-
cusa-

C 5

(1) Matth. XI, 2. sqq. (2) in cap. XI. Matth. (3) hom.
37. sqq. in cap. XI. Matth. (4) hom. 27. in loc. cit.
(5) in cap. Lucae. (6) in cap. XI. Matth.

- culata martyrii coronam accepit. Eiusdem acta martyrii carmine cecinit *Sigebertus*, qui & translationes corporis eius peculiari sermone profectus, prout ipse profiteretur. (1). Item *BAPTISTA MANTVANVS* Carmelita praeclarus poeta, *Luciae* agonem heroico carmine decantauit.
- (c) De ieiuniis supra in genere quaedam sunt monita: videtur autem huius iam ante Leonem mentionem fecisse *Philastrium* seculo IV. sed obscure & confuse, vt quatuor temporum ieiuniorum, sic in specie primi quod in natali saluatoris domini suscipiendum erat. Vbi forte per natalem domini intelligit dies natalem antecedentes, vel vt vulgo loquimur, aduentum; cum alias praxi non conueniret. (2)

§. VII. Die vigesimo quarto est dominica aduentus quarta, (a) quia de praeparatione ad Christi aduentum agitur, (b) dum viam parare domino iubemur.

- (a) In ecclesia Romana haec dominica *vacans* dicitur, quia celebratio ordinationum, iuxta decreta patrum in sabbato fieri solitarum, tam seculo fiebat, vt potius dominicae quam sabbato adscriberetur. Aliis ex eo *vacans* dicitur, quia in ea papa a stationibus vacabat ob praecedentes ordinationes iam defessus. Alii *vacantem* dictam fuisse existimant, quia tunc pontifex relictis aliis occupationibus solum largiendis eleemo-

(1) Libro de viris illustr. c. 172. (2) vid. *Dalaeus* de ieiuniis lib. IV. cap. VII. p. m. 761.

eleemosynis incumbere. Dicebatur etiam in ritu *Ambrosiano hebdomas de excepto*, (1) quia in eo excluditur omne aliud officium. Prima etiam in anno ecclesiastico haec est dominica ex dominicis aureis, post quatuor tempora ieiuniorum in calendario occurrentibus. Aureae autem putantur dictae, vel quia aureo colore in fastis fuerunt adnotatae, vel quod singularem prae aliis diebus, ad instar auri inter metalla, praerogativam, vtilitatem & efficaciam habere iudicantur, prout alias de cyclo aureo in computo ecclesiastico rationari solemus. Liberi tali dominica nati dicuntur, *die güldene Sonnen-Kind*, vel *die güldene Sontags-Kind*, addita hac superstitione credulitatis specie, liberos illos omnia spectra videre, quae aliorum, aliis diebus natorum, oculos effugere alias putantur. Sed & plures de his dominicis fouentur superstitiones: aiunt enim nonnulli, eo die cultros ad cotem abstersos vulnera facere, vel difficulter, vel penitus non curabilia. Maiorem etiam vim tribuunt aquae, quae his dominicis benedicitur, quam quae aliis. Per-vulgatus quoque, sed vanus rumor est, sponsalia istis dominicis contracta diuitias de-sponsatis & coniugatis spondere. Alii credunt, dominica aurea filo manum dextram, aut resti, quo aliquis patibulo est suspensus,

can-

(1) Forſan *pro exceptato*, quod tamen rectius dicitur *de exceptato* imo etiam tempori conuenienter.

eandem circumligantes, certo sclopetorum ictu scopum propositum se ferire posse; & quae aliæ sunt superstitiones. (1)

- (b) In ecclesia pontificia ex Lucae tertio idem inculcatur, quod nos ex Iohannis primo facimus. In ecclesia graeca haec dominica vocatur *ante Christi natalem*, & legitur ex euangelio Matthaei. In nostra ecclesia suscipitur tractatio de salutaris praeparatione ad festum instans, quam docet Iohannes suo exemplo, verbo & praeccepto. (2) Explicationi & illustrationi inseruiunt CHRYSOSTOMVS, (3) AMBROSIVS, (4) AVGVSTINVS (5) THEOPHYLACTVS. (6)

§. VIII. Die vigesimo primo S. Thomae apostoli, (a) qui plurimas perstravit nationes (b) religionis causa, & hodie in oriente sequaces, (c) ut volunt, Christianos multos habet, memoria celebratur. (d)

- (a) Qui & cognomine *Didymus* dicitur. Notus est illius in Christum egregius amor, (7) quo in mortem ire cum illo paratus erat, sed & eiusdem coecitas intellectus, quae ei cum reliquis apostolis communis fuit, notata habetur. (8) Quemadmodum & ingens illius incredulitas, (9) quam tamen egregia confessione postea emendauit.

(b) Post

(1) Vid. disp. de dominicis ominosis p. 24. seq. (2) Ioh. I, 19. sqq. (3) hom. 15. sq. in Iohannis cap. I. (4) in Lnc. cap. 3. (5) tract. 4. in Iohan. (6) in Iohann. cap. 1. (7) Ioh. XI, 16. (8) Ioh. XIV, 5. (9) Ioh. XX, 19.

(b) Post Christi ascensionem Thomas dicitur mississe ad principem Edeffienorum Abgarum e LXX. discipulis Thaddaeum, huius opera, & curandum, & conuertendum. (1) Ipse abiit ad Parthos, Medos, Persas, Hircanos, Bactrianos, Aethiopes, Indos. (2) In hoc labore, inuidia & insidiis Brachmanum lancea transfossus fuit in Malabare. Putant nonnulli cadaver eius postea fuisse translatum Edeffiam in Mesopotamiam, quibus tamen christiani orientales contradicunt, & illud in eodem adhuc loco, quo primo fuit, repositum esse volunt. Tribuitur ipsi, sed eodem titulo, quo aliis particula symboli apostolici sequens: *descendit ad infernum, tertia die resurrexit a mortuis*. Sub eius nomine etiam vulgatum fuisse euangelium ex Origenis homiliis in Lucam & Ambrosii in Lucam commentariis, aliisque constat. (3) In primis autem hoc euangelio vsi sunt Manichaei; hinc obseruat CYRILLVS Hierosolymitanus in catechesi sexta, euangelium illud non a Thoma apostolo, sed a Thoma Manetis discipulo profectum fuisse. (4) Huius quoque Thomae actus, Apostolici, siue Apotactici & Encratitae, teste Epiphanio, pro primariis scripturis habuerunt. Sub eius nomine etiam habetur liber de infantia Christi, qui iuxta

LAM-

(1) vid. Euseb. L. I. c. 13. p. 32. L. II. c. 1. pag. 39. (2) vid. id. l. c. L. 3. c. 1. Hieronymus in catalogo de script. in Thoma, Chrysostomus sermone in XII. Apostolos. (3) Eusebius H. E. Lib. III. cap. 25. (4) vid. Iulianus de pseudepigraphis cap. 4. S. II. p. 132. 60.

LAMBECIUM (1) sub nomine Thomae Israelitae in bibliotheca Vindobonensi graece manu scriptus exstat.

- (c) Qui ideo dicuntur *Christiani S. Thomae*, quos inuenerunt Portugalli, sed in ecclesia pressa degentes, hinc pauperes & templa sine omni ornatu habentes, sola crucis figura contenti, subsunt patriarchae alicui: omnes sine discrimine ad sanctam eucharistiam admittunt: biblia sacra idiomate Syriaco habent & sedulo legunt. Monasteria quoque habent, in quibus religiosi caste & pie viuunt; sacerdotes eorum in crucis formam capite tonsi sunt, videatur CAVE, (2) qui etiam inscriptiones a Lusitanis inuentas vel venditatas exhibet.

- (d) Quando hoc festum institutum sit, non satis constat. Christiani orientales, autem memorati, plures dies Thomae festos habent, & inter illos etiam dominicam *quasimodogeniti* siue in *albis*, in memoriam confessionis, & primum diem Iulii, quo & gentiles & christiani sepulchrum S. Thomae magno numero visitant, & ex terra illius certissimam sibi promittunt medicinam. (3)

§. IX. Die XXIV. vigiliae (a) natalem Christi praecedunt, ut nos praeparemus ad illum digne celebrandum, (b) non vero ut variis superstitionibus (c) nos polluamus.

(d) De

(1) Bibl. vindob. Tom. VII. p. 20. (2) in antiquit. Apostolicis pag. 576. sqq. (3) Vid. Caue l. c. p. 577. sqq. add. Marti Pauli veneti de regionibus orientalibus l. 3. cap. 27. p. 247.

- (a) De quibus vide supra in apparatu §. VII.
- (b) Id quod in nostra ecclesia fieri solet de die vel precibus, vel cantationibus, vel concionibus more apud veteres vsitato. Vide tales aliquot lectu dignas apud BERNHARDVM.
- (1) In pontificia vero ecclesia ipsa hac nocte varia instituunt officia, quae tamen etiam variant pro diuersitate ecclesiae. In capella pontificia & in ecclesia S. Marci Venetiis celebrari solet missa, in hac nocte ante eius medietatis periodum, de qua apud pontificios theologos grauissima quaestio cur illa insolito hoc tempore fiat; aliis ex priuilegio Pontificis, aliis ex eiusdem dispensatione id fieri docentibus, quod tamen aliis pontificiorum theologis non placet. (2) In eadem nocte *gladius & pileus* benedicuntur, qui deinde alicui supremo principi donantur, ad denotandum, quod secularis potestas & administratio iustitiae gladii, a regum rege recipi debeat, pro cuius recta administratione indigent regnantes Spiritus sancti directione, ideoque pileus mittitur, in quo margaritis columba est effigiata, quae mysteriorum significationes a *Reginaldo Po'o* Cardinali, in quadam epistola regi & reginae Angliae missa, quibus Iulius Papa tertius gladium & pileum in natiuitatis nocte benedictos miserat, explicantur, vid. *Hierol. xion* cita-

(1) p. m. 36. sqq. edit. Paris. (2) Vid. *Hierol. xion*. Dominici Macri p. m. 382.

citatum. (1) Vbi simul legere est, qua ratione, si ipse Dux vel imperator praesens fuerit, haec sacra celebrentur. Alias & in his vigiliis ieiunant, nisi forte inciderint in dominicam, in quo casu etiam cantatur Halleluia ob memoriam resurrectionis.

- (c) Quae partim ad fallendos pueros puellasque adhiberi solent, partim ipsos adultos constriktos tenent. Illas inter referimus terribilem *Rupertum*, qui tantum hodie apud pueros valet, quantum olim apud Romanos *Hannibal ante portas*. Cui originem hoc nomen debeat, non satis constat. Quidam illud accersere volunt ex *TRITHEMII* Chronico Hirsaugiensi, (2) & *CRANZII* Saxonia. (3) Contigit his ferme temporibus in quadam villa Saxoniae, *Rupertum* quendam sacerdotem parochialis ecclesiae sancti Magni martyris primam in nocte natalis Domini, ut moris est, missam celebrare in sui praesentia populi. Quam cum decantare coepisset, quoniam frigus erat, laicus quidam *Ottbertus* nomine cum aliis quindecim viris, & feminis tribus in coemeterio ipsius ecclesiae choreas ducens & seculares cantilenas perstrepsens, ita sacerdotem impediabant, ut ipse verba eorum intra sacra missarum solennia resonare audire cogeretur inuitus; vade mandauit ut tacerent. Quo contempto, imprecatu est dicens: *Facias Deus es sanctus Magnus,*
ut per

(1) pag. 349. (2) Tom. I. pag. 157. (3) Lib. IV.
 cap. 33.

ut per totum annum ita vos saltare oporteat. Verba imprecantis mox effectus miserabilis secutus est, dum anno toto sine intermissione, vt coeperant, chorifarunt. Filius presbyteri, nomine Iohannes, volens sororem suam de medio saltantium extrahere, per brachium eam arripuit, quam cum traheret, auulsum de corpore brachium fuit, & ne vna quidem gutta sanguinis exiuit. Illa ergo toto illo anno cum caeteris ducens choreas die noctuque permanlit: quod spectaculum nimis terribile fuit. Chorifabant sine intermissione cantantes: non cecidit super eos nix aut pluuia, non frigus laesit eos, nec feruor caloris aduulit: nec fames aut sitis saltantes tetigit: neque lassitudo cursum interceptit: vestimenta eorum permanserunt integra, calceamenta non sunt attrita: vt vecordes sine ordine cantabant: interrogati responsum nullum omnino reddentes. primum vsque ad genua, deinde vsque ad femora saltando in terram demersi sunt. Fabrica tecti aliquantulum super eos nutu Dei erigebatur, quae pluuiam arcebat. Anno tandem euoluto sanctus Heribertus archiepiscopus Colonienfis, in cuius parochia locus erat, ad coemeterium legatos misit, & eos a maledicto sacerdotis absoluit, reconciliationem faciens ante altare S. Magni martyris. Filia presbyteri cum aliis duobus statim examinata est. Continuis caeteri diebus ac noctibus tribus dormiuerunt. Aliqui postea obierunt, & miraculis, vt fertur, coruscarunt,

quia valde poenituerunt. Caeteri poenitentiam suam membrorum tremore prodiderunt. Hoc ita scriptum Othbertus supra dictus ex eis vnus in testimonium posteritati reliquit : in cuius paginae calce sic scriptum erat. *datae sunt nobis litterae a domino Peligrino beati Heriberti successore, anno Domini MXXIII.* Atque sic nomen illud postea obtinuisse putatur, ad coercendos pueros & puellas. Alii arbitrantur *Rupertum* esse personatum diabolum, cum & is natiuitatis tempore circumquaque mysterium incarnationis, quod huc vsque illi absconditum fuerat, quaesiuisset, & coniecturative perceperit. Antiquioribus ergo temporibus isti personati *Ruperti* soliti fuerunt currere laruati, quibus tamen id prohibitum fuit in iure canonico. (1) Habent praeterea & alias laruas natalitias, dum pueri puellaeque in hac vigilia expectant munera Christi, perhibentes Christum, vel cum curru onusto per fenestras & tegulas clausas ingredi tanquam per tonitru, vel cum angelorum comitatu solenniter domos adire. Personatus ille Christus tunc distribuere solet, prout pueros inueniunt probos, munera varia quibus plerumque virga additur, vt metu castigationis facilius se regi flectique patiantur, & bonis semper aliquid mali misceri, discant. Taceo nunc alia quae laruis his tribuere solent homines, Christi persona plane indigna, eique minime

(1) c. 12. extrauag. tit. 1.

nime conuenientia. Quomodo haec impingant in singula praecepta decalogi, ostendit autot *de lernis natalitiis*, (1) imo spectra illa & faruae sapiant gentilismum, praecipue ritus Saturnaliorum. (2) Ad alterum superstitio-num caput spectat, quod adulti in media hac nocte, nescio quae omina quaerant de nuptiis futuris, vita & morte, statu & conditione varia, plane abominanda & omni modo censura, non duntaxat ciuili, sed & ecclesiastica coercenda. Reliqua quae de rosa Hierichuntina hac nocte, (quae vllis temporibus idem praestare solet) quamuis arida circa mediam noctem se explicante, quae de pomis Christi hac nocte arbore prorumpentibus, a me quoque olim visis, (3) quae de omni bruto in stabulis tunc stante, quae de aliis quoque dici possunt, siue vera, siue falsa, nunc omitto. (4)

§. X. Festum natiuitatis (a) die XXV. (b) alligatum est, de eo licet certo non constet, quando (c) & a quo (d) in ecclesia, institutum fuerit, debito tamen cuku (e) celebrandum est.

(a) A nostris dicitur *Weynachts-Fest* a voce *Wey-*
ben

D 2

(1) p. m. 81. sqq. Dresserus de festis p. m. 312. sq. (2)

Hospinian. de fest. Christianor. p. 170. sq. Dresset. lc.

(3) vid. Weizium in *soq. m. ca. Phi.* Part. I. p. 47.

(4) vid. Wildvogel. diss. de eo quod iustum est circa natiuitatem 1692. c. 3. & 4. Car. Frid. Pezoldus diss. de sancti, vt vocant, Christi faruis & mundusculis Lipsi, 1690.

ben, id est consecrare, vt ex vocabulo *Kirchweyhe* constare potest; & id voluerunt veteres, sanctam esse noctem, qua Christus natus fuit, & nos per eius natiuitatem Deo consecrari. Cur vero noctis non diei mentio fiat, vel ex eo quod Christus nocte natus fuit, vel ex veterum Germanorum consuetudine deducendum erit, qui temporis spatia noctium appellatione, non dierum, expresserunt. Longe autem petita videtur illa deriuatio auctoris alicuius antiqui, qui, vt priori paragrapho notatum, vult diabolos tempore natiuitatis Christi, postquam mysterium hoc perceperant, vndique concurrisse clamantes: *non curamus regem incarnandum*, inde vulgo dici *Weynachten*, quod interpretatur quasi *Wir achten seiner Geburt nicht*. Multominus ferendum, quod nonnulli *Weynachten a vino* vocant; quia olim hoc tempore apud veteres Germanos alius alium vino donauit, vel quod olim crediderunt, omnes fontes, nato in hunc orbem Christo, habuisse saporem vini. A Graecis salutabatur hoc festum *epiphania* non genere feminino, vt imperiti graecae linguae putarunt, sed neutro: & quidem numero plurali, in eo enim festo *ἐπιφάνεια*, apparitio Christi siue aduentus eius in terra celebratur. Vtuntur hac voce *ΕΥΣΕΒΙΟΥΣ*, (1) *ΕΠΙΦΑΝΙΟΥΣ*, (2) & alij patres, illa aduentum domini, vel priorem, vel posteriorem, designantes: idem dies non solum *epi-*
pha-

(1) in H. E. L. II. c. 5. (2) lib. III. de haeres. p. 466.

phania sed etiam *theophania* dictus ab ISIDORO PELUSIOTA, (1) & GREGOR. NAZIANZENO, qui oratione 38. die natali domini dicta, *theophania* semper illum diem aut *geneiblia* nominat, & causas earum appellationum explicat, quia tunc nascendo apparuit Christus. Sunt autem hae voces ex gentilismo in christianismum deductae. (2) Nonnulli illum diem *luminarium* appellant, forte propter lumina in vigiliis natiuitatis accendi solita, in memoriam illius magnae lucis illuminantis omnem hominem. (3)

- (b) De die natali Christi variae fuerunt sententiae, ut adeo mirum non sit, si diuersis quoque temporibus olim ille celebratus fuerit. Aegyptiorum nonnulli crediderunt, Christum natum xxiv. vel xxv. Pharmuthi siue xx. vel xxi. Aprilis, alii vero xxv. Pachon siue die xv. Maii. IOSEPHVS SCALIGER vero contendit natum exeunte Septembri, vel ineunte Octobri, id ex vicissitudine *ἡμερομηνία* colligens. Communis olim in ecclesia orientali graeca fuit sententia Christum natum esse die vi. Ianuarii, prouocans ad antiquam traditionem & ecclesiae Hierosolymitanae praxin. Ecclesia occidentalis vero natum perhibet die xxv. Decembris etiam prouocans ad antiquam traditionem. Exinde longo tempore festum natiuitatis alio tempore, nimirum vi. Ianuarii in oriente celebratum fuit,

D 3

alio

(1) L. III. ep. 110. (2) vid. Casaubonus exerc. 2. n. 11. p. 165. sqq. Suicerus in thesauro ecclesiastico Tom. 1. p. 1196. sqq. (3) Ioh. I, 9.

alio in occidente nimirum xxv. Decembris. Cum autem graeca ecclesia tempore Chrysostomi a suo recesserit more, & xxv. diem Decembris cum Romana sacrum habuerit, non videmus causam veram, cur recedamus a vulgari opinione ecclesiae Romanae. (1) Addo & quod collega meus honoratissimus Io. O. L. DERMANNVS, graecae linguae professor publicus non absque probabilitate ostenderit, hoc festum respondere festo encaeniorum xxv. Kislei celebrato. (2)

- (c) Quod initio ecclesiae statim natalis domini celebratus fuerit, certis scriptorum testimoniis probari nequit, ac fortasse nec seculo secundo, contra quam se res habet in paschalis festo, quem diem semper festum esse habitum a christianis scimus; nempe primitus non tam sollicita fuit ecclesia nosse, quo die natus esset Christus; quam de eo quod sanguine suo redemisset genus humanum, & mortis victor a mortuis resurrexisset. Seculo III. solennem iam fuisse natalem Christi ex historia ecclesiastica NICEPHORI (3) alias ostendere volunt, dum Maximus in ultima persecutione multa millia fidelium, qui in servatoris natalitio ad sacra conuenerant, Nicomediae in templo succenso concremavit. Cum vero & factum ipsum sit suspectum, & dies non exprimat, ex hoc loco

(1) vid. Vossius in diff. altera de Christi mense dieque natali. (2) vid. diff. de festo encaeniorum Iudaico origine festi natiuitatis Christi 1715. 4. (3) Lib. VII. c. 6.

Iocb in hanc sententiam concedere nondum possumus. Certe AVGVSTINVS (1) inter festa quae vbiuis fuerunt celebrata, diem natalem referre non videtur, quando scribit: *illa autem, quae non scripta, sed tradita custodimus, quae quidem toto terrarum orbe observantur, dantur intelligi, vel ab ipsis apostolis, vel plenariis conciliis, quorum est in ecclesia saluberrima auctoritas, commendata atque statuta retineri, sicuti quod domini passio, & resurrectio, & ascensio in coelum, & aduentus de coelo Spiritus 8. anniuersaria celebrantur solennitate.* Sequenti vero epistola (2) eidem Ianuario respondet ad quaestionem, cur anniuersarius dies celebrandae dominicae passionis non ad eundem redeat diem, sicut dies qua traditur natus saluator? Ex qua, & quaestione, & responsione patet, diem natalem in ecclesia viguisse, simul tamen colligitur ex collatione cum priori epistola, nondum fuisse relatum inter solennitates anniuersarias, quas totus orbis celebrare solebat. Accedit quod tam graeca quam latina ecclesia prouocent indefinite ad superiora tempora & antiquam traditionem, atque adeo tum temporis, tum auctoris incertitudinem significant. Certe ex eo tempore, quo dies ille celebratus fuit inter orientem & occidentem nulla fuit conformitas. CHRYSOSTOMVS, enim homilia 31. in natalem domini scribit: *nondum annus est decimus, ex quo hic ipse dies no-*

D 4

his

(1) ep. 118. ad Ianuar. tom. II. p. 115. (2) 119.

his innotuit. Nimirum quod xxv. Decembris natalis domini celebrandus sit, a Roma veteri acceperunt Constantinopolitani. (1)

(d) Constitutiones vulgo apostolicæ dictæ, quæ sub Clementis nomine circumferuntur, ipsos apostolos huius festi autores faciunt, utpote quorum nomine (2) fratribus Christi natalis die xxv. commendatur celebrandus. Sed cum illas genuinas non esse aliunde sciamus, nec in hoc capite illis fidem habere possumus. Inter ea absurdi nihil id erit, si dicamus ab una alteraque ecclesia particulari festum hoc ex devotione, sed & libertate fuisse sacrum habitum, donec hic mos ad alias ecclesias successiue pervenerit, quibus tamen origo & tempus institutionis non innotuit. NICEPHORVS, in historia ecclesiastica (3) tribuit Iustino imperatori, quod natiuitas Christi toto orbe sit honorata. Sed hoc forte intelligendum est de quibusdam per leges additis ad maiorem huius festi celebritatem.

(e) Est enim dies Christi natalis secundum Chrysostomum festum maximum & festorum metropolis. In ecclesia Romana TELESPHORVS Papa constituit, ut in hac die cantentur tres missæ, ad ostendendum, quod Christi natiuitas saluauit patres trium temporum, scilicet patres ante legem, sub lege, & post legem. Quos porro hymnos & lectiones habeant videre est apud

(1) vid. Ittigii diss. 3. de ritu festum natiuitatis Christi d. 25. Dec. celebrandi eiusque antiquitate, p. 386. sqq.

(2) l. 8. c. 3. (3) lib. XVII. c. 28.

apud GVILIELMVM DVRANDVM. (1) In nostra ecclesia natiuitas Christi in tempore facta & beneficia ex illa ad nos redundantia considerantur, Deoque grates hymnis & precibus offeruntur. Explicationi & illustrationi inferuire possunt CHRYSOTOMVS, (2) AMBROSIVS, (3) MAXIMVS TAVRINENSIS, (4) PETRVS CHRYSOLOGVS, (5) THEOPHYLACTVS, (6) BERNHARDVS. (7)

§. XI. Dies XXVI. Stephano (a) diacono, qui primus pro Christo martyrii coronam (b) deportauit, sacer est. (c)

(a) Qui vnus de septem diaconis ab apostolis ordinatus erat in ministerium viduarum & pauperum, vt habetur act. vi. de quarum prima institutione & officio videndus est ZIEGLERVS. (8) A Graecis & Latinis salutatur archidiaconus & primicerius diaconorum, siue quod ratione ordinis primus in ordinatione & constitutione fuerit, siue ratione & laboris & industriae ab eo susceptae. Erat enim plenus gratia & fortitudine, signa magna in populo faciens. Studuerunt quidem Iudaei triplici modo eum superare, scilicet disputatione, testium productione,

D 5 ne,

(1) in rationali diuinorum officiorum l. VI. fol. 151. sqq. Gauantus thesaur. sac. rit. tom. I. p. 209. sq. (2) hom. de nat. Luc. II. (3) in Luc. I. & II. (4) hom. vet. 2. in nat. Domini. (5) serm. 148 sq. (6) in c. II. Luc. (7) Serm. 3. 4. in nat. &c. n. 1. 6. in vigil. (8) de diaconis & diaconis tractatu singulari c. 3. p. 22. 600

ne, & tormentorum illatione, sed in qualibet pugna adiutorium de coelo datum fuit. In prima datus est spiritus sanctus, qui facundiam ministravit, in secunda vultus angelicus, quo falsos testes confutavit, in tertia Christus visus est adiuuare paratus, quo martyrem confortavit. (1)

(2) Sanctus Bernhardus in festo innocentum tria statuit martyrum genera, nimirum, vel voluntate & opere, vel sola voluntate, vel solo opere; *Habemus*, inquit, *in S. Stephano martyrii simul, & opus, & voluntatem; habemus solum voluntatem in Iohanne, solum in B. Innocentibus opus.* Stephanus ergo ex primo martyrum ordine non longe post ascensionem domini, lapidibus occisus est. Terminum huius necis ab ascensione domini nimis arctant nonnulli, putantes eius martyrium contigisse tertio nonarum Augusti, quo eius inuentio in ecclesia romana celebratur. Sed huic sententiae aduersantur patres, & inter eos Augustinus in sermonibus hac die dictis. Dein & ratio videtur persuadere, ut martyrium illud paulo ulterius differatur. Nam post ascensionem domini, post spiritum sanctum datum apostolis, perseveravit aliquamdiu ecclesia in fractione panis; indeque occasione oborti dissidii, actum est de electione diaconorum cum electus est Stephanus, qui perseveravit aliquod temporis spatium faciens signa & prodigia magna in populo, quae omnia impleri potuisse ab ascensione domini ad tertium

(1) vid. Petr. de Natalib. Lib. II. cap. IV. fol. 13. b.

tium nonas Augusti non videtur probabile. (1) Huius corpus tempore Honorii imperatoris revelatione diuina repertum fuisse referunt martyrologia. LUCIANI libellus de hac reuelatione diuina allegatur a BEDA : (2) item legendi sunt AUGUSTINI de S. Stephano plurimi sermones, cum iis quae de miraculis eius scribit. (3) Exstat etiam Gregorii Nysseni Episcopi sermo de illo. Reliquias protomartyris (vt articulos martyris & terram sanguine madefactam) primus ad oras occidentales detulisse Orosius presbyter Hispanus & ecclesiam Africanam ditasse dicitur. Post irruptionem Vandalorum Gaudiosus episcopus ampullam vitream concreti sanguinis Stephani, inde Neapolin Campaniae urbem fugiens, secum asportasse dicitur, vbi sanguis inter missarum solennia quotannis die tertio Augusti liquefcere fertur. In Galliam etiam reliquias fuisse delatas refert GREGORIUS *Turonensis*. (4) In Ancona Italiae vrbe haberi dicitur vnus de lapidibus, quibus percussus est, & ex eo tempore celebra ibi fuit sancti Stephani memoria. (5) Quo loco occisus lapidibus fuit, ingens basilica ab Eudocia Augusta erecta est, de qua NICERHORYS in hist. Lib. XIV. c. 50.

(c) Se-

(1) vid. Spanhem. diff. de aera conuersionis Pauli. (2) libro retractationum in acta ad c. 8. (3) l. 22. de ciuitate Dei c. 8. & epist. 103. ad Quintianum. (4) in hist. Lib. I. c. 31. & de gloria martyrum cap. 33. (5) vid. Baronius in martyrologio ad diem tertium Augusti p. 297. sq.

(c) Seculo iam quarto Stephani memoria hoc die celebrata fuit, vt testantur sermones illo tempore habiti. Cur vero hodie in ecclesia passio eius celebretur, (quae communiter accidisse creditur in Augusto, in quem ecclesia Romana transtulit festum inuentionis) DVRANDVS in rationali (1) sequentes adducit rationes; I. quia B. Stephanus fuit protomartyr & martyrium sanctorum sit eorum natale in coelis, merito statim post natalem Domini dies natalis protomartyris celebratur; II. propter dignitatem, dignius namque est festum, quod est de morte, quam aliud; & ideo competentes tantum dignius statim post natiuitatem collocatum est; III. quia officium passionis eius concordat natali domini, vnde est illud: *beri natus est Christus in terris, vt bodie Stephanus nasceretur in coelis*; IV. ne populus in Romana ecclesia diem inuentionis quam diem passionis feruentiori cultu celebraret, prout iam fieri consueuerat. Idem autor alibi (2) quaestioni cur tria festa Stephani, Iohannis & innocen- tum immediate post festum natiuitatis ordi- nentur? respondet id factum fuisse; I. vt Christo capiti & sponso omnes sui comites adiungantur, de quibus in cantico, *dilectus meus candidus & rubicundus, electus ex millibus: candidus*, quantum ad Iohannem Evangelistam, virginem & confessorem; *rubicundus*, quantum ad Stephanum protomartyrem; *electus ex mil-*
libus,

hunc, quantum ad magnam turbam innocentium : II. vt ecclesia omnium martyrum genera nota (*b*) recensita adunaret : cum Christi natiuitas causa fuerit illorum. Monet idem, quod in quibusdam ecclesiis, die natalis domini, diaconi vesperis finitis in honorem B. Stephani, qui diaconus fuit, in tripudio conuenienter cantent antiphonam de sancto Stephano, & sacerdos dicat collectam. Euangelium in ecclesia legitur ex Matthaei capite XXIII. versu 34. 39. cuius explicationi & illustrationi inserviunt CHRYSOSTOMVS, (1) AVTOR OPERIS IMPERFECTI, (2) HIERONYMVS, (3) THEOPHYLACTVS, (4) AVGVSTINVS, (5) FVLGENTIVS (6) &c.

§. XII. Dies XXVII. (*a*) Ioanni (*b*) apostolo atque euangelistae, & scriptis (*c*) & factis, (*d*) & ipsa morte (*e*) claro dicatus est. (*f*)

(*) Fertur quidem Iohannes Euangelista in festo Ioannis Baptistae obiisse, sed quia tunc non poterat eius festum fieri, translatus est ad tertiam diem natalis domini, ex ratione in prioribus thesi allata; vel quia forte illa die rediit de insula Pathmos, vel de quo nunquam cogitavit Ioannes, infusus est: fuit enim patriarcha Ephe-

(1) hom. 77. in Matth. cap. XXIII. (2) hom. 46. in hunc locum. (3) in Matth. cap. XXIII. (4) in Matth. cap. XXIII. (5) Serm. septem de Sanct. tom. X. (6) Serm. de S. Stephano p. 639, 640.

Ephesus, ut loquitur **DVRANDVS**, (1) qui etiam dicit non esse docendum euangelistam celsisse Baptistae, utpote quo inter natos mulierum non surrexit maior, cum diuinitus, ut ipse putat, ostensum fuerit, de eorum maiortate non esse disputandum.

(b) Qui ex hebraica deriuatione gratiosum apud Deum significat. Frater erat Iacobi, filius Zebedaei piscatoris, ut adeo non videamus cur **HIERONYMVS** (2) ex generis nobilitate quaedam Ioannis facta deducere velit. **EPITHANVS** suspicatur, alterum ex discipulis Baptistae, qui cum Andrea sectari coeperit Iesum, vel Ioannem, vel fratrem Iacobum fuisse, propterea quod essent hi populares contubernalesque, & facerent eundem quaestum. Si non cognatum, certe familiarem illum fuisse Christo testantur multa. Cum fratre Iacobo a Christo nomen filii tonitruui obtinuit, cum Petro missus ad coenam parandam, in ipsa coena Christo proximus accubuit, & de proditore interrogauit, Christum secutus, etsi in horto fuga sibi consuluerit, ut multi volunt, tamen postea in atrium pontificis penetrauit, & eum nec sub cruce deseruit, ubi matrem Christi accepit commendatam. Petro quoque videtur fuisse coniunctissimus, cum primus fuerit, qui illi resurrectionem Christi rerulit, & Petrus vicissim Ioannis futuram conditionem nosse cupiebat. Idem adfuit Petro cum restitutus est sanitati clau-

(1) fol. 559. (2) in epithaph. Marcell. tom. I. p. 119.

claudus, & ambo, simul in custodiam dati, diuinitus liberati fuerunt. (1)

- (c) Inter quae primo loco scripta videtur apocalypsis, cum in Pathmo adhuc Ioannes degeret, vbi etiam manus qua illam conscripsit, adhuc monstratur a monachis Graecis. (2) De illius autoritate non haeretici duntaxat, sed & patres quidam orthodoxi olim dubitarunt. (3) Maxima tamen pars doctorum primitivae ecclesiae scriptum illud pro genuino, & a Ioanne profectum statuerunt. Hanc excipit Evangelium in Pathmo, vt nonnulli putant conscriptum, Ephefi vero ad preces episcoporum Asiaticorum alii scriptum vulgatumque arbitrantur, postquam Dei auxilium in ieiunio vniuersali ad tantum laborem exorauerat. (4) Opposuit autem euangelium suum Ioannes Ebioni & Cerintho diuinitatem Christi negantibus, & praeterea sua scriptione priorum euangelistarum labores confirmare voluit. Notante Nazianzeno pauca recenset Christi miracula, plura eius verba. Sublimia cum tractet de Christi diuinitate theologi nomen absolute accepit, a Platoniciis tunc magni aestimatus fuit teste EUSEBIO, (5) & postea a Iudaeis quoque eius euangelium in

(1) vid. Caue in antiquit. apost. p. 508. seqq. Camerarius in vita Ioan. p. m. 115. seqq. (2) vid. Bellon. obseru. l. 2. c. 11. p. 205. (3) vid. Euseb in H. E. l. VII. c. 20. (4) vid. Irenaeus aduersus haereses lib. III. cap. 1. (5) Praeparationis euangelicae Lib. XI. p. 540.

in linguam hebraicam translatum fuisse vult EPIPHANIVS. (1) Communiter quoque ipsi aquila, praecunte HIERONYMO, Ezechielis visionem (2) respiciente, adiungitur, vel, ut Hieronymi verba habent, in prooemio ad Matthaeum, quia assumtis pennis aquilae, & ad altiora festinans, de verbo Dei disputat, vel ut AMBROSIVS in Lucam vult, quia Christum, ut aquilam resurgentem, Ioannes praeter caeteros descripsit. (3) Scripsit praeterea tres epistolas, vnam catholicam, duas vero breues ad priuatos: de illa nunquam fuit dubitatum, de his vero ad tempus. (4) Eidem quoque falso attributi fuerunt actus teste EVSEBIO, (5) & liber de obitu Mariae, qui manuscriptus habetur in bibliotheca Vindobonensi. (6) Eodem iure in symbolo apostolico formando ipsi tribuunt particulam illam: *creatorem coeli & terrae.*

(d) In Asia, quae sorte illi obtrigisse dicitur, praedicauit, (7) aliisque regionibus orientalibus, praecipue Parthia, cum olim huius incolis epistola prima Ioannis fuerit inscripta. Sub Domitiano in oleum igneum demersus, sed postquam nihil passus erat, in insulam Pathmos fuit relegatus. Sub Nerua rediit Ephesum, atque ibi

(1) haeref. 30. p. 60. (2) cap. I. v. 10. (3) vid. B. Thomaeii dissertatio de insignibus quatuor euangelistarum Lips. an. 1667. habita. (4) vid. Cave I. c. p. 529. sqq. (5) in H. E. lib. III. cap. 25. (6) vid. Ittigius de pseudepigraphis cap. XIV. §. 9. p. 238. (7) vid. Euseb. H. E. lib. III. cap. 1.

ibi ecclesiarum inspectionem post mortem Timothei suscepit, in coelibatu persistens, ut antiquiores testantur. (1) Amorem ubiuis spirabat in sacris non duntaxat, sed etiam in factis, teste vel vno illo exemplo apud EVSEBIUM. (2) Haereticis egregie resistebat, & ne quidem in eodem loco cum illis esse volebat. (3)

(e) Vitam suam perduxisse dicitur a Dorotheo ad cxx. annum, quod tamen probabile non videtur, cum admodum iuuenis apostolorum numero insertus fuerit. Alii igitur vitae terminum ponunt vel lxx. vel xc. Sunt qui Ioannem nunquam mortuum fuisse statuunt, ut Hippolytus & Ephrem patriarcha antiochenus ad scripturam & traditiones prouocans, ex quo falso deducta fuit & illa fabula, cui AVGVSTINVS quoque assensum praebere videtur, (4) dormire illum saltem in sepulchro, quod vel ex motu pulueris sepulchralis colligi posse putabant; vel plane in sepulchro euanuisse. Quae opinio prauis hominibus occasionem dedit se fingendi Ioannem, ut refert Sulpitius (5) & Beza (6)

(f) Teste DURANDO (7) eodem modo in ecclesia Romana faciunt sacerdotes in festo S. Stephani in vesperis in honorem S. Ioannis, (quia ipse

E

ipse

(1) vid. Epiphanius haeres. 78. p. 440. (2) H. E. Lib. III. cap. 23. p. 92. (3) vid. Irenaeus aduersus haeres. Lib. III. cap. 3. Euseb. l. e. Lib. III. cap. 28. (4) tractatu 124. in Ioan. (5) in vita Martini. c. 25. (6) annotationibus in Ioannis c. 21. Caue l. e. p. 521. sq. (7) l. c. fol. 260.

ipse sacerdos fuit) & pueri in festo Ioannis in honorem innocentum, vt fecerunt priori die diaconi in honorem Stephani. Huc refertur in eadem ecclesia haustus Ioannis, siue vinum hoc die benedici solitum, *S. Ioannis Seegen*.

Morem hunc DRESSERVS, (1) natum scribit, ex ethnica consuetudine: nam Germanos adhuc ethnicos initio Ianuarii sibi mutuo missitasse vinum honorarium, vt recordarentur Iani hoc est Noachi, vitium satoris. Sed verius GRETSEVS (2) hunc morem deducit ex historia Ioannis, qui pingi solet calicem manu tenens, ex quo prospectat serpens, quia vt ISIDORVS testatur libro de patribus N. T. bibens lethiferum haustum, non solum euasit periculum, sed eodem prostratos poculo in vitae reparauit statum. Hinc esse illum morem dicit in natali S. Ioannis consecrandi vinum, ne quid venenatum in eo lateat. Hinc itidem illa apud Germanos locutio Sancti Ioannis *Seegen trinken*; quem haustum sibi mutuo offerunt, quando vltro citroque sibi valedicunt. In ecclesia legitur euangelium ex Io. I, 14. eiusque explicationi & illustrationi praecipue inserviunt CHRYSOSTOMVS, (3) AVGVSTINVS, (4) THEOPHYLACTVS. (5)

§. XIII. Vigesima octauus dicitur dies innocentum, (a) in memoriam infantici-
dii,

(1) l. c. p. 318. (2) Lib. II. de festis c. 4. p. 284. vid. Thomasi diss. de S. Ioan. poculo siue haustu. (3) hom. 1. sqq. in Ioan. (4) tract. 1. sq. in Ioan. (5) in cap. I. Ioan.

dii, (b) quod nato Christo Herodes (c) perpetravit.

(a) Rationem cur hic dies prioribus festis sit subiunctus, vidimus supra ex Durando; licet sciamus ecclesiam nunquam fuisse sollicitam de vero passionis die designando. Memoriam horum innocentum Origenis aetate iam celebratam, & Augustini tempore cum octava cultam, vult quidem BARONIUS, (1) cui tamen non subscripsit IO. BAPTISTA SOLLERIUS S. I. (2) concedens tamen ante tempora Augustini obtinuisse, consentientibus antiquissimis martyrologiis.

(b) Quod describitur Matth. cap. II. & in diuersis patrum sermonibus publicis propositum. Vide AUGUSTINUM, (3) CHRYSOLOGUM, (4) BASILIUM SELEVCIAE, (5) BERNHARDUM (6) &c. si ita facti huius memoria reuocatur, id minime improbamus: cum autem morem, quo parentes hoc die pueros virgis caedere solent nullius esse usus putamus, quia verbum illud non capiunt: prauam vero consuetudinem, quam aduiores quoque eodem tempore obseruant, ne inter homines moratiores quidem tolerandam arbitror.

(c) De hoc Herodis facto nihil habet IOSEPHUS in antiquitatibus iudaicis, tum ne legisse sacras noui testamenti litteras videretur, tum vero ne tam immani scelere aduersus inson-

(1) Martyrol. tom. ad 28. Decembr. (2) ad Martyr. Vflu-
ardi ad h. d. p. 772. (3) tom. 10. ferm. 8. 9. de sanct.
(4) ferm. 152. (5) orat. 37. (6) in natal. SS. innocent.

tes, & ab omni suspitione criminis alienos principatum commaculasse crederetur is, cuius historiam ad effigiem magni principis, foris admirandi, domi tantum calamitosi, confingebat, iudice Io. HARDVINO, S. I. presbytero. (1)

§. XIV. Interdum inter natiuitatis festum & circumcisionis diem intercedit dominica, quae salutatur dominica post natiuitatem Christi. (a)

(a) In ecclesia latina alias appellatur dominica infra octauam natiuitatis; in graeca vero dicitur dominica post natales. In nostra & romana ecclesia (2) legitur euangelium Luc. II. de parentum Christi admiratione & Simeonis Hannaeque concione. In graeca vero ecclesia ex Matth. II. de fuga Christi in Aegyptum. Tempus illud a die Christi natali ad epiphaniam graecis *δωδεκάημερος*, vel corruptius *δωδεκάδιος* dicitur, quia tot dies inter has solennitates numerantur. Per id tempus omnibus vesci carnibus, feriis quarta & sexta permittitur ad depellendam Armeniorum haeresin, qui totos illos dies ieiunabant. (3) Explicationi & illustrationi euangelii inserviunt, AUGUSTINVS, (4) AMBROSIVS, (5) THEOPHYLACTVS, (6) BEDA. (7)

ANNVS

(1) in prolus. de nummis Herodiani p. 37. (2) de officiis in Romana ecclesia vid. Durand. l. c. fol. 153. b. Gauant Tom. II. p. 101. (3) vid. Alfatus de dominicis p. 1468. (4) de consc. euang. l. c. c. I. (5) in Luc. c. II. & lib. de incarn. c. VII. (6) in Luc. c. II. (7) tom. VII. hom. hyem.

✠ (69) ✠
ANNVS MDCCXX.

IANVARIVS.

§. I. Die primo celebratur circumcissionis festum, (a) anno ciuili initium (b) dans, & gratulationibus (c) strenisque (d) faustum.

(a) Solennes iam olim fuerunt calendae Ianuarii apud Romanos adhuc gentiles. Solennitatem diei etiam obseruauerunt christiani sed, vt a moribus gentilium recederent, nomine *octauae natalis domini* eandem celebrarunt, testibus patrum in hoc die homiliis. In quibusdam locis hoc die christiani ieiunauerunt, vt detestarentur gentilium vanitates voluptatesque. Cum vero octaua die Christus fuerit circumcissus seculo demum XI. vel XII. dies iste nomine *festi circumcissionis* celebratus fuit. In Maximo Taurinensi quidem titulum homiliae sequentem obseruamus; *in circumcissione domini, siue de calendis Ianuarii*: cum vero in tota homilia mentio nulla fiat circumcissionis, prior illa inscriptio a recentioribus videtur addita. Accedit quod patres & alii doctores huius festi mentionem nullam fecerint, & ne quidem Caroli M. & synodi Moguntinae de festis constitutiones, sed tantum octauae natiuitatis Christi. Primi forte sunt Iuo Carnotensis anno 1090 & Bernhardus an. 1140. quorum sermones hodie habemus. Post illa tempora concilium Lugdunense anno 1224. illud in catalogum festorum anniuersario-

rum retulit. Id vnum adhuc addimus, quod olim huic festo iunctum fuerit, *festum hypodiconorum*, siue *psalterum*, licet alii id referant ad epiphania, vel eius octauas, postea vero statutis ecclesiasticis sublatum, & iudicio facultatis theologiae Parisiensis anno MCCCCXLIV. penitus reiectum. (1)

- (b) In hoc ponendo nec ipsi christiani inter se conuenerunt. Curia pontificis romani olim tempus conceptionis Christi in initium anni posuit, vt apparet ex decreto Nicolai papae. (2) PETRVS HEVINVS ad decreta parlamenti Britanniae notat, in cancellaria magna romana computationem annorum fieri, non a tempore natiuitatis, sed incarnationis Christi, adeoque non a Ianuario incipere, sed a die xxv. Martii. (3) IOACHIMVS LE GRAND in historia de diuortio Henrici IIX. Angliae regis obseruauit annum diuersimode in curia pontificia numerari solitum, nimirum in breuibz siue rescriptis & epistolis annum a calendis Ianuarii, in bullis vero, siue diplomatibus a calendis Martii computari consueuisse. (4) Alii in festo paschatos initium posuerunt, prout in Gallia olim hic mos viguit. Notante autem ROBERTO QVATREMARIO (5) historici sec. XII. non a calendis Ianuarii, sed primo paschatis die annum

(1) Durand. l. c. f. 260. & du Fresne in glossario. (2) in can. 1. distinct. 23. (3) vid. act. erud. anno 1685. mens. Febr. p. 64. (4) vid. acta erud. an. 1689. mens. Ianuario p. 32. (5) in Ephemerid. erud. Tom. IV. p. 71.

annum inceperunt; & RIBERIUS (1) monet vix centum esse praeterlapsos annos, cum a mense Ianuarii annus fit inchoatus. Cum vero multa incommoda orirentur ex illa computatione, Carolus XI. anno 1564. ad illa euitanda publico edicto constituit, vt annus posthac a primo Ianuarii inciperetur & numeraretur. (2) Cur vero initium anni fuerit in paschate, hanc adducit rationem DV FRESNE, (3) quod ab ipsis ecclesiae fere primordiis ea obtinuisset consuetudo, vt tabella cereo paschali appenderetur, in qua annus currens describeretur, indeque initium eius putarent Franci; iis enim mos iste fuit proprius. Idem tamen simul monet, labentibus tamen seculis obtinuisse hunc morem computandi a paschate: nam sub altera regum Francicorum stirpe, annos a Christi natiuitate ordiuntur scriptores omnes, qui in secundo & tertio historiae Francicae volumine habentur. At sub tertia stirpe Franci annorum exordium a domini incarnatione hoc est a xxv. Martii computarunt, licet quando is mos coeperit non plane liquet. Obtinuit vero postea vt initium anni sumeretur a Christi natiuitate. DIONYSIVS quidem *Exiguus* annos a Christi incarnatione numerandi primus autor fuit; cum vero viderent

E 4

illi,

(1) in ephemerid. erud. Tom. II. p. m. 144. (2) Limn. ad capitul. Caroli V. verbo. *Fabr.* (3) in glossario med. & inf. latinis. T. I. p. 203.

illi, qui Dionysium secuti sunt, hominum vitam, non ab eorum conceptione, sed ab ortu vulgo putari, animaduertentque praeterea natiuitatem Christi non longe abesse a fine anni Iuliani, & circumcisionem ipsis calendis Ianuarii celebrari, communi fere consensu constituerunt, ut primus annus Christi ab eius natiuitate duceret exordium. Deuisset ergo eodem iure initium anni ab eo termino deduci; cum vero hoc tempore ecclesia occupatur in perpendendo incarnationis mysterio, factum est, ut in proximum primum Ianuarii diem cum Romanis noui anni initium ex libertate ecclesiastica transferrent. (1)

- (c) More etiam apud Romanos usitato, quo sibi persuadebant omnia quaedam inesse principii. Priuatim & publice fieri solent gratulationes, seposita tamen gentilium superstitione. In cathedra ecclesiastica concionator hoc die laeta verba dicit auditoribus suis; quod uti a casuistis non improbatur, sic sibi quiuis cauere debet ab adulandi studio & proposito captandi munera. (2)

- (d) Has nonnulli deducunt a Strenua Dea, cum illa viris strenuis conueniant ob virtutem; cuius deriuationis autor est SYMMACHVS. (3) FESTO aliisque *strenae* idem sunt ac *trenae*, quia illis donis, boni ominis gratia oblati significetur, alterum tertiumque annum paris felicitata.

(1) vid. Waltherus in postilla iuridica ad eum diem.

(2) vid. Keslerus in theologia casuum conscientiae c. 37. p. m. 109. sqq. (3) Lib. X. ep. 28.

citatis esse venturum. Olim mittebantur superioribus in signum amoris atque cultus; sequentibus vero temporibus etiam inter aequales dabantur, imo a superioribus concedebantur inferioribus, quo referuntur panes natalitii. Huc referuntur dona, quae hoc die patrimi siue susceptores suis e baptismo susceptis dare consueverunt, in multistamen locis seuerè prohibita. (1) Euangelium legitur ex Luc. II, 21. eiusque explicationi & illustrationi inferuiunt AMBROSIVS, (2) THEOPHYLACTVS, (3) BERNHARDVS, (4) PETRVS CHRYSOLOGVS, (5) MAXIMVS TAVRINENSIS, (6) &c.

§. II. Interdum inter circumcisionis & festum epiphaniae intercedit dominica quaedam, quae salutatur dominica post circumcisionem domini. (a)

(a) Haec dominica non quotannis recurrit, sed quando circumcisionis festum inciderit, vel in Mercurii, Iouis, Veneris aut Saturni diem; secus vero se res habebit, si illud die solis, lunae, (vt hoc anno) vel Martis celebratur. In nostra ecclesia tum legitur euangelium Matth. II, 13. sqq. de fuga Christi in Aegyptum & infanticidio Herodis. Latinis salutatur dominica *infra octauam circumcisionis*. Graecis dicitur

E 5 domi-

(1) vid. Wilduogelii dissert. de eo quod iustum est circa nouum annum. (2) in cap. II. Lucae. (3) in Cap. II. Luc. (4) Serm. tres de circumcisione. (5) Serm. 155. sqq. (6) in homil. hyemal. p. 565. sqq.

dominica ante sancta lumina, epiphania nempe, & in ea legitur euangelium ex Marci cap. I. Quod si apud illos vnum tantum sabbatum vnaque dominica inter natiuitatis & epiphaniae festum intercesserint, sabbato quidem id, quod sabbato post natiuitatem, & dominica, quod dominica ante lumina legendum erat recitatur. (1) Euangelii explicationi inferuiunt CHRYSOTOMVS, (2) AVTOR OPERIS IMPERFECTI, (3) PETRVS CHRYSOLOGVS, (4) THEOPHYLACTVS. (5)

§. III. Die sexto est festum epiphaniae, (a) quod vti ob varias causas (b) institutum dicitur, sic varias quoque accepit denominationes. (c)

(a) Quomodo vox haec accipiatur, iam supra circa festum natiuitatis ex parte fuit ostensum. In genere illa apud graecos denotat gentiles apparitiones numinis, qua quouis tandem modo Deus aliquis suae praesentiae signum dedisse credebatur. Etiam Graecis patribus in more fuit, hanc vocem usurpare de manifestationibus Dei in genere, in specie vero de aduentu Christi primo & ultimo, nec non de die sacro, vel natiuitatis, vel baptismi, vel aliorum a Christo factorum nomine. Obtinuisse hoc festum iam seculo quarto docet GREGORII NA-

(1) Allat. l. c. p. 1468. sq. (2) hom. 9. in Matth. c. II.
(3) hom. 2. in Matth. c. II. (4) Serm. 150. sq. (5) in c. II. Matth.

NAZIANZENI oratio hoc die habita. Imo si praeterea cogitamus, illo tempore adeo festi-
uum fuisse illum diem, ut qui publico sacro-
rum exercitio tum non intererat, a christiana fi-
de haberetur extorris, a probabilitate forte ni-
hil alienum dicemus, quando asseruerimus, iam
ante illa tempora celebratum fuisse. Theodo-
sio tam sanctus erat hic dies, ut per septem
praecedentes dies totidemque sequentes iudi-
cialem strepitum omnem conticiscere iuberet.
Ante laudatus **GREGORIUS** dignitatem hu-
ius diei tanti fecit, ut caeteris *festiuitatibus* &
natiuitati ipsi Christi, quam aliarum solennita-
tum metropolin vocauit **CHRYSTOSTOMVS**,
praetulerit. Qua ratione autem hae senten-
tiae conciliari debeant, vide apud **ALLA-
TIVM**. (1)

- (b) Primo quidem ob natiuitatem Christi, quam
hodie accidisse statuebat ecclesia orientalis; ut
supra ad xxv. Decembrem monuimus. Se-
cundo ob Christi baptismum, ad quem usque
omnibus fuit incognitus, demonstratus vero
in eo per vocem patris & spiritus S. descensum.
In Aegypto, teste **CASSIANO**, (2) & natiui-
tatis, & baptismi Christi memoriam vna diei
festiuitate celebrarunt, secus ac in ecclesia oc-
cidentalī fieri solebat. **HIERONYMO** vero
placuit diem hunc soli baptismi sacrum face-
re, cum huic tempori congruat, quando di-
ctum est: *Hic est filius meus dilectus, in quo mihi*
com-

(1) loc. cit. p. 1471. sqq. (2) Coll. X. c. 2.

complacui, non vero die natali in carne, quo absconditus est & non apparuit. Tertio ob aduentum Magorum, quia in eo per stellam est saluator ostensus, quando inuenerunt Magi Christum in praesepio iacentem & adorauerunt eum. Quarto ob primum in Cana miraculum, quo se in homine Deus declarauit. (1) Quinto ob miraculum quinque panum. (2) In latina autem ecclesia praecipue celebratur Magorum aduentus, & reliquae causae a multis ne nominantur quidem, ut apparet e sermonibus octo Leonis Papae in epiphania. (3)

- (c) Nimirum dicitur I. *Epiphania*, quae vel apparitionem domini in carne, vel Magis per stellam factam indigitant II. *Luminum dies* (4) propter lumina ubique in eo accensa vel in memoriam eius stellae, quae Magis in oriente apparuit, vel potius in memoriam illuminationis gentium; vel ut ALLATIVS putat, (5) quia cercis accensis vniversus ille ritus aquarum baptizandarum absoluitur, vel ab ipso baptismo Christi, quem Graeci *Φωτισμὸς illuminationem* vocant. III. *THEOPHANIA*, (6) vel ob natiuitatem, vel ob baptismum, in quo filius in carne, pater in voce & spiritus sanctus in columba

(1) vid. P. Chrysologus serm. 157. (2) vid. Augustin. serm. 1. in festo epiphaniae. (3) vid. Casaub. exerc. 2. sect. XI. p. 168. sqq. (4) apud Nazianzenum in orat. 2. (5) l. c. p. 1469. (6) Quod ex *Θεοφάνεια* sanctum Thiphanium pontificiorum sanctorum catalogo adiecerit seculorum ruditas B. Scherzer in *Syll.* p. 568. docuit.

lumba apparuit. IV. BETHPHANIA, quia miraculo, quod in domo nuptiali factum fuerat, qualis esset Christus, apparuit. V. PHA-
GIPHANIA ob miraculum quinque panum. Hodie vulgo nomine trium regum hoc festum insigniri solet, de his confer CASAUBONVM, (1) ubi plura habentur erudita de magorum nomine & eorum diuersitate apud Persas & Graecos; loco vnde venerint, tempore quando aduenerint, de numero & nominibus, & antegres saluari possint. Qui plura desiderat de his regibus, siue vera, siue falsa, euoluat P. HERMANNI CROMBACCHI S. I. *primitiarum gentium, seu historiae trium regum magorum* tomos tres, encomiasticum, exegeticum, & historicum. (2) Euangelii ex Matth. II, 1. sqq. explanationi inseruiunt CHRYSOTOMVS, (3) AVTOR OPERIS IMPERFECTI, (4) MAXIMVS, (5) P. CHRYSOLOGVS, (6) BERNHARDVS, (7) THEOPHYLACTVS. (8) &c.

§. IV. Die septimo dominica prima est post epiphania, (a) in qua de Christo docente (b) in templo agitur.

(a) Dominicae post epiphania usque ad septuagesimam, vel ad summum sex, vel ad minimum una esse possunt. Hoc anno illarum tres dantur. Quo propior vel remotior est septua-

(1) in exercit. 2. num. 10. p. 159. sqq. (2) Colon. Agripp. 1654. fol. (3) hom. 6. sq. in c. II. Matth. (4) hom. II. in h. l. (5) hom. sqq. Epiph. (6) serm. 106. sqq. (7) serm. I. sqq. epiph. (8) in c. II. Matth.

septuagesima, quae a paschatis mobilitate pendet, eo plures vel pauciores sunt dominicae infra hoc tempus. Appellatur haec dominica prima, apud Graecos dominica *post lumina*, ob rationes in priori paragrapho notatas; a pontificiis vero dominica *infra octauam Epiphanias*, quamuis etiam in octauam incidere possit, & tunc apud ipsos alia lectio est in sabbato, de Christo duodecim annorum, & in dominica alia, de Christo triginta annorum.

- (b) Vbi notare iuuabit pictores errantes, qui Christo cathedram struunt altiorem, in ea puerum collocant Iesum, eumque docentem, ab ore eius dependentibus & humi sedentibus Rabbiniis. Sed haec omnia praeter scripturam, quae non dicit Christum occupasse suggestum, sed sedisse in medio doctorum, auduisse & interrogasse (1) Euangelii Luc. II. 42. sqq. explicationi inseruiunt AMBROSIVS, (2) THEOPHYLACTVS, (3) BERNHARDVS, (4) &c.

§. V. Die decima quarta est dominica secunda (a) post epiphania, in qua agitur de nuptiis (b) in Cana celebratis. (c)

- (a) Haec est Graecis dominica decima quinta Lucae, siue *Zacchaei*.

(b) Ean-

(1) vid. Dn. Jo. Fabricium nostrum in disp. qua histor. sacra contra nonnullorum pictorum errores vindicatur. §. II. (2) in cap. II. Luc. (3) in id. cap. (4) *serm. infra oct. epiph.*

(6) Eandem nobiscum lectionem Io. II, 1. sqq. habent pontificii hac dominica, praecipue ad spirituales nuptias respicientes. Hinc ad nuptias celebrandas Innocentius Papa III. statuit hac die stationem apud venerabile hospitale spiritus sancti fieri: vbi tanquam in Cana Galilaeae, est zelus transmigrandi de vitiis ad virtutes. Ibidem siquidem positae sunt sex hydriae, id est instituta sunt & exercentur opera misericordiae, quae sunt pascere esurientem, potare sitientem, colligere hospitem, vestire nudum, visitare infirmum, adire incarceratum: & ibi est mater Iesu, quoniam in honorem beatissimae Mariae virginis illius loci est ecclesia dedicata. Inuitatur etiam & filius eius Iesus cum discipulis ad has nuptias, quoniam effigies Christi, quae sudarium seu Veronica appellatur, hac die, ex institutione eiusdem Innocentii, a papa & cardinalibus ad has nuptias pietatis & misericordiae celebrandas illic conuenientibus, ibi solenniter demonstratur, prout habent verba DURANDI (1)

(c) Etiam hic iterum pictorum errores notari poterunt, quod pro vitris substiruunt vrceos potabiles, pro vasibus maioribus & spaciosis minora & angusta. (2) Euangelii illustrationi inseruiunt CHRYSOSTOMVS, (3) CYRILLVS ALEX. (4) AVGVSTINVS, (5) THEOPHYLACTVS. (9)

S. VI.

(1) in rationali suo ad hanc dominicam fol. 198. (2)

vid. D. Fabricius l. c. §. XII. (3) hom. 20. sq. in Io.

II. (4) lib. III. in Io. c. 28. (5) tract. 8. sq. in Io.

(6) in Io. II. Io.

§. VI. Die XXI. est Dominica tertia post Epiphania; (a) in qua agitur de leproso & centurionis seruo sanato. (b)

(a) Haec est Graecis Dominica XVI. Lucae siue Publicani & Pharisei.

(b) Eadem in pontificia ecclesia habetur lectio, & notauit DVRANDVS (1) ad hanc dominicam, quod sicut a die natali vsque ad Epiphania ex officiis apparuit humanitas Christi; sic & in his tribus dominicalibus officiis diuinitas manifestatur eiusdem. Nam in primae dominicae Euangelio dicitur: nesciebatis, quod in his quae patris mei sunt, oportet me esse. In quo Deus manifeste declarat se esse Deum. In secundae vero dominicae euangelio dicitur quod dominus ad nuptias inuicatus aquam conuertit in vinum; quod fuit magnum suae diuinitatis indicium. In tertiae dominicae euangelio dicens dominus volo mundare: benignitatem & partem diuinitatis suae ostendit. Explicationi euangelii inseruire possunt ORIGENES, (2) BEDA, (3) ALBERTVS MAGNVS. (4) &c.

§. VII, Dies XXV. sacer est Pauli (a) gentium apostoli (b) conuersioni, (c) & in re oeconomica inter dies criticos (d) refertur. (a) Ab-

(1) l. c. fol. 159. (2) homilia in hoc euangelium. (3) in homil. hyemal. de temp. (4) serm. in praesens euangelium.

(a) Abieeto enim Saulis nomine Pauli assumfit nomen, quod nonnulli absurde ex Hebraeo vel graeco deducere volunt, cum fit nomen Romanis familiare. Cur vero nomen hoc assumferit, ab eruditis non eadem affertur ratio. Quidam a conuerfione Sergii Pauli in Cyprio tunc proconfulis, nomen hoc apostolum sibi indidiffe, in memoriam tanti viri subiugati; quod tamen cum modestia apostoli conuenire non videtur, praecipue, cum etiam Paulus appelletur a Luca ante relationem de Sergio conuerfo. Alii binominem illum fuiffe dicunt, Saulum quidem in Palaestina, Paulum vero inter Graecos & Romanos, sed ex quo Paulus dictus fuit, Saulis nomen adeo sepultum fuit, vt postea nunquam eo appellatus legatur. Alii plures denominationis huius rationes coniungendas esse putant, nimirum I. quia Pauli nomen quam proxime accedit ad nomen Sauli; II. quia ministerium praecipue in coloniis Romanorum habuit; III. quia Saulis nomen erat ominosum commune Apostolo cum rege impio; IV. quia fieri potuit, vt Paulus statum corporis minime procerus esset, hinc & illi conueniens nomen, leui mutatione facta concessum; V. ex praxi; quia in scriptura observamus ob peculiarem rationem noua saepe nomina vel vltro esse assumpta, vel diuinitus imposita, videatur SPANHEMIUS. (1)

F

(b) Cum

(1) de assumpto nomine Pauli appendix diss. 2. de aera conuerfionis Pauli.

(p) Cum historia huius Apostoli diligenter ab euangelista Luca perscripta sit ad id tempus, quo Romam primum ille fuit deductus, eam repetere opus non est. Ea quae Lucas in actis habet, Henricus Bullingerus collegit & temporibus distinxit, horum simul & rerum gestarum seriem conrexens. His adde IOACHIMVM CAMERARIVM (1) & WILHELMVM CAVE in antiquitatibus apostolicis, ubi vitam Pauli distinctis exhibet capitulis atque periodis; & primo quidem a natiuitate eius ad conuersionem; secundo ab hac ad concilium Hierosolymitanum; tertio ab isto vsque ad abitum Athenis; quarto de actis Corinthi & Ephesi; quinto ab abitu ex Epheso vsque ad accusationem coram Felice; sexto ab isto termino, vsque ad aduentum Romae; septimo de actis vsque ad mortem. Scripsit XIV. epistolas, de quarum stylo Hieronymus multis in locis iniquam tulit censuram; licet in apologia aduersus Iovinianum eius compositionem satis depraedicare nesciat. Ordo inter epistolas non ratione temporis aestumandus est, sed vt Wilhelmo Caue videretur ex dignitate illorum, ad quos epistolae fuerunt scriptae, ita tamen vt illas, quae ad integras ecclesias sunt exaratae praemittantur reliquis, quae ad certas sunt directae personas. Multa praeterea Paulo supponuntur scripta, inter quae

I. eras

(1) in vita Pauli p. 159. sqq.

I. erat certum aliquod euangelium, quod tamen Lucae euangelium esse annotavit HIERONYMVS de scriptoribus ecclesiasticis in Lucam; II. acta Pauli & Theclae antiquiora illa de quibus TERTULLIANVS videndus est (1) & alia quaedam Pauli acta ab Origene citata; III. epistola ad Laodicenses Hamburgi edita an. 1595. cuius fingendae occasio desumpta est ex epistola ad *Colossenses*. (2) Varias de ea sententias vide apud dominum IRTIGIVM; (3) IV. Tertia ad Thessalonicenses; V. epistolae ad Senecam; (4) VI. Apocalypsis, quae & *apokalypsis* dicitur, cui occasionem dederunt verba Pauli de rapto suo in tertium coelum. Vbi eas fuerunt Caiani Haeretici, videatur Caue & Irigius. (5)

(6) Quae legitur actorum capite LXII. quando autem illa facta fuerit, iterum inter se discrepant auctores, placet nobis sententiam citata SPANHEIMI disputatione exhibita. (6) Nimirum ex certis suppositis, quae tamen pluribus ab eo fuerunt asserta; I. passionem Christi non ante decimum nonum annum regiminis Tiberii contigisse; II. martyrium Stephani similiter non ante Caii Caligulae principatum, qui annorum fore quatuor, nec nisi aliquot annis ab ascensione Domini accidisse; III. Inter haecce & conversionem ac baptismum Pauli concipi oportere biennii circiter interval-
f 2 lum;

(1) de baptismo c. XVII. (2) c. IV. 16. (3) l. c. de pseudepigraphis apostolorum p. 136. sqq. (4) vid. Irigius l. c. (5) l. c. (6) p. 209.

lum; IV. anno a baptismo Pauli tertio corrente, adscendisse hunc primum Hierosolymam, dein post breuem inter Tarsenses moram & anni vnus praedicationem Antiochenam, eo rediisse. V. reditum illum incidere in Claudii quartum, Agrippae vltimum & Pauli conuersi quartum circiter exactum. Id omnino superest, vt epocha conuersionis Paulinae figatur in Caji annum quartum siue vltimum, & septimum circiter a passione, confer BARONIUM in Martyrologio, (1) vbi duas refutat opiniones de tempore conuersionis, alteram quae post septimum, alteram quae trigesimo quarto anno post Christum natum factam illam esse asserunt. Festum hoc seculo demum duodecimo coepisse dicit Hospinianus, vltet Baronius velit de ea solennitate iam egisse Bedam, & Augustinum in eandem sermones habuisse, per aliquod tanten tempus intermissum ab Innocentio III. fuisse restitutum.

(*) Dies critici sunt ex quibus vulgus, vel de tempestatibus, vel de annonae caritate, aliisque nullo tamen nixum fundamento diiudicare solet. Quemadmodum ex huius diei serenitate colligunt fructuum abundantiam, ex ventis bella, ex nebulis pestem, ex niue vel pluvia caritatem, iuxta communes illos versiculos:

Clara dies Pauli bona tempora denotat
anni &c.

Euan-

Euangelium legitur actorum cap. IX. vers. 1. 22.
ad cuius illustrationem pertinent **AVGVSTI-**
NVS, (1) CHRYSOSTOMVS, (2) BERNHAR-
DVS, (3) &c.

§. VIII. Quando paschatos festum pro-
trahitur, ante vel etiam post festum purifica-
tionis Mariae quoque celebratur dominica
quarta post epiphania, in qua lectio euan-
gelica est de nauicula Christi. (a)

(a) Eandem nobiscum habent lectionem Pon-
tificii. Durandus iterum ad hanc domini-
cam obseruauit, secundum seriem trium
euangeliorum hominem reformari tribus mo-
dis; primo enim mundatur sicut lepro-
sus; secundo sedatur tempestas tentationum;
tertio fiunt nuptiae in corde ipsius. Primo
autem loco poni euangelium de nuptiis,
quia dignior est ille status. Obseruarunt
alii in euangeliiis, quae circa hoc tempus suc-
cessiue explicantur, Christum opponi gen-
tilium Diis Deabusque; Baccho quidem,
dum dominica secunda post epiphania de-
monstrauit, se esse Dominum qui vinum dat
ad laetificandum cor hominis. Æsculapio vel
Apollini, dum se ostendit Dominica tertia me-
dicum. Aeolo, dum quarta dominica monstra-

F 3

uit

(1) Serm. de sanct. Paul conuers. tom. X. serm. 14: de
sanctis. (2) Hom. de diuers. N. T. locis serm. 49.

(3) p. 97. sqq.

uit se esse ventipotentem. Cereri, dum dominica quinta etiam agriculturae nostrae benedictionem se largiri indicavit. Ad praesentis euangelii explanationem faciunt ORIGENES, (1) AVGVSTINVS, (2) BASILIVS, (3) BEDA, (4) &c.

§. IX. Quod si adhuc serius celebretur pascha, aliquando ante, aliquando post purificationis festum feriamur dominicam quintam post epiphania, in qua agitur de Zizaniis in agro domini disseminatis. (a)

(a) Eandem lectionem habent pontificii communiter, licet DVRANDVS ad hanc dominicam notauerit, in aliis ecclesiis legi illud euangelium: *confitebor tibi pater coeli & terrae* &c. In quo ostenditur, quibus Deus se manifestat, scilicet paruulis & mansuetis. Et illud obseruarunt autores Christum eandem rem, quae in euangelio huius dominicae docetur, alibi saepius inculcasse, nimirum in parabola de piscibus bonis & malis in sagena eadem: vt & in parabola de ouibus & hœdis in eodem grege: in parabola de sapientibus & fatuis virginibus in eodem nuptiarum comitatu: In parabola de bene & male vestitis in iisdem nuptiis. Id quod factum fuisse

(1) Tom. II. homil. 6. p. 286. sq. (2) Serm. 3. ex 17. serm. quos dedit Carthusia parisiensis fol. 317. (3) Orat. 22. (4) Tom. VII. homil. hyemal. de temp.

fuisse recte indicatur ob eum finem, ne putemus omnes in ecclesia esse fideles & sanctos. Evangelium legitur ex Matthaei capite XIII. versu 24-30. cuius illustrationem susceperunt, AUGUSTINVS, (1) P. CHRYSOLOGVS, (2) BERNHARDVS (3) *Sermensis*.

§. X. Die vigesimo octauo est dominica septuagesima, (a) qua euangelium de vinea Christi (b) praelegitur.

(4) Quinque ponuntur septuagesimae a Durando : dominica I. est septuagesima annorum siue captiuitatis Iudaicae, in qua Iudaei fuerunt captiui in Babylone LXX. annis; II. est dierum quas incipit hac dominica & terminatur in sabbato in albis, vel secundum alios in paschate; III. peregrinationis nostrae siue totum tempus huius vitae, quod septem dierum reuolutione agitur; IV. est hebdomadam a septuagesima ad laetare; V. est aetatum, siue septem aetates, quarum sex sunt morientium & septima quiescentium. Harum septuagesimarum duas esse dicit figuratiuas, scilicet septuagesimam aetatum, & septuagesimam nostrae peregrinationis: tres vero figuratas, annorum scilicet, dierum, & hebdomadarum. Institutam autem idem dicit hanc dominicam propter tria; I. propter redemptionem sabbathi, vel

F 4

secun-

(1) Serm. de iudic. extrem. tom X. serm. 39. de sanct.

(2) Serm. 96. (3) Serm. de temp. tom. IV. p. 167. serm.

secundum alios quintae. feriae, in qua sancti patres statuerant ieiunari. II. Propter repraesentationem, quoniam repraesentat septuaginta annos babylonicae captiuitatis. III. Propter significationem, quoniam per hoc tempus significatur deuiatio, exilium, & tribulatio totius generis humani ab Adamo vsque ad finem mundi: quod quidem exilium sub reuolutione septem dierum peragitur, & sub septem millibus annorum includitur. Beda & Alcuinus septuagesimam dictam putant ab ordine, quo quadragesimam antecedit, ita vt quinquagesima dicatur, quae proxime antecedit quadragesimam. Sexagesima vero altera remotior, septuagesima tertio loco ab ista remota. (1) Tempus quod sequitur septuagesimam dicitur poenitentiae tempus a Durando, quia visa via quae ducit in Bethlehem superiorem per stellam, id est per fidem, poenitet hominem, quod deuiavit ab illa. Dies dominicam hanc sequentes dicti olim sunt *dies observabiles*, iuxta illud: dies absoluti praetereunt, dies observabiles redeunt, tempus adest, sobrie in corde quaeramus dominum. Hinc praesens anni tempus a nonnullis germanicis dicitur: die gebundene Zeit, ubi omnis dissoluta vita fugienda. In ecclesia pontificia hoc die omnia altaria in tristitiae signum velantur, halleluia & gloria in excel-

(1) alias vocis denominationes vid. ap. Durandum l. c. Lib. VI. fol. 160. b.

excelsis omittuntur, & pro illis dicitur humiliori latina lingua: *Laud tibi domine &c.* quia tempori congruit humilitas ob memoriam peccati originalis, ut ex Alcuino refert GAVANTVS. (I) A septuagesima ad paschatos octauam, ex decreto concilii Ilerdensis in Hispania anno DVII. haberi, nuptias celebrare nefas esse putatum fuit.

- (b) Eadem in ecclesia pontificia est lectio. In graeca ecclesia haec dominica dicitur *αἰώνια*, filii prodigi, quod ea parabola de illo legatur, & septimana illa *ἀπένετος* a subsequente dominica nomen habet, cum carnis comedendae finem faciant. Etiam hac hebdomade apud Graecos non canitur halleluia, & ex duobus psalterii cathesmatibus, quae inter laudes matutinas recitantur, vnum abscindunt, illudque inter vespertinas dicunt. Cathesma I. & proprie est sessio, II. significat certam lectionem, quam praelegere sunt consueti, vel sedentes, vel stantes.

FEBRUARIUS

§. I. Die secundo est festum purificationis (a) Mariae, quod etiam a Graecis hypante, & hypopante (b) & vulgo festum candelarum (c) dicitur, atque paulo ante medium seculi sexti institutum (d) fuisse scribitur.

(a) Quae facta fuit more Hebraeorum, quo puerperae secundum legem Moyſis quadra-
gesimo a natiuitatis die tenebantur in templo
se purgare, quamuis ad Mariam haec lex ob
Christum natum non spectaret, nisi ipse etiam
ex hoc capite legi obnoxius fieri voluerit.

(b) Id est festum occurſus. Sic enim MICROLOGVS de ecclesiasticis obseruationibus c. 47.
hypante nuncupatur obuiatio, quia venerabi-
les personae Simeon & Hanna eo die obuia-
uerunt Domino, dum praesentaretur in templo.
Hinc etiam dicitur festum Simeonis & Annae,
praesentationis &c.

(c) Germanice *Licht Messe*. Missa enim ex ve-
teri vsu sumebatur, pro solenni aliqua festiui-
tate, vel die festo. Ratio autem denominatio-
nis sumitur a more in ecclesia pontificia vsitato,
quo hoc die cerei in templum offeruntur,
consecrati distribuuntur, & dein fit proces-
sio per ecclesias cum cereis illis ardentibus.
Portari autem dicit candelas DVRANDVS
(1) propter sex causas; primo vt vnusquis-
que

(1) ad hoc festum.

que se illuminet & opera sua lumine patefacta aliis monstret; secundo ut ritum gentilium in melius mutet religio christiana; tertio ut per hoc prudentes virgines imitemur, quarum beata virgo caput, ut in nobis accensa lampade castitatis & bonorum oporum cum eis in templum gloriæ ad verum sponsum ingredi possimus; quarto quia lumen, quod est ad revelationem gentium, sicut dicit Simeon, hac die pro nobis est praesentatum: haec ergo processio significat illam Simeonis; quinto ad notandam divinitatem & humanitatem Christi: sexto ad ostendendam virginis puritatem, ne quis audiens illius purificationem credere possit eam purificatione indignuisse. **HOSPINIANS** in libro de festis christianorum asserit hoc festum fuisse institutum ad imitationem Februorum, quibus romanae mulieres festum luminum habebant ex fabula raptæ Proserpinae a Plutone. Qui mollius loquuntur, non tam imitationem quam occasionem & in melius mutationem a romanis sacris desumptam esse dicunt.

- (d) **NICEPHORVS** (1) Iustinianum imperatorem cum primum servatoris exceptionem toto terrarum orbe festo die honorare instituisse, sicut **IUSTINVS** de sancta Christi natiuitate fecit. Aliter sentit **CEDRENVS**, qui originem eius reiecit in annum nonum siue vltimum Iustini, cui Iustinianus successit. Ex
viro

(1) hist. eccl. Lib. XVII. p. m. 1091.

utroque tamen apparet, festum hoc ab initio institutum fuisse in honorem Christi, & sequentibus demum temporibus abiisse in honorem Mariae. Occasionem scribunt, fuisse, tum terrae motus, tum varia morborum genera, quae hac dedicatione tolli posse putabant. **BARONIVS** in martyrologio ad hunc diem arbitratur, **Gelasium** romanum pontificem, qui annis triginta ante Iustiniani tempora romanae ecclesiae praefuit, ad huius diei celebrationem occidentali ecclesiae aperuisse viam, dum **Lupercalia** mense **Februario** agi solita, Romae ad ea tempora permanentia, legibus ecclesiasticis abrogauit; prouocat ad manuscriptum pontificis aduersus **Andromachum** senatorem, ac caeteros romanorum **Lupercalium** studiosos, quod etiam in annalibus suis exhibuit. A Romana ecclesia vero paulo post orientalem ecclesiam ea occasione recepisse opinatur, absque villo idoneo fundamento. Euangelium legitur in hoc festo ex **Luc. cap. II. versu 22 - 32.** ad cuius illustrationem spectant **CHRYSOSTOMVS, (1) GREGORIUS NYSSENVS, (2) CYRILLVS ALEXANDRINVS, (3) BERNHARDVS, (4) &c.**

§. II. Rarius etiam celebranda venit dominica sexta (a) post epiphania, qua agitur de manifestatione Christi in monte Thabor. (b)

(a) Haec

(1) Tom. VI. p. 245. sq. (2) Tom. II. p. 876. sqq. (3) Tom. V. p. 385. sqq. (4) Serm. de purif. virg. Mariae tom. IV. p. 141. sqq.

- (a) Haec raro occurrit, hinc nec in ecclesia romana aliquid proprii habet praeter orationes aliquas, & reliqua mutuatur a duobus praecedentibus dominicis.
- (b) Apud pontificios, si haec dominica occurrit, in quibusdam ecclesiis euangelium legitur de parabola, qua regnum coelorum cum grano sinapis comparatur. Euangelium desumptum est ex Matthaei Cap. XVII. versu 1-9. ad cuius illustrationem symbolum suum conferunt, AMBROSIVS, (1) P. CHRYSOLOGVS. (2) ,

§. III. Die quarto est dominica sexagesima,

(a) in qua euangelium de parabola seminis legitur. (b)

- (a) Haec instituta fuit in ecclesia romana; primo in redemptionem quintarum feriarum, in quibus ex mandato pontificis Melchiadis nemini ieiunare licebat propter domini coenam & ascensionem, & hinc veteres quinquagesimae addiderunt vnam hebdomadam in ieiunio & illud tempus dixerunt sexagesimam; secundo propter significationem, quia significat tempus viduitatis ecclesiae & illius moerorem propter absentiam sponsi, quia peccatoribus abest per gratiam; tertio inquit DVRANDVS ad hanc dominicam in consolationem illius absentiae sponsi, qui ad coelum raptus est, dantur ecclesiae duae alae, scilicet sex operum misericordiae exercitatio & de-

decalogi implerio. Vnde secundum ipsum sexagesima sonat sexies decem, vt per sex, opera misericordiae sex, per decem decalogus intelligatur; Sexagesima enim ex senario & denario constat, vt sicut dominus post opera sex dierum benedixit diei septimae, sic post perfectionem operum decalogi peruenimus ad beatitudinem aeternam.

(b) In ecclesia pontificia eadem est lectio. Apud Graecos dicitur haec dominica *ἡμέρα της νηστείας*, quia ultra hancce dominicam vescendis carnibus operam non dant Graeci, sed vna cum ea illis edendis finem imponunt. Ipsa hebdomas hanc dominicam subsequens iterum denominatur in ecclesia Graeca a sequente dominica, cui tyrophago nomen est. Euangelium legitur ex Lucae capite VIII. versu 4-15. ad quod illustrandum faciunt, AMBROSIVS, (1) GREGORIUS MAGNVS, (2) BEDA, (3) S. BERNHARDVS. (4) &c.

§. VI. Die vndecimo est dominica quinquagesima, (a) quae esto mihi dicitur, (b) in qua euangelium de Christi itinere Hierosolymitano legitur. (c)

(a) Apud scriptores officiorum ecclesiasticorum multiplex ponitur quinquagesima, scilicet

(1) Tom. V. serm. 23. de temp. (2) Tom. III. homil. 15. in euangel. (3) Tom. 7. homil. hyemal. col. 214. sq. (4) ex paruis & variis sermonibus serm. 26. col. 454.

licet dierum, annorum, psalmorum, personarum & denariorum. Quinquagesima dierum triplex est: una, a dominica hac ad diem paschatos & dicitur poenitentiae & abstinentiae. Secunda a paschate ad pentecosten, atque dicitur laetitiae atque exultationis. Tertia ab octava paschatos ad sabbatum post pentecosten & dicitur figurae siue gloriae & glorificationis. Quinquagesima psalmorum triplex est, & tres status religionis christianae significat: primus est poenitentiae, secundus iustitiae, tertius laudis vitae aeternae. In quinquagesima annorum erat annus iubilaeus qui erat quinquagesimus. De quinquagesima personarum sermo habetur in Genesi, ubi Abraham quaesivit de quinquaginta bonis in Sodoma. De quinquagesimo denariorum habetur sermo in euangelio ubi agitur de debitoribus quorum alter debebat quinquaginta denarios. Idem etiam in voce lutum quaerunt, & quinquagesimam quasi quinquies decem significare volunt tempus remissionis. Quinquagenarius etenim numerus consistit ex quinario & denario in se multiplicatis. Nam qui per opera quinque sensuum corporis per decem legis mandata moderatus fuerit, secure dicere poterit, quod in ultimo die quinquagesimae, scilicet in paschate, cantatur: *resurrexi & adhuc tecum sum &c.* Instituta porro est quinquagesima poenitentiae; I. pro-

pax

pter suppletionem vt videlicet supplerentur dies dominici, qui de ieiunio quadragesimae subtrahuntur. II. Propter significationem, quia significat tempus remissionis. III. Propter repraesentationem, quia praeter tempus remissionis statum beatitudinis repraesentat.

(b) Appellationem hanc habet ab introitu, quem ecclesia latina hac dominica cantat: *Esto mihi in protectorem*; vbi petit quatuor scilicet protectionem illis, qui sunt in aduersis, firmamentum illis, qui sunt in gratia, refugium illis, qui sunt in culpa, durationem illis, qui sunt in prosperis.

(c) In ecclesia pontificia eadem habetur lectio. A Graecis appellatur dominica *τῆς ἐσθίας* a casei esu, & a quibusdam hebdomas *δοκίμου* vocatur; quemadmodum enim quae praecedit, a dimittenda carne *ἀπορρηξ* vocatur, ita & haec a dimittendo caseo *ἀπορρηξ* appellata fuit. Graeci in ea caseo ac ouis, quando iam praeterita dominica carnibus vescendis finem imponunt, vescuntur. Volunt enim ordine quodam per media ab vno extremo carnibus scilicet ad aliud, pisces nempe & quadragesimalia gradum facere; ne subita illa mutatione ab vno in aliud extremum naturae vires succumbant, quae paulatim meliorum ciborum esu a primis desuescens, moderata haec postrema sine noxa amplectitur, quamuis alii ab Heraclio institutam fuisse autumant voti reo, bello cum Chosroe Per-

Perfarum rege feliciter p̄racto. (1) Euangelium legitur desumptum ex Lucae capite xviii. versu 30-43. ad cuius explanationem pertinent CHRYSOSTOMVS, (2) AVGVSTINVS, (3) BASILIVS, (4) BEDA. (5)

§. V. Dies decimus quartus. est dies Cinerum (a) quo incineratio fit, hoc est cineres consecrantur, (b) & fidelium capitibus in signum luctus & recordationem (c) mortis imponuntur.

(a) Feriae quartae dominicae quinquagesimae alligatus est hic ritus adhuc hodie in ecclesia latina. Antiquum esse hunc ritum volunt, alii ad Gregorii M. tempora, alii ad priora adhuc istum referentes, imo iam in scriptura sacra (6) praesignatum putant, & praxi poenitentium in primitiua ecclesia conformem, videatur TERTVLLIANVS (7) de poenitentia. Incipiunt latini simul hoc die ieiunium quadragesimae aliter ac Graeci, qui die Lunae illud auspiciantur. Et apud hos hebdomas post quinquagesimam dicitur dominica prima quadragesimae, quia apud illos hebdomadis feriae nomen sibi vendicant, non a dōminica, quae eas

G

prae-

(1) vid Allat. l. c. p. 142. sqq. (2) tom. VI. serm. 65. (3) tom. X. serm. de temp. fol. 152. (4) orat. 31. (5) homil. hyemat. de temp. col. 216. (6) Iob. cap. II. Bēher. t. XIV. ser. e. V. (7) c. IX. & Hildebrand de sacr. publ. in die cinerum:

praecedit, sed ab ea, quae illas consequitur. (1)

(b) Cineres adhibentur ex palmarum & oliuarum ramis anno praecedenti benedictis; cum enim hae ramorum binae species, vna scilicet victoriae, misericordiae pacisque altera symbola sint, hinc admonentur fideles, quod mediante poenitentia, & vitiorum victoria, & diuinæ misericordiae reconciliatio acquiratur, vt scribit DOMINICVS MACER in Hiero-lexico. (2) Hi cineres, more in ecclesia latina consueto consecrantur, dein sacerdos vel sibi ipsi imponit cineres, vel ab alio sacerdote accipit, & dein iidem vicissim aliisque ex clero illos tribuit, atque tandem reliquo populo dicens: *memento homo, quia cinis es & in cinerem reverteris, in nomine P. & F. & Sp. S. Amen.* vid. GAVANTVS, (3) & DURANDVS ad feriam quartam quinquagesimae. In capella papali quando pontifici superimponitur cinis a celebrante Cardinali, qui coram eo stat supra scabellum & papae sedenti cineres imponit supra caput in modum crucis, secundum quosdam consueta verba adduntur, secundum alios vero non adduntur.

(c) Hinc scribit RUPERTVS (4) de diuinis officiis sequentem in modum, vt nostra nobis calamitas ad memoriam reuocetur, & meminermus quia puluis sumus, quod oblitus est pater nobis

(1) Allat. l. c. p. 1425. (2) p. m. 155. (3) l. c. part. l. p. m. 215, seqq. (4) Lib. IV. c. X.

noſter Adam, quando proiecit ante Deum coronam ſuam, & exinde ſenſit nuditatem ſuam: idcirco & cinere capita noſtra aſpergimus & ſummas partes corporis id eſt pedes nudamus, hoc habitu confitentes, quia non Dii neque de coelo ſumus, ſed homines ſumus & de terra principium habuimus, & quia per peccatum gloria noſtra ſpoliati & inter hoſtes conſtituti, ornatu gratiae Dei indigemus. Quī mos olim Halberſtadii obtinuit circa inquirendum aliquem ex ciuibꝫ ſceleſtiorẽ, quī publice poenitentiam agere debebat vſque ad diem dominicae coenae, quo fuerat a ſacerdote abſolutus & ob actiones illas Adamus dictus, vt videre eſt apud AENEAM SYLVIVM ſive PIVM II. pontificem Romanum (1) & PETRVM BERTIVM. (2)

ſ. VI. Die decimo octauo eſt dominica quadreſimae, (a) ſiue inuocauit, (b) qua euangelium de tentatione Chriſti in deſerto legitur.

(a) AMALARIVS FORTVNATVS (3) ſcribit: *nos obſeruamus tres quadreſimas, id eſt, ante paſcha domini, circa feſtinitatem S. Ioannis, & ante natiuitatem domini.* Graeci vero priſci reſte THEODORO BALSAMONE, praeter quadreſimam magnam ante paſcha, quatuor alias

G 2

quor-

(1) in Europa ſua c. 31. (2) Lib. III. Commentariorum rerum Germanicarum. vid. etiam Homborg. diſſ. de quadreſima. (3) Lib. IV. officior. eccleſiaſtic. cap. 37.

quotannis obseruabant quadragesimas; primam ad festum sanctorum Petri & Pauli; secundam in natali Christi; tertiam in transfiguratione eius; quartam denique in assumptione B. virginis. Longo nihilominus usu obtinuit, ut quadragesima sumatur pro antepaschali ieiunio, siue pro eo quadraginta dierum spatio, quod ante paschalem festiuitatem quotannis ieiunio est sacrum. Originem autem habet haec quadragesima ab antiquissimo propaschali sanctae hebdomadae ieiunio, quod licet ab apostolis non fuerit institutum, apostolico tamen aeuo in usu esse coepit, quamuis non eodem apud omnes modo obseruatum, ut IRENAEVS eleganter notauit in *epistola ad Victorem episcopum Romanum* apud EVSEBIUM. (1) Non solum de die, (paschatos) scribit, sed etiam de specie ipsius ieiunii controuersia est. Quidam enim existimant unum diem se oportere ieiunare, alii duos, alii etiam plures; alii quadraginta horis diurnis nocturnisque metiuntur diem suum. Atque eiusmodi eorum, qui haec obseruans ieiunia varietas non nunc nostra aetate coepit, verum etiam longe ante nos apud maiores nostros, qui, ut verisimile est, consuetudinem per simplicitatem quandam, priuatasque libidines inductas retinentes imposuerunt propagarunt. Post tempora concilii Nicaeni in cuius canone quinto mentio quidem fit quadragesimae, sed, quot dierum illa fuerit, non exprimitur, sensim

VI

ut plures dies, sic tandem plures hebdomades ieiunio illi accreuerunt, sed magna dierum varietate, ut tempore Chrysostomi etiam usitatum fuerit, duas ternasue, aut etiam omnes quadragesimae septimanas pro voluntate sua ieiuniis dicare. Eadem varietas adhuc seculo quinto durauit teste SOZOMENO: (1) *illam, scribit, quae appellatur quadragesima, in qua populus ieiunat, alii quidam in sex hebdomadas dierum computant, ut Illyrii, & qui ad occidentem sunt, nec non vniversa Lybia & Aegyptus cum Palaestina. Alii in septem, ut Constantinopolitani & nationes circumiacentes usque ad Phoenices. Alii vero tres sparsim intra sex aut septem illas ieiunant. Alii tres pascha immediate praecedentes continuant.* (2) Quam sacrum praeterea totum illud quadragesimae tempus priscis christianis fuerit vel ex sequentibus colligi poterit capitibus. Primo totum quadragesimae curriculum, tanquam solenne tempus agenda poenitentiae pro delictis toto anno commissis in luctu & squalore transigebant. Secundo precibus, meditatione rerum diuinarum, & quibuscumque pietatis operibus per quadragesimam assidue vacabant. Tertio quotidie in templis conciones e cathedra ad populum habebantur. Quarto in egenos & pauperes elemosynas largiter conferebant. Quinto nulla criminalia iudicia, nullae lites hoc tempore

G 3

in

(1) Hist. Eccl. Lib. VII c. 19. (2) vid. Dallacus de ieiunio & quadragesima Lib. III. toto.

in foro agebantur. Sexto mariti ab vxoribus suis abstinere tenebantur. 1 Septimo nuptias hoc tempore celebrare vetitum erat. Octauo catechumeni diligenter imbuebantur euangelii doctrina & pietatis exercitiis, vt digni susciperent baptismum. Nono instituebantur examina baptizandorum, quae scrutinia appellabantur. (1)

(6) Ab introitu ecclesiae, qui ex Psalmo nonagesimo (2) est desumptus, ita salutatur. Seriem & connexionem cantionum in praecedentibus dominicis ostendit DVRANDVS ad hanc quadragesimam; nimirum principio septuagesimae ecclesia tot vexationibus pressa desperans clamuerat: *circumdederunt me gemitus mortis* &c. In principio vero sexagesimae, quasi posita inter desperationem & spem clamauit: *Exsurge, quare obdormis domine?* &c. Imo deprecatiuam mutans in affirmatiuam dixit: *Dux mihi eris & enutries me.* Nunc vero in principio quadragesimae, ostendens se esse exauditam dicit; *Innocauit me & ego exaudiam eum* &c. A Graecis haec dominica appellatur *νεβρανή πρώτη των νηστίων dominica prima ieiuniorum.* Eam praeterea singulari nomine nuncupant *ἐφθοσία*, propterea quod illo die celebrant restitutionem sacrarum imaginum, in quas olim saeuerunt imperatores Byzantini. Quoniam vero Graeci sententiam de cultu sacrarum

(1) vide Homborgii dissertationem citatam. (2) versu 15. sq.

rum imaginum pro vera & orthodoxa habent, idcirco etiam illi festiuitati nomen orthodoxias imposuerunt. Solennem quoque processionem cum crucibus & imaginibus in memoriam restitutae orthodoxiae instituebant, prout refert ALLATIVS. (1) Euangelium legitur ex Matthaei capite IV. versu 1-II ad cuius illustrationem referendi sunt AVGVSTINVS, (2) AMBROSIVS, (3) CHRYSOSTOMVS, (4) GREGORIUS MAGNVS, (5) LEO, (6) MAXIMVS, (7) &c.

§. VII. Die vigesimo primo est alterum in anno ecclesiastico ieiunium (a) quatuor temporum, dominicam quadragesimam semper feria quarta excipiens.

(a) Vide quae supra in genere de ieiuniis dicta fuerunt in apparatu, & in specie §. V. mensis decembris. In latina ecclesia feria quarta, sexta & septima huius hebdomadis quadragesimalis ieiunium instituitur. Rationem nobis suppeditat BELLARMINVS, (8) ubi agit de ieiuniis quatuor temporum; *scilicet quemadmodum habemus*, scribit ille, *solenne ieiunium singulis annis, quod est ieiunium quadragesimae, & ieiunium statum singulis heb-*

G 4

(1) de domin. graecor. §. 14. sq. (2) tom. X. serm. 64-66. (3) tom. V. serm. 19. de temp. (4) homil. 25. ad pop. Antioch. (5) tom. III. homil. 16. in euangel. (6) serm. I. de quadragesim. (7) homil. II. de ieiun. quadrages. (8) Lib. II. de bonis operibus cap. 19.

hebdomadibus, quo est ieiunium feriae quartae & sextae, vel feriae sextae & sabbati: sic habemus ieiunium singulis mensibus aliquod. Tres autem dies, qui tribus mensibus respondent, commoditatis gratia in unum mensem coniecerunt. Ita ieiunamus tribus diebus primi mensis, pro mense primo, secundo & tertio. Item tribus diebus mensis quarti, pro mense quarto, quinto & sexto. Tribus quoque diebus mensis septimi, pro mense septimo, octavo & nono. Denique tribus diebus mensis decimi, pro mense decimo, undecimo & duodecimo. Haftenus ille sed absque idoneo fundamento.

§. VIII. Die vigesimo secundo festum cathedrae (a) S. Petri notatur, quasi hoc die ad gentes ire coeperit.

(a) Satis antiquum esse hoc festum, multa testantur, ut sermones Augustini hoc die habiti & martyrologium Bedae aliorumque. Dicatum id fuit in genere foundationi ecclesiarum Petri, postea ad ecclesiam Antiochenam fuit restrictum, quia primus Petri egressus ad Antiochenos fuit. Hinc etiam martyrologia antiquissima manuscripta aequae ac edita ad diem vigesimum secundum Februarii, vel hunc titulum habent: *cathedra S. Petri apostoli*; vel istam, *cathedra Antiochena*. Dein ne Romana ecclesia Antiochenae, aut inuideret, aut cederet, Paulus IV. referente BELLARMINO, (1) aliud cathedrae festum seorsim instituit,

(1) *Lib. II. de Romano pontifice cap. VI.*

tuit, & alterum Romanae sedi tribuit, quod die XVIII. Ianuarii celebratur, videatur BARONIVS in *martyrologio*. (1) Superiori seculo Gregorius XIII. ad instantiam Antonii cardinalis Carassae statuit vt festum cathedrae, tanquam festum de praecepto, obseruaretur.

§. IX. Die vigesimo quinto est dominica secunda quadragesimae, quae & dominica Reminiscere (a) appellatur, atque in ea legitur euangelium de muliere Cananaea.

(a) Haec dominica dicitur Reminiscere propter introitum petitem ex Psalmo XXV. eiusque versibus 6. 7. ubi ter repetitur *Reminiscere* scilicet: *Reminiscere domine miserationum &c. delictorum iuuentutis ne reminiscaris; reminiscaris mei secundum magnam misericordiam.* A Graecis dicitur *dominica secunda ieiuniorum*. Est haec dominica inter aureas referenda, quia ieiunium quatuor temporum sequitur, vide supra §. VI. mensis Decembris. Euangelium legitur ex Matthaei capite XV. versu 12-28. cuius illustrationi inferuiunt BEDA, (2) BERNHARDVS SENENSIS. (3) &c.

G 5.

§. X.

(1) ad diem XVIII. Ianuar. & XXII. Februar. (2) tom VII. homil. in sabbat. post inuocauit p. 254. sq. (3) Serm. I. de coniug. hoc est.

§. X. Idem dies vigesimus quintus etiam Matthiae apostolo, (a) qui euangelium in Iudaea & forte alibi (b) docuit, (c) sacer est (d)

(a) Hunc patriam habuisse Bethlehemi oppidum quidam perhibent. Fuisse hunc vnum ex septuaginta discipulorum numero scripsit EVANGELIUS. (1) Vbi ille quidem nuspiam extare ait enumerationem horum nominatum, perhiberi tamen in his fuisse Barnabam, & Sosthenem, & Petrum, eodem cum Cepha nomine, & Matthiam hunc, & Thaddaeum, ab apostolo Thoma ad Abgarum missum, In numerum apostolorum lectus fuit forte quemadmodum in apostolica Lucae historia (2) legitur. De genere supplicii, quod subiit, non omnes tradiderunt idem. In Iudaea quidem dicunt securi fuisse percussum. DOROTHEVS refert eum Sebastopoli obiisse, & ibi prope templum solis fuisse sepultum. Menaea, siue officia, Graecorum volunt cruci illum fuisse affixum, reliquiae eius dicuntur haberi Romae, vel Treuiris, videatur CAMERARIUS, (3) & CAVE. (4)

(b) PETRVS DE NATALIBVS (5) scribit, Matthiam etiam in Macedonia praedicasse euangelium, sed quo fundamento id asserat, non

(1) l. c. Lib. I. (2) cap. I. vers. 26. (3) l. c. in vita Matthiae p. 136. sqq. (4) in antiquit. apostol. in vit. Matth. pag. 609. sqq. (5) in hist. sanctorum lib. III. c. 149.

non video. NICEPHORVS (1) venisse eum in Aethiopiam & Sophronius apud HIERONIMVM in catalogo de scriptoribus ecclesiasticis in alteram quoque Aethiopiam concessisse referunt. Vbi tamen CAVE putat mendum aliquod esse apud vtrumque, & loco Aethiopiae legendum esse Cappadociam, vtpote in qua docuisse probabilius asserunt Graeci.

(c) Gelasius in decreto de libris a Romana ecclesia approbatis & improbatis, inter apocrypha refert euangelium Matthiae apostoli. Tale olim fuisse etiam refert EVSEBIUS, (2) ORIGENES (3) in Lucam; AMBROSIVS praefatione in Lucam. (4) Eidem adscriptas fuisse olim traditiones quasdam quibus abusi fuerunt Nicolaitae, Marcionitae & Valentiniani, ex CLEMENTE ALEXANDRINO diuersis in Locis (5) videre est.

(d) In ecclesia graeca die nono Augusti Festum Matthiae celebratur, prout ex Menologiis Graecorum & Manuelis Comneni constitutione constat, in qua festa recensentur. In ecclesia occidentali vero die vigesimo quarto Februarii constitutum est; In praesenti autem anno nempe MDCCXX tanquam intercalari, quia dies vigesimus quartus est intercalaris, ad diem sequentem relatum est hoc festum, in quo legitur euangelium ex Matthaei capite XI. versu 25-30.

MAR-

(1) Hist. eccl. Lib. II. c. 4. (2) H. E. Lib. III. c. 25. (3) homil. 10. (4) vid. Ittig. de pseudepigraph. p. 126. sq. Caue l. c. p. 618. (5) Lib. II. p. 380, Lib. III. p. 428. Lib. VII. p. 765.

MARTIVS.

§. I. Die tertio est dominica tertia quadragesimae, quae & Oculi dicitur, atque in ea legitur euangelium de muti daemonii eiectione. (a)

(a) Nomen huius dominicae desumptum est ex Psalmo XXV. versu 15. ex quo olim ecclesia canebat: *Oculi mei semper ad dominum, quoniam ipse euellet de laqueo pedes meos.* A Graecis vocatur haec dominica tertia ieiuniorum, item adorationis crucis, quam eo die celebrabant. Quam ob causam a medio ieiuniorum tempore crucis venerationem solenni ritu celebrent Graeci, si quis quaerat, ea ab illis datur responsio, facere scilicet ad crucis & passionum saluatoris recordationem, ne nos ad ieiunii incommoda toleranda defatigemur, sed velocius cursum contendamus ad resurrectionem Christi per crucem ad eam ducentem, vide ALLATIVM. (1) Euangelium legitur ex Lucae capite XI. versu 14-28. ad quod illustrandum faciunt BEDA, (2) RABANVS MAVRVS. (3) &c.

§. II. Die decimo est dominica quarta quadragesimae, quae & Laetare (a) dicitur; aliasque habet appellationes. (b) In ea legitur

(1) de dominicis & hebdom. graecis p. m. 1438. sqq. (2) Tom. VII. in homil. quadragesim. p. 248. sq. (3) Tom. V. p. 585. sq.

legitur euangelium de quinque milibus
miraculose saturatis.

(a) Scilicet ex Esaiæ capite LXVI. versu 10.
*Laetare Ierusalem & exultate in ea omnes qui di-
ligitis eam.*

(b) Nimirum I. *dominica de panibus*, *dominica re-
fectionis*, ob miraculum, quod singulis an-
nis repetitur. II. *dominica mortis sue mortuo-
rum*, *der Todten Sonntag*. Hoc enim die lux
euangelii affulsit gentilitati olim in Polo-
nia & Silesia baptismum suscipiente & ido-
la eiiciente, rege Wenceslao cum subditis
anno CMLXV. quo pacto ex mortis & dia-
boli regno liberati sunt, in cuius memori-
am pueri circumportare in quibusdam locis
solent arborem, quod vulgo dicunt, mor-
tem expellere, *den Tod austreiben*. Aliibi
imaginem de stramine, aut simili materia,
faciunt, quam postea in aquam proiciunt
& submergunt ad significandum veterem
hominem esse mortificandum & peccatis re-
sistendum, (1) ob eandem etiam rationem
in quibusdam locis *dominica nigra* siue *atra*
dicitur, quia idola deformia & nigra quasi
mortua in mare proiciebant, ut indicarent ido-
latriam omnem sublatam esse; III. *dominica de
rosa der Rosen Sonntag*. Nam pontifex Romanus
rosam auream quotannis consecrat, eam in pub-
licis

(1) vid. Alex. Rossus in lib. de variis religionibus p. 76.
sqq. & Arnoldus in appendice ad Rossium cap. 6.
Hamburg. l. c. §. 46.

blicis processionibus gestat, & postea aliquem principem, siue absentem, siue praesentem tali dono beat; quemadmodum tali Rosa-Leo X. anno MDXVIII donauit Fridericum Saxoniae Electorem, ut eum ad persequendum Lutherum excitaret; quod cum minus impetrasset Pontifex Romanus, talis rosa transmissa est Regi Angliae, qui peculiarem contra Lutherum, stylo vehementiori, librum conscripserat. Cur vero hoc tempore aureae rosae consecratio fiat, hanc adfert rationem DUBANDVS ad dominicam istam, ne fidelis populus propter quadragesimalis obseruantiae asperitatem sub continuo labore deficiat, sed hoc ipso die recreationis solatium accipiat; Tria enim repraesentat secundum ipsum hic dies pro tribus proprietatibus rosae, charitatem nimirum in colore, iucunditatem in odore, & satietatem in sapore. Rosa porro in manu pontificis, gaudium Israelitici populi designat, quando per gratiam Christi data est illi de Babylonica captiuitate licentia. Deinde donat illa nobiliorem & potentioorem, qui tunc in curia reperitur, in quo nobilitas & excellentia illius peculiaris populi domini designatur. Demum ille cum multo equitatu & laetitia ingenti ciuitatem cum rosa circumit, figurans gaudium illius populi in ciuitatem Hierusalem reuersi, atque communem totius populi fidelis & ecclesiae laetitiam de promissis. Spiritualiter autem flos iste significat.

gnificat florem istum, qui de se dicit in canticis: *ego flos campi* &c. Triplex praeterea est in hoc flore materia, aurum videlicet, muscus & balsamum, quia triplex est in Christo, ut ille loquitur, substantia, deitas, corpus & anima. Flos ipse aureus est, quia rex regum & dominus dominantium, cuius rubor apparuit in insignibus passionis & odor in gloria resurrectionis. Non omni tempore, sed in hac dominica, quae septima est ab illa, quae septuagesima nuncupatur fit haec consecratio, quia Christus non in qualibet hora, sed in septima tantum aetate ab illis videtur, quos beata requie consolatur. Rursus in vrbe ostenditur & non alibi quam ad basilicam, quae sanctae crucis in Hierusalem appellatur, quae supernae Hierusalem typum obtinet & repraesentat. Hac in die referente eodem christianus Imperator coronatur, ut semper coronam supernae Hierusalem meditetur. IV. A Graecis appellatur *quarta dominica ieiuniorum sanctorum*, item *media ieiuniorum*, vel *medietas*. (1) A Latinis etiam dicitur *mediana*, quemadmodum & *tota hebdomas*. Euangelium explicatur desumptum ex Ioannis capite VI. versu 1-15. ad quod referri poterunt CHRYSOSTOMVS, (2) AMBROSIVS, (3) BEDA, (4) HVGGO & S. VICTORE. (5) &c.

§. III.

(1) vid. Allatius l. c. §. 13. (2) Tom. homil. ad popul. Antioch. homil. 18. (3) Tom. V. serm. 43. (4) Tom. VII. homil. quadrag. p. 258. sqq. (5) Tom. II. institut. monast. serm. 44.

§. III. Die decimo septimo est dominica quinta quadragesimae, quae & Iudica (a) dicitur, atque in ea legitur euangelium de Christi disputatione cum Iudaeis.

(a) Nimirum ex Psalmo xxxv. versu 1. *Iudica domine nocentes mihi, expugna expugnantes me*, quod ecclesia latina canere solebat. Appellatur porro; I. *dominica passionis*; quia in ea passionem domini hymnis & precationibus altius recolere & accuratius meditari ecclesia latina incipiebat; II. *dominica atra*, licet priorem dominicam alii in quibusdam locis etiam ita appellent, sed ex alia ratione quinta dominica nominatur nigra & quidem in latina ecclesia ideo, quia templa & altaria duntaxat nigris indumentis superducebantur. Si enim nostra ecclesia nomen hoc retinere debet, tunc atra dicetur, quia satanas niger ille spiritus horrendos & tremendos illo tempore plerumque molitur casus. Vana autem est hominum superstitio, dum putant necessarium esse, ut hac dominica aliquis vel violenta morte pereat, vel alio modo satanam aduersum experiatur. A Graecis vocatur haec dominica ieiuniorum quinta & quae hanc sequitur hebdomas Palmarum. In ea quotannis ab imperatore & patriarcha, dona, munera, largitiones, erogationes, ab ipsa hebdomade *Baia* dicta, populo olim distribuebantur. (1) Euangelium

(1) vid. Luitprandus Lib. III. c. 5. apud Allat. de domin. J. XX. p. 1441.

um legitur ex Ioannis capite VIII. versu 46-59. cuius explicationi inferuiunt AMBROSIVS, (1) CHRYSOSTOMVS, (2) AYGUSTINVS, (3) &c.

§. IV. Die vigesimo quarto est dominica sexta quadragesimae, quae, praeterquam quod dies Palmarum (a) dicatur, alias adhuc obtinet denominationes. (b) Et in ea legitur euangelium de ingressu Christi Hierosolymitano.

(a) Sive dominica in Palmis, AMBROSIO dominica in ramis oliuarum; 3 Balsamone dominica ramifera, vel palmifera; ab aliis pascha floridum item dies florum denominatur. Appellationes istae deductae sunt a frondibus palmarum & oliuarum, quas populus Christo Hierosolymas ingredienti in via sternebat. Ex quo factum vt sequior aetas hoc die in ecclesia latina ramos palmarum oliuarumque coeperit benedicere easque distribuere populo, qui ramos istos instituta solenni processione per templum & plateas manu gestabat & finita processione in terram proiciebat clamans: *Osianna filio David*, videatur DVRANDVS ad hanc dominicam. Etiam Graeci hunc diem celebrant magnae pompae apparatu ramis oliuarum palmisque in cruces & alias formas confectis videatur ALLATIVS. (4)

H

(b) Ab

(1) Tom. V. serm. 44. (2) Tom. de diuersis. N. T. locis serm. 60. (3) Tom. IX. fol. 55. sq. (4) l. c. 4. XX. p. 1443.

(b) Ab antiquis christianis dominica haec vocabatur; I. *Pascha petitem siue competentium*, quia catechumenis baptismum competentibus fidei symbolum tradebatur propter instantem paschalis solennitatis vicinitatem, in qua baptizandi erant; II. *dominica capitulum siue capita lauantium*, quia tum baptizandorum capita, quae vngenda erant, prius lauabantur. Obtinuit hic mos in Africana ecclesia feria quinta hebdomadae maioris, & tandem in synodo Moguntina anno DCCCXIII. abrogatus fuit, ne offendendi occasio aliis daretur, quia arbitrabantur ablutionem illam esse verum baptismum; III. *dominica indulgentiae*, vel quia poenitentes hac hebdomade a peccatis absoluebantur, vel quia fontes & captiui ob instans paschale gaudium e carceribus dimittebantur; IV. *poenosa dominica*, quia tunc vitia nostra debemus exuere, vel quia dominus Deus pro nobis poenas sustinuit. Euangelium legitur ex Matthaei capite XXI. versu 1-9. ad cuius explicationem spectant ATHANASIUS (1) AMBROSIVS, (2) CYRILLVS ALEXANDRINVS, (3) BEDA, (4) S. BERNHARDVS. (5)

§. V. Diei vigesimo quinto festum annunciationis (a) Mariae alligatum est in nostra ecclesia, quamuis & olim & hodie non

(1) Tom. I. p. 775. sqq. (2) Tom. V. serm. 45. (3) Tom. V. p. 391. sqq. (4) Tom. VII. homil. hyemal. homil. in dominic. 1. aduent. (5) Serm. 1. dom. in ram. palm.

non vbiuis eodem tempore (b) sacrum sit & fuerit.

(a) Quod alias etiam festum festorum & solennitas solennitatum appellatur. A Graecis dicitur *χαριστισμός* propter salutationem angelicam Mariae factam, & ab Armenis aliisque Graecis euangelismus propter annunciationem. De antiquitate huius festi variant auctores, praecipue cum multae homiliae priscis patribus fuerint suppositae, vel inscriptiones saltem ab aliena accesserint manu, videatur BARONIVS in martyrologio. (1) Hoc festum aeque ac dies dominici a ieiunio olim immune fuerat, vt patet ex canone Trullano LII. Hodierni quoque Graeci hoc festo soluunt ieiunium esu piscium, quod etiam faciunt Russi.

(b) In Hispania constitutione speciali sancitum est in concilio Toletano, vt solennitas dominicae matris id est annunciationis beatae virginis, die decimo quinto calendas Ianuarii celebretur: cum in quadragesima nihil de sanctorum solennitatibus conueniat celebrari. Hinc etiam nunc in Hispania annunciationis festiuitas solenniter agitur sub nomine expectationis partus beatae Virginis, teste Cardinali BONA. (2) In Mediolanensi ecclesia itidem hoc festum celebratur dominica ante natalem domini.

H 2

Armeni

(1) ad diem 25. Martii. (2) rerum liturgicarum Lib. I. cap. 21. §. 6.

Armeni quoque quinto mensis Ianuarii vesperti festum euangelismi (sive annunciationis beatae virginis) celebrant. Armeni enim nullum festum in quadragesima celebrant, ideo hoc festum anticipant, quod tamen a Graecis vna cum festo quadraginta martyrum intra quadragesimale tempus sacrum habetur. Id quoque adhuc notandum venit, quoties hoc Festum incurrit septimanam passionis, aut in septimanam in Albis, tunc celebratur pridie Palmarum vetere consuetudine. Hodie vero, praecipue in Saxonia, si in diem coenae domini, vel passionis, vel sabbati, aut ipsas ferias paschales incidit, reducitur in diem palmarum secundum constitutiones Electorales & Ducales. Euangelium explicatur ex Lucae capite I. versu 26-38. cuius explicationem concernunt **AVGVSTINVS**, (1) **CHRYSTOMVS**, (2) **BASILIVS MAGNVS**, (3) **GREGORIUS THAVMATVRGVs**, (4) **BEDA**, (5) &c.

§. VI. Dominicam priorem excipit hebdomas magna, (a) in qua, etsi olim omnes dies (b) fuerint feriat, praecipue tamen tres posteriores dies, (c) scilicet Viriditum, (d) dies Parasceues (e) & sabbathum magnum, (f) semper fuere obseruati.

(a) Cur

(1) Serm. 1. de annunciat. domin. (2) Tom. VI. serm. 35. (3) Tom. I. homil. 25. (4) Serm. 1. in annunciat. B. Virg. (5) Tom. VII. homil. byemal. p. 189.

(a) Cur magna dicatur eleganter CHRYSOSTOMVS in homilia in magnam hebdomadam explicauit: *in hac enim, scribit, quae magna dicitur, diuturna illa Diaboli tyrannis dissoluta est, mors extincta est, paradysus reclusus, coelum inaccessum esse desuit, homines angelis permixti sunt, Deus ille pacis coelestia simul & terrestria pacificauit.* Appellata etiam fuit, *hebdomas aethentica, poenosa, indulgentiae*, germanice salutatur *die Kar Woche* a voce Germanica obsoleta *Kar*, quae in conciliis dicitur *Carina*, & quadraginta dierum ieiunium in pane & aqua significat. (1) Veteres enim christiani in ieiuniis maxime rigidis & seueris hebdomadam illam traduxerunt, solo pane & aqua sub noctem se reficientes, aliis placet eam ita dici, quasi haec hebdomas ceteris pretiosior chariorque esse debeat, quia Christus pro nobis passus fuerit. Nonnulli vocem *Kar*, pro multa eaque poenam vel potius satisfactionem pro poena denotari malunt, praeferrenda tamen esse videtur prima sententia. Denique etiam appellatur *hebdomas passionis die Marter Woche*, item *die Creutz Woche*.

(b) Id quod testantur homiliae patrum singulis diebus magnae hebdomadis habitae nec non constitutiones imperatorum, quae volunt, vt septem dies qui praecedunt sanctum diem paschatos, & septem qui conse-

H 3

quun-

(1) vid. Homborg. loco citato §. 52. (2) vid. Wilduogel. de quadages.

quantur, sine strepitu forenſi obſeruentur, quibus etiam recentiora accedunt principum placita, vt haec hebdomas prae reliquis quadrageſimae hebdomadibus negotiis quibusuis iudicialibus vacua ſit.

(c) In eccleſia latina his tribus diebus ſilent campanae, quia tum, vt DVRANDVS ſcribit, ſiluerunt apoſtoli & praedicatores & alii, qui per campanas intelliguntur. Fittamen ſignum cum tabula iterum ob varias rationes ab eodem adductas: I. ad ſignificandam Chriſti humilitatem, quam ligni uſus humilior aeris ſono oſtendit: II. per ſignum tabulae terror incutitur: III. per lignum in ligno, malleum ſcilicet in tabulam ſuſpenſum intelligi Chriſtum in crucis ligno pendentem; IV. ideo campanae & non ſignum tabulae, vel alterius huiusmodi ſilent, quia licet maiora ſigna noſtra uidelicet apoſtoli, a laude Dei in Chriſti paſſione ſiluerunt, minora tamen ſigna, vt mulieres non ſiluerunt, imo ſecutae ſunt ipſum uſque ad crucem. Porro etiam in eadem eccleſia ſtatim veſperino finito officio denudantur altaria uſque in ſabbatum: I. propter reſeſſum diſcipulorum ſiue apoſtolorum domini: II. quia Chriſtus fuit denudatus in cruce: III. quia templi uelum ſciſſum eſt. Ibidem quoque altare lauatur, imo in quibusdam locis pauimentum.

(d) Ita dictus ob paſſum ſeruatores noſtrum perpetuo virentem. Latinis olim dicebatur coe-

coena domini , item natalis calicis , id est dies quo natus est calix vitae , siue quo institutum est & quasi vitam coepit venerabile **EVCHARISTIAE** sacramentum. (1) Hinc etiam hoc die veteres christiani omnes & singuli ad Eucharistiam accedebant. Ex eo quoque factum , vt in nostris quoque ecclesiis doctrina de sacra coena publice proponeretur. Peculiare autem illud fuit in ecclesia Africana , quod post prandium sacram Eucharistiam sumserint , ad exemplum Christi , qui prius cum discipulis suis comederat. Hac porro die , vt supra vidimus , scelerati ab initio quadragesimae ex ecclesia eiekti absoluebantur , & in communionem fidelium recipiebantur. Apud Graecos hac feria catechumeni competentes symbolum fidei , item orationem dominicam , quae memoriae mandabant , publice profiteri debebant. In ecclesia Latina oleum tripartitum hoc die consecratur ; nimirum oleum infirmorum , oleum chrismale , & oleum sanctum siue catechumenorum. (2) In eadem etiam obtinet ad exemplum Christi lotio pedum , quem morem etiam hodie seruant Armeni & Abyssini. Solebat etiam hac feria ignis filice excussus in templo benedici , isque asseruari vsque in sabbathum sanctum ad accendendum cereum paschalem. (3) In hac feria

H 4

legitur

(1) vid. Hildebrand. libello de natalitiis veterum cap. 13.

(2) vid. Durand. ad hanc feriam. (3) vid. ordo Romanus de coena domini.

legitur euangelium ex Ioannis capite XIII. versu 1-15. ad quod illustrandum faciunt AVGVSTINVS, (1) CHRYSOSTOMVS, (2) CYRILLVS ALEXANDRINVS, (3) BEDA, (4) BERNHARDVS. (5)

(6) Graecis dicitur haec dies *συνηγια* salutaris Germanice *der Kar Freytag* ob rationes supra adductas. Eodem die olim seuerum ieiunium agebatur, vt si quis praeter paruulos, senes & languidos, ante peractas indulgentiae preces illud soluerat, a paschali gaudio depelleretur. Nec in eo sacramentum corporis & sanguinis domini percipiebat, qui diem passionis eius per abstinentiam non honorauerat. Prisci quoque christiani hoc die ab omni genuflexione & deosculatione abstinerunt, ne in illa Iudaeos illudentes, in hoc vero Iudam proditorem imitari viderentur. (6) In ecclesia vero latina etiam hodierna fit per genuflexionem adoratio crucis, quam descriptam vide apud AMALARIVM. (7) In eadem ecclesia hoc die non consecratur corpus domini, sed adhibetur illud a sacerdote, quod priori die fuerat asseruatum. Rationes huius rei vide apud DVRANDVM ad hanc feriam. Varia quoque superstitione huius diei vulgus laborat, quando oua quae Gallinae hoc die pari-

(1) Tom. X. serm. 127. de temp. (2) Tom. de diuers. N. T. locis serm. 32. (3) Tom. V. p. 370. sqq. (4) Tom. VII. homil. quadrag. homil. vltim. (5) Sermon. I. in coen. domin. (6) conf. Hildebrand. ritual. orant. cap. VII. §. 2. (7) de ecclesiasticis officiis c. 14.

pariunt, *die Kar Freytags Eyer*, magna cura conquirunt, & per integrum asseruat annum, peculiarem tribuens illis efficaciam pellendi febres, incendia & alia.

(f) Quamvis orientales christiani alias sabbatho nunquam ieiunarent, magnum tamen sabbathum aequae rigide obseruarunt ac priorem feriam. In hac vigilia tum catechumeni electi, tum infantes sacro baptismi fonte abluiebantur, & quidem in ecclesia Latina hora nona, id est tertia pomeridiana, quia Christus hora nona exspirasse commemoratur, cuius mortem baptismus imitatur. Sub initium tamen seculi XII. consuetudo illa statim die baptizandi fuit abolita ad euertendum mortis periculum, quod timendum fuerat in illa dilatione. In sancta nocte populus ecclesiam frequentabat, ubi praeter alios cultus diuini actus etiam sancta eucharistia celebrabatur. Quae alia in ecclesia latina fuerint suscepta, refert DVRANDVS ad hanc vigiliam; nimirum I. acoluthi ecclesiae Romanae faciebant agnos de cera noua benedicta, vel de cera cerei paschalis anni praecedentis; II. cereus paschalis benedicebatur; III. Lektionen, quae Christi gloriam & doctrinam significant, idcirco carent titulo, quia catechumeni nondum sunt ciues Hierusalem & scripturas ignorant & nomina ciuium Hierusalem; IV. fontes baptismales benedicebantur; V. baptismum excipiebat confirmatio.

§. VII. Die trigesimo primo est paschatos (a) festum, siue resurrectionis dies, (b) de quo etsi in vtraque ecclesia olim magna fuerint certamina, (c) eum tamen omnes debita deuotione nunquam non celebrarunt.

(a) Quamuis origine hebraea sit vox pascha: veteres tamen in ecclesia doctores nonnulli ex Graecorum πάσχα deducere voluerunt, hebraei, forte sermonis parum gnari. Ex hac autem voce nonnulli deducunt germanorum *pass*, quia transiuit dominus per Ægyptum, item *passiren*, & *passort*, quae tamen commodius forte ex aliis deducuntur vocabulis. Vsurpatur praeterea vox illa de pluribus, quae communiter sequenti indicantur versiculo.

Hebdomas, hora, dies, epulae, preces, azyma, Christus.

Imo & illud notandum, quod olim fuerit pascha annotinum siue annotatium, quasi anniuersarium, ita dictum, quia qui in priori paschate baptizati fuerant, in sequenti anno eodem die ad ecclesiam conuenirent, suaeque regenerationis anniuersarium diem oblationibus solenniter celebrarent. (1)

(b) Item *pascha resurrectionis*, quia dominus summo huius diei mane surrexit, dicitur *Ostern* siue ab *Ost* id est oriente, quia in oriente siue orto sole surrexit Christus, siue ab ho-

(1) Durandus lib. VI. cap. I. n. 38.

ab hostia quae est Christus, siue quasi dicatur ab *Ubrstand* siue *Aufferstebung*. Etsi prolixum esset omnium Patrum elogia huius diei recensere; Chrysostomi tamen verba praeterire non possumus, quando festum hoc appellat *diem regalem*, in quo imperator ascendit ab inferis; *diem panis*, quia in eo nouimus panem resurrectionis coelestis; *diem lucis*, in quo aufugerunt tenebrae coecitatis.

- (c) Quemadmodum hoc festum ex synagoga Iudaica in ecclesiam christianam fuit traductum; sic ab initio ab ipsis forte apostolis institutum, arbitrio aequitatieque relictum erat, quo die illud christiani celebrare vellent. Hinc in Asia atque aliis orientis ecclesiis nonnulli episcopi institutum Iohannis Apostoli sequebantur & vt infirmos Iudaeos, inter quos viuebant, lucrifacerent, vna cum illis decimo quarto die mensis Nisan, in quamcunque hebdomadis feriam ille dies incidisset, festum hoc celebrabant. Romae & in ecclesiis occidentalibus episcopi ad Petri & Pauli morem prouocantes, die dominica decimam quartam lunam proxime sequente illud festum obseruabant. Atque sic vtraque pars ad praxin apostolicam prouocabat, scriptum tamen apostolicum neutra pars proferre poterat. Ex hac discrepantia variae secutae sunt disensiones. Polycarpus quidem Romanam profectus cum Aniceto episcopo illius
- vrbis

urbis ea de re amice contulit, sed nihilominus utraque ecclesia morem suum retinuit, sacra tamen pace ecclesiastica. Postea autem inter Polycratem Ephesinum episcopum & Victorem Romanum acrius agitata fuerat ista controuersia. Victor enim conquisitis hinc inde ab orientis occidentisque ecclesiis pro paschatis die sententiis, pro auctoritate ecclesiis Asiaticis imperare voluit, ut eundem cum ecclesia Romana in celebrando hoc festo seruarent morem, imo eo abiit, ut excommunicationem illis minari conatus fuerit, ab aliis tamen & praecipue Irenaeo ab hoc proposito reuocatus. Suceffu temporis mos ille Asianorum sensim sensimque exoleuit, ita ut iam ante concilium Nicaenum in quibusdam Asiae prouinciis die dominico pascha fuerit celebratum, & postea in ipsa synodo Constantini prudentia omnis sublata diuersitas, atque decretum, ut festiuitas paschalis vno atque eodem die ab omnibus vbique celebretur, et si peculiarem ea de re canonem patres non condiderint, cum priscum saltem morem comprobarent. Quam curam praeterea susceperint Patres Nicaeni in paschate post haec rite determinando, supra iam diximus in apparatu §. IV. nota (b) & (c) subinde tamen haec controuersia passim fuit resuscitata. In Asia quidem erant Quatuordecimarii, siue Quartadecimarii, qui contenderunt, nos iure diuino obstringi ad decimam

cimam quartam lunam, ob id a variis conciliis vt haeretici excommunicandi. Eundem morem secuti fuerunt Nouatiani, Montanistae, nec non Audiani. Neque intra Asiae terminos controuersia illa substitit, sed in Hispania Baetica mos ille viguit, & in Scotia quoque vsque ad annum Christi MCCXVI. Reliqui quidem Christiani omnes Nicaenum decretum obseruarunt, sed post tot secula a die constituto recesserunt. Emendatio propterea calendarii suscepta fuit superiori seculo a Gregorio XIII. in nostris ecclesiis, nisi forte paucis exceptis, non introducta. Imo hodie passim iterum laborant mathematici in vtroque calendario, vel emendando, vel tollendo & nouo plane eoque accuratiori substituendo.

- (4) Non iam repetimus ea, quae in hebdomade magna fuerunt peracta ad antecedentia huius festi referenda. Neque de vigiliis huius festi praecipue solennibus, quas lucernae, cerei ac faces diei aequales fecerant, quaedam monebimus, quae ex apparatu potius reperenda. De ipsa festi solennitate monebimus & notamus, quod GREGORIO NAZIANZENO (1) pascha sit festiuitatum festiuitas & celebritatum celebritas, tantum caeteris festis omnibus antecellens, quantum sol stellis antecellit. Magna omnino mentis exultatione hunc diem olim celebrarunt, & ad illam indicandam; I. Alleluia,

(1) oratione 4a.

leluia, quod per quadragesimae tempus intermissum fuit, publice iterarunt. Excedunt in gaudio paschali pontificiae ecclesiae concionatores, dum risum paschalem, *das Ostergetraebtur*, huic festiuitati addiderunt, inter concionandum ludicras fabulas quam plurimas ad recreandum auditorum animos & risum exitandum proferentes; II. gaudium illud paschale etiam ad captiuos, ob debita ciuilia aliaque minus atrocia crimina hoc die liberatos, deriuabatur; III. apud Graecos & Russos fit salutatio paschalis non tantum inter assumptionem sanctae eucharistiae, sed & in plateis in viis sibi inuicem occurrentes salutant se mutuo, altero dicente: *Christus resurrexit*; altero respondente: *revera resurrexit*. (1) Hoc ipsum fit (2) vsque ad assumptionem domini; IV. omnes in ecclesia matre eucharistiam hoc die accipiebant, praeter solos poenitentes. Ex matre ecclesia post pascha mittebantur consecrata symbola ad filias, quod tamen Laodiceci patres prohibuerunt; V. antiquitus in paschate solennem aliquam stipem pauperibus erogant in memoriam beneficii a Christo in nos hoc tempore collati; II. annum ecclesiasticum olim ex hac die fuisse inchoatum, supra iam monuimus mensis Ianuarii §. V. nota (b) In Romana ecclesia ad maio-

(1) vid. Allat. de dom. l. c. p. 1450. sq. (2) vid. Metroph. Critopulus in confess. eccles. orient. cap. 9.

maiolem solennitatis splendorem episcopis
 ut licebat pallio romano hoc ipso festo. Ple-
 rique etiam in eadem ecclesia ipso die pascha-
 tos carnes & oua deferre solent ad sacerdo-
 tes, ut benedicantur, ex quibus dein me-
 liorem portionem in remunerationem bene-
 dictionis capiebant. Huc etiam referri de-
 bent chrismales siue paschales denarii, *Oster-
 Groschen*, quos presbyteri pro chrismate, quod
 tempore paschali ab episcopis accipere solent,
 eidem soluere tenebantur. Haec tamen con-
 suetudo tanquam simoniaca a pontificibus ali-
 quoties damnata fuit. In Pontificia & Lu-
 therana quoque ecclesia antiqua obtinuit con-
 suetudo, qua templorum custodes oua pascha-
 lia petere solent, quae per constitutiones quo-
 que principum nostrorum illis adiudicata
 fuerunt. In quibusdam etiam locis moris
 est, ut pueri & puellae a susceptoribus suis
 oua petant hoc tempore. Cum vero mos
 ille in onus abierit, per constitutiones pu-
 blicas ille sublatus fuit. Euangelium legitur
 ex Marci capite XVI. versu 1-8. cuius il-
 lustratio peti poterit ex AMBROSIO, (1)
 AUGUSTINO, (2) CHRYSOSTOMO, (3)
 EPIPHANIO, (4) GREGORIO NAZI-
 ANZENO, (5) GREGORIO NYSSENO,
 (6) &c.

APRI.

-
- (1) Tom. V. serm. 54. sq. (2) Tom. X. homil. Lib. I.
 homil. 16. (3) l. c. serm. 36. sq. (4) Oper. Tom. II.
 pag. 276. (5) Tom. I. orat. 41. sq. (6) Tom. II. q.
 814. seqq.

§. I. Hebdomas quae hoc festum excipit, (a) olim habuit omnes dies feriatos, (b) qui tamen auctoritate publica ad duos duntaxat pascha sequentes restricti fuerunt, (c).

(a) Dicta haec olim fuit *Διαγενησιου* quia ex sanctissimo resurrectionis Christi triumpho omnia renouantur, instaurantur & in meliorem statum reducuntur. (1) Nec aliam ob causam hebdomas noua appellata fuit. Videatur ALLATIVS. (2) A latinis salutatur hebdomas in Albis ab albo vestitu, quo recens baptizati per hos octo dies vsque ad sabbatum incedebant. Erat autem candida illa vestis arcta, cingulo constricta, ac totum operiebat corpus. Pontifex romanus in vetusti illius ritus memoriam a paschate vsque ad proximam dominicam holoserico albo, quod vocatur alba paschalis, in cultu publico hodiernum induitur.

(b) In Graeca & Latina ecclesia testantur id conciliorum canones & Imperatorum constitutiones, ex more veteris ecclesiae christianae, caetera maiora festa (excepto penrecostali) per integros octo dies celebrantis; atque hinc toties octauarum fit mentio. Ex synagoga autem & hic mos in ecclesiam traductus videtur, cum Iudaei ex lege Moysis festa sua maiora per integrum septiduum religiose coluerint.

(c) Sub

(1) Vid. Allatius l. c. §. 23. p. 1455. sq. (2) l. c.

(c) Sub finem seculi XI. decretum fuisse putant, ut Paschatos hoc festum aequè ac pentecostes tribus tantum celebretur diebus. Quem ritum hodie status imperii in prouinciis suis obseruant, vt testantur ordinationes ecclesiasticae. In feria secunda Paschatos legitur euangelium ex Lucae capite XXIV. versu 13-35. ad cuius illustrationem spectant AUGUSTINVS, (1) GREGORIUS MAGNVS, (2) PETRVS CHRYSOLOGVS, (3) &c. In feria autem tertia paschatos legitur euangelium ex Lucae capite XXIV. versu 36-47. ad cuius illustrationem referendi sunt AUGUSTINVS, (4) BEDA, (5) &c.

§. II. Die septimo est dominica Quasimodogeniti, (a) pascha proxime excipiens, in qua legitur euangelium de Christi apparitione discipulis facta. (b)

(a) Ita latinis communiter appellatur ex loco Petri I. Epist. capite II. versu 2. *Deponite malitiam quasi modo geniti infantes*, quae verba erant loco introitus in ecclesia latina. Aliis dicitur *dominica post Albas*, vel *in Albis* videlicet depositis, quia pridie recens baptizati album deposuerunt vestitum. Augustino vocatur *octaua infantum*, item *clausula paschae*, aliis *clausum paschae*. Graecis olim diceba-

I

tur

(1) Tom. X. serm. 140. de temp. (2) Tom. III. homil. 23. in euangelia. (3) serm. 82. (4) Tom. X. serm. 144. de temp. (5) Tom. VII. homil. aeternal. de temp. p. 9. sqq.

tur NOVA DOMINICA, item *antipascha*, *dominica Thomae*, quia eo die legitur euangelium de Thoma Apostolo digitum suum in fixuram clauorum mandato Dei immittente. Apud hos quoque illud peculiare est notante ALLATIO, (1) quod hebdomas sequens accipiat nomen a praecedente dominica, cum alias a subsequenti denominari soleant. Ab Aethiopibus *dominica apostolorum* nominatur, sine dubio quia Christus apostolis apparuit.

- (b) In ecclesia pontificia agni consecrati ex cera post sacram lynaxin distribuebantur, & hodie pontifex tales, sabbatho in Albis, cardinalibus aliisque distribuit, imo & ad reges & principes mittere solet, vt pro cera accipiat aurum. In hac dominica legitur euangelium ex Ioannis capite XX. versu 19-31. ad cuius illustrationem faciunt AUGUSTINVS, (2) GREGORIUS MAGNVS, (3) GREGORIUS NAZIANZENSIS, (4) BERNHARDVS (5) &c.

§. III. Die decimo quarto est dominica misericordias (a) domini, in qua legitur euangelium de bono pastore.

- (a) Quae denominatio petitur ex introitu ecclesiae latinae, desumpto e Psalmo XXXIII. versu 5. *Misericordia domini plena est terra: vel ex Psalmo LXXXIX. versu 1. Misericordias domini cantabo in aeternum.* Backius, quando
in

(1) I. c. §. 24. p. m. 1458. (2) Tom. X. serm. 157. de temp. (3) Tom. III. homil. 26. in euangel. (4) Tom. I. orat. 12. sq. (5) Sermon. I. in octau. pasch.

in expositione euangelii ad hanc dominicam
misericordias domini Magdeburgensibus ex-
hibitas reperit, sequens posuit ereostichon:

MiseriCorDlaeboni&pIIpastorisIesV

Siquidem anno MDCXIII incendium fu-
nestissimum hac ipsa die in platea petrina il-
lius vrbs exortum, intra trium horarum spa-
cium, non modo CCXIII aedes misere
depopulabatur, sed & toti vrbi vehementissi-
me minabatur. Latinis haec dominica est
secunda post pascha; Graecis vero est tercia
a paschate, siue dominica sanctorum vnguen-
ta ferentium mulierum & Iosephi Iusti.
Neque hoc mirum esse debet, cum Graeci
etiam ipsam dominicam paschatis in annu-
meratione ponant; Latini vero a dominica
in albis dominicarum numerum sumant.
Euangelium in hac dominica explicatur ex
Ioannis capite X. versu 11-16. ad cuius illu-
strationem faciunt AVGVSTINVS, (1) CHRYS-
OSTOMVS, (2) PETRVS CHRYSOLOGVS,
(3) GREGORIVS MAGNVS. (4) &c.

§. IV. Die vigesimo primo est dominica
Iubilare, (a) in qua legitur Euangelium de
Christi modico & Apostolorum tristitia.

(a) Iterum desumpta est denominatio ex introitu
ecclesiae Latinae ex Psalmo LXVI. Iu-

I 2

Iubilare

(1) Tom. X. serm. 50. in hoc euangelium. (2) Tom.
VI. serm. in memor. martyr. (3) Serm. 40. (4) Tom.
III. homil. 14. in euangelium.

bilate Deo omnis terra &c. Scilicet propter Christi, resurrectionem & ascensionem. Latini est dominica tertia post pascha. Graecis vero est quarta ex ratione priori § data, dicitur etiam ab iisdem dominica paralytici. Feria quarta huius hebdomadis incipit apud ipsos solennitas mesopentecostes, siue media pentecostes & per octo dies celebratur. In hac dominica legitur euangelium ex Ioannis capite XVI. versu 16-23. ad cuius illustrationem pertinent BEDA, (1) alique.

§. V. Dies vigesimus quintus Marco, (a) in ordine Euangelistarum (b) secundo, sacer est.

(a) Et si nomen hoc sit Romanum, quod forte in itinere suscepit, Hebraeus tamen ipse putatur esse ex tribu Leui, teste HIERONYMO praefatione in Marcum. Multi quidem doctores eundem voluerunt ex numero LXX. discipulorum esse, sed PAPIAS, apud EUSEBIUM, (2) testatur quod Marcus Christum in diebus carnis nec audiuerit, nec securus fuerit. Probabilius hinc iudicant alii, eum fuisse a Petro conuersum, & in itineribus comitis & amanuensis imo interpretis loco habitum. Euangelium praedicauit in Italia & postea in Aegypti partibus variis, praecipue autem in Alexandria sedem suam habuit, vbi etiam circa paschatos festum gentili-

um

(1) Homil. in praes. euangel. Tom. VI. homil. aestiual. de temp. (2) Hist. eccl. Lib. III. cap. 39.

um furore sublarus fuit. Reliquiae illius Alexandriae repositae Venetias delatae fuerunt, ubi non duntaxat in illius memoriam templum extruxerunt splendidum, sed eundem quoque urbis ac reipublicae patronum elegerunt.

(b) Evangelium Romae scripsit ad desideria recens conuersorum christianorum ex concionibus Petri, a quo etiam illud approbatum, & ut in ecclesiis publice legeretur, mandatum nonnulli volunt. (1) Brevis quidem est in Christi recensendis factis, quasdam tamen historias & inter eas lapsum Petri distincte admodum descripsit. Exemplar manuscriptum huius euangelii originale graecum Venetiis asseruari dicitur, ubi etiam hodie, etsi vetustate fere detritum ostenditur. Videatur CORNELIVS a LAPIDE *praefatione in Marcum*. De ordine euangelistarum iam supra diximus ad diem xxvii. Decembris, diuersimode illos locari ab autoribus, vel ad ordinem Ezechielis, vel ad ordinem Apocalypseos. Praeterea in codicibus biblicis Marco interdum praeponitur Lucas, quod forte ideo factum fuit, quia non satis cognitum est vter alterum in scribendo anteuenterit. Tribuitur Marco loco insignis leo, quia, ut HIERONYMVS ad principia euangeliorum respiciens, in eo vox leonis rugientis in eremo auditur; parate viam domino, recte facite semitas eius, vide B. THOMASII

(1) vid. Euseb. H. E. L. 2. c. 16.

differtationem de insignibus quatuor euangelistarum.

§. VI. Die XXVIII. est dominica Cantate,
(a) in qua legitur euangelium de Christi
abitu ad patrem.

(a) Titulus hic desumptus est ex Psalmo VC.
versu 1. *Cantate domino canticum novum, quia
mirabilia fecit.* Latinis est dominica quarta
post pascha; Graecis est quinta, quae & Sa-
maritanae dicitur, a qua hebdomas subse-
quens nomen habet, etsi non nisi die domi-
nico & a feria quinta vsque ad aliam domi-
nicam officia sibi vendicet. Legitur hoc die
Euangelium ex Ioannis capite XVI. versu 5-15.
cuius illustrationi inseruiunt, AVOUSTI-
NVS, (1) BEDA (2) BERNHARDVS, (3)
&c.

MAVS

(1) Tom. X. serm. 60. de verb. domin. (2) Tom. VII.
homil. aestiual. Col. 18. sqq. (3) ex paruis & variis
sermonibus. serm. 21.

MAIVS.

§. I. Die primo in ecclesia celebratur festum Philippi (a) & Iacobi. (b)

(a) Qui, Bethsaida oriundus Andreae & Petri popularis, omnium primus in Apostolorum numerum receptus fuit, Ioan. capite I. versu 44. & Nathanaeli indicavit, quod Messiam inuenerit, Ioan. capite VI. versu 1. Traditur de eo, quod in Scythicis regionibus euangelii praeco fuerit & ad cognitionem veritatis plurimos conuerterit doctrina sua. Tandem vero Hierapoli post confutatam falsam Ebionitarum doctrinam, vel valde senex obiit, vel, post serpentem ab incolis diuino cultu honoratum precibus sublatum, magistratus iussu, vel suspensus, vel crucifixus & a Bartholomaeo sepultus fuit. (1) Non autem confundendus est hic Philippus Apostolus cum Philippo diacono, utpote qui officiis inter se differunt, &, licet uterque vxoratus fuerit, Apostolus tamen duas duntaxat aut tres habuisse dicitur filias, diaconus vero quatuor. Genuinum scriptum ab illo non habemus, cum non omnibus apostolis tantum temporis datum fuerit. A Gnosticis tamen legimus apud EPIPHANIVM, (2) ei tributum fuisse euangelium; & Timotheus presbyter inter XIII. Mari-

(1) vid. Baron. in martyrolog. ad hunc diem. (2) haer. ref. p. 46.

chaecorum libros refert Philippi euangelium. (1)

(6) Quem & paruum siue minorem vocant, & iustum ob existimationem omnium de ipso sanctitate & virtute. Frater quoque domini is appellatur, quia Iosephi ex vxore prima filius putatur. De actis illius tum antea, tum post apostolatam susceptum euangelica historia ante Christi resurrectionem taceat. Paulus I. Cor. capite XV. versu 7. refert, Christum a mortuis resuscitatum illi apparuisse. Hunc omnium primum episcopum ab apostolis ob Christi cognationem constitutum fuisse in terris traditur, qui praesideret in ecclesia Christi Hierosolymis, quam gubernasse HIERONYMVS scripsit annis xxx. & ex hoc capite etiam a Paulo ad Galatas capite I. versu 19. capite II. versu 9. & Petro Actorum capite XII. versu 17. aestumatus ac in concilio Hierosolymitano Actorum capite V. versu 13. praeses etiam fuit praesente Petro. De eius cathedra episcopali adhuc superstite, tempore Constantini Magni scribit EVSEBIVS, (2) & de lamina aurea, quam vt sacerdos gestare consuevit, HEGESIPPVS agit apud EVSEBIVM. (3) Tandem cum multi eius concionibus ad fidem Christi conuerterentur,

(1) Conf. Camerarium l. c. in vita Philippi pag. 127. sqq. Wilhelmum Caue in antiquitat. apostolicis p. m. 538. sqq. dominum Ittigium l. c. de pseudepigraphis cap. IV. §. II. sq. p. 123. sq. (2) In H. E. Lib. VII. c. 14. (3) l. c. Lib. II. c. 22.

tur, a scribis & Phariseis in templi pinnaculum constitutus; Christum saluatorem mundi esse, negare iussus fuit; ille vero eundem constanti pectore & alta voce professus fuit; quapropter de pinnaculo praecipitatus, lapidibus necare cum subito non possent, quidam fullonis fustem in caput eius impegit, ex quo mortuus est. Non tantum christiani, sed & hostes Iudaei agnouerunt necem huius viri fuisse inter alia causam, quae Deum impelleret ad Hierosolyman citius subuertendam, vide verba IOSEPHI dolentis apud EUSEBIUM. (1) Exstat epistola canonica Iacobi, quae inter eas, quae Apostolicae epistolae vocantur, prima collocata legitur. Est illa plena optimis praeceptis vitae sanctae & honestae, professionemque fidei christianae imprimis docentis. Tribuitur illi etiam proteuangelium, siue de natalibus Christi, & ipsius matris virginis Mariae sermo historicus. Scriptum hoc, etsi in multis concordet cum historia euangelistarum, nihilominus ab omnibus pro apocrypho fuit habitum, vid. D. ITTIGIVS. (2) Euangelium in hoc festo legitur ex Ioannis capite XIV. versu 1-14. cuius illustrationi inseruit, AUGUSTINVS, (3)

§. II. Dei quinto est dominica Rogationum,
(a) in qua legitur euangelium de arte orandi.

I 5.

(a) Inde

(1) in H. E. Lib. II. c. 23. conf. Camerar. l. c. in vita Iacobi p. 145. sqq. (2) l. c. de pseudepigraphis c. IV. p. 118. seqq. (3) Serm. in hoc euang. Tom. X. serm. 98.

(4) Inde peti debet denominatio, quia in euangelio huius dominicae natura & qualitas deuotae orationis describitur. Dicitur etiam haec hebdomas *die Kreuz-Woche*, oder *die beth-Woche*, idque ob processiones rogationum, quae hac septimana pontificiis valde frequentes sunt & solennes. Mammertus episcopus Viennensis in Gallia primus instituisse dicitur anno CCCCLXVI. litanias siue rogationes cum triduo ieiunio ante festum ascensionis domini, quibus supplicat ecclesia Deo, ut a morte subita & ab omni infirmitate defendatur. (1) Inductus ad hoc institutum erat ex vastis per Galliam terrae moribus, visisque spectris, lupis & vrsis, qui portas urbium ingressi & per plateas vagantes homines terrebant. Appellant quoque hanc dominicam vocem iucunditatis, cum precatio christianitatis sit vere vox iucunditatis in auribus diuinitatis. Latinis est dominica quinta post pascha; Graecis sexta, item dominica coeci nati. Legitur euangelium ex Ioannis capite XVI versu 23-30, cuius illustratio peti poterit ex AVGVSTINO, (2) CHRYSOSTOMO, (3) MAXIMO, (4) P. CHRYSOLOGO, (5) aliisque.

§. III.

-
- (1) vid. Dresserus de fest. p. 86. (2) Tom. X. serm. 5. de verb. domin. secund. Matth. & serm. 28. sq. de verb. domin. secund. Luc. (3) homil. 67. ad popul. Antioch. (4) p. 133. sqq. (5) serm. 39.

§ III. Die nono est festum ascensionis (a), domini, quod tum demum peculiare fuit, ex quo quinquagesima (b) cessauit.

(a) Graeci diem hunc vocarunt ἀναλήψιμον assumptionem vid. SOCRATES, (1) propterea quod in Marco extat ἀνελήφθη assumptus est in coelum. Ante Augustini aeuum speicalis mentio huius festi vix datur. Apud Chrysostomum exstant aliquot homiliae in ascensionem domini nostri. Apud Cappadoces ascensio dicitur ὁπισθοζουμένη. Sollemnis eius feriatio mandata est, non solum a Manuele Comneno orientis Imperatore in constitutione eius, quae extat post Nouellas Iustiniani; sed & Iure Canonico & constitutionibus Imperii.

(b) Omne illud tempus pascha inter & pentecosten quinquagesimae nomine olim venit, & cum addito quidem paschalis, ad differentiationem quinquagesimae illius, quae ante quadragesimam est, Graecis dictum fuit illud interuallum Γαλιλαја, (2) ob eam rationem, quia in Galilaea saluator noster omne illud tempus exegit. Omnes hos quinquaginta dies olim laetos festosque agebant christiani quotidie publica frequentantes sacra, teste TERTULLIANO, (3) & AMBROSIO, (4) relato in canonem octauum distinctionis 76. qui scribit: *Sic enim disponit Dominus,*

ut

(1) H. E. Lib. VII. c. 16. (2) vid. Suicerus l. c. Tom. I. p. 723. (3) de Idololatria cap. 14. (4) in serm. 61.

ut sicut eius passione quadragesimae ieiuniis contristamur, ita eius resurrectione in quinquagesimae feriis laetamur. Non tamen dies illi in otio fuere transacti, cum id absque egenorum damno & christianae religionis prodicione fieri non potuerit. Nullum plane ieiunium, per hoc tempus in prisca ecclesia fuit, quemadmodum etiam in sacris publicis non nistantes orauerunt, & a consueta genuflexione abstinerunt. Euangelium legitur ex Marci capite XVI. versu 14-20. ad cuius explicationem referri possunt AMBROSIVS, (1) ATHANASIVS (2) AVGVSTINVS (3) CHRYSOSTOMVS, (4) P. CHRYSOLOGVS (5) &c.

§. IV. Die duodecimo est dominica Exaudi, (a) in qua legitur euangelium de spiritus sancti aduentu & piorum tribulatione.

(a) Titulus huius dominicae iterum desumitur ex introitu ecclesiae latinae: *Exaudi Domine vocem meam quia clamavi ad te.* Fieri id ex eo iudicat DVRANDVS, quia ablato a se sponso magis deuota ecclesia est. Latinis est dominica infra octauam ascensionis. Graecis est septima a paschate, & alias etiam salutatur dominica trecentorum decem & octo Desiderorum patrum

(1) Serm. in hoc. euangel. Tom. V. serm. 58. (2) Tom. II. orat. I. (3) Serm. 1-9. in fest. ascens. dom. Tom. X. p. 213. seqq. (4) Tom. de diuers. N. T. loc. serm. 99. & Tom. VI. serm. 1. in ascens. dom. (5) Serm. 83.

patrum, qui in synodo Nicaena fuerunt. Evangelium legitur ex Ioannis capite X VI, versu 23-30. ad quod illustrandum symbolum suum contulerunt BEDA, (1) alique.

§. V. Die decimo nono est festum Pentecostes, (a) in quo olim variae solennitates (b) fuerunt observatae.

(a) Graece Πεντηκοστή, scilicet *ἡνίκα*, id est quinquagesimus dies. Germanice dicitur *Pfingsten*, quasi *der funffzigste Tag nach Ostern*, ut nonnulli explicant. Hinc BASILIUS MAGNUS (2) ad illum numerum quoque alludit: *Omnis, inquit, Pentecoste est resurrectionis, quam in seculo illo expectamus, admonitio. Unus enim ille & primus dies septies septuplicatus septem sacrae Pentecostes hebdomades efficit. A primo enim incipiens in eundem desinit per similes, qui in medio revoluuntur quinquagesies. Quare & aenum similitudine imitatur, tanquam in motu circulari ab iisdem signis incipiens & in eadem desinens. Celebratur hoc festum, & in synagoga, & in ecclesia, sed alio fine atque alia utrobique celebrandi ratione. Iudaei sacrum habent hunc diem in memoriam legis in monte Sinai traditae. Christiani vero in memoriam Spiritus Sancti a Christo missi; illi offerre tenebantur panes de novo frumento; hi Deum laudant & Spiritus Sancti dona in nos collata. Antiquam esse hu-*

ius

(1) Tom. VII. homil. aeternal. de temp. p. 32, sqq. (2) de Spirit. S. cap. 27.

ius festi celebrationem ex historia ecclesiastica constare potest. In concilio enim Eliberino, quod Nicaeno fere coaeuum est, canone XLIII. statuitur: *Pravam institutionem emendare placuit iuxta auctoritatem scripturas, ut cuncti diem pentecostes celebremus, quod, qui non fecerit, quasi nouam heresin induxisse noetur.* Si canon hic ad institutionem huius festi respicit, non videtur illa tam clare probari posse ex scriptura. Si vero normam celebrationis ex illo die, quo Spiritus Sanctus apostolis missus, aestumare vult, melius forte ille procedet. Imperatores VALENTINIANVS, THEODOSIVS & ARCADIVS in codice nullam huius festi mentionem fecerunt, cum tamen dies pentecostales iam religiosi fuerint habiti. Id quod Godofredus ideo factum fuisse putat, quia tunc illi dies nondum exempti fuerunt diebus iuridicis, licet postea hi dies in festorum catalogum sint relati. Non tamen tanta olim solennitas huius festi ac paschalis & natalis domini; vtpote quae festa per integros octo dies fuere sacra; Pentecostes vero festum caruit octaua & ab initio vnico die celebratum fuit, dein omnia illa per tres integros dies sollemniter agitari coeperunt, quod etiam hodie per constitutiones ecclesiasticas principum fieri solet.

(b) Quanta olim huius festi solennitas fuerit, vel ex eo colligi poterit, quod primo ex concilio

cilii Agathensis can. LXIII. (1) nulli ciuium
 licuerit illud celebrare in villa, nisi quam in-
 firmitas tenuisse probauerit. Secundo quod
 his diebus commemoratio apostolicae passio-
 nis fuerit celebrata, & propterea ab Impera-
 toribus spectacula prohibita scimus; tertio &
 in his diebus fideles orabant stantes, & ge-
 nua non flectebant secundum concilii Nicaeni
 decretum; quarto baptismus neophytorum
 olim hoc tempore suscipiebatur, tum ad hoc,
 ut post pascha nati, vel necessitate impe-
 diti, baptizarentur; tum quod Petrus hoc die
 tria millia hominum baptizauit; tum quia ba-
 ptismi regeneratio propria est Spiritus Sancti
 operatio, ut DVRANDVS scribit; quinto
 hoc in festo omnes olim communicare tene-
 bantur. Sexto etiam ordines maiores, ut sunt
 episcopatus, archidiaconatus, archipresbyteratus
 &c. hoc festo conferebantur. Legitur in
 hoc festo euangelium desumptum ex Ioannis
 capite XIV. versu 23-31. ad cuius explicationem
 pertinent AMBROSIVS, (2) AVGVSTINVS,
 (3) CHRYSOSTOMVS, (4) GREGORIUS
 MAGNVS, (5) GREGORIUS NAZIAN-
 ZENVS, (6) MAXIMVS. (7)

§. VI.

- (1) Conf. Wilduogel. disput. de eo quod iustum circa
 festum pentecostes. (2) Tom. V. serm. 59. sq. (3)
 Serm. 6. in hoc euang. Tom. X. serm. 57. de verb. do-
 min secund. Ioan. serm. 57. sq. & serm. I. pentecost.
 sq. (4) l. c. serm. 39. (5) Tom. III. homil. 30. (6)
 Tom. I. orat. 44. (7) homil. 1. in solennit. pentecost.

§. VII. Die XXII. est ieiunium quatuor temporum aestium, (a) feriae quartae (b) in hebdomade pentecostes semper alligatum.

(a) Ita appellatur canone VI. distinctione 76. Rationem huius ieiunii tempore hoc instituti reddit Leo Pontifex canone V. distinctione 76. *Ignitur, inquit, post sanctae laetitiae dies, quos in honorem domini a mortuis resurgentis, ac deinde in coelo ascendentis exegimus, postque Spiritus Sancti donum, salubriter & necessario consuetudo est ordinata ieiunii, ut si quid forte inter ipsa festivitatum gaudia negligens libertas & licentia inordinata praesumpsit, hoc religiosae abstinentiae censura castiget.* In concilio quoque Moguntinensi primo statutum fuit, ut hoc ieiunium absque genuum flexione cum Hal-leluia & Gloria in excelsis Deo & ritibus solennibus fiat, vide canonem II. citata distinctione, ob quod ipsum pontificiis hoc ieiunium pentecostale laetitiae & exultationis vocatur, quod tamen ieiunii cum natura convenire non videtur.

(b) In qua olim etiam annua synodus episcoporum celebrata fuit, ut pietatis inter se dogmata in disquisitionem vocarent, & in ecclesiis incidentes contradictiones dirimerent, ut videre est ex canone apostolorum 27. quem Iustinianus etiam ab initio secutus fuerat in novella 123. c. 10. postea autem in novella 137. c. 4. morem hunc mutavit: *Sancti Apostoli,*

foli, inquit & patres definierunt, bis in vnoquoque anno fieri debere synodos sanctissimorum sacerdotum in vnaquaque prouincia, & emergentes causas excuti, & competentem accipere correctionem; hoc est vnam quidem in quarta feria septimanae sanctae pentecostes, alteram vero Octobris mense. Nos autem inuenientes quod ex huiusmodi negligentia multi diuersis peccatis implicati sunt, inuenimus omnibus modis, vnam synodum fieri singulis prouinciis, mense vel Iunio, vel Septembri. &c.

§. VII. Die XXVI. est festum S. S. & adorandae Trinitatis, (a) in quo legitur (b) euangelium de colloquio Christi cum Nicodemo.

(a) Ex quo festum Pentecostes inter solennia festa relatum fuit, hic dies nomine octauae pentecostes sacer fuit, postea etiam S. S. Trinitati consecrandus. Cur hoc festum institutum fuerit, DVRANDVS (I) ad hoc festum sequentes adducit rationes I. Postquam celebrata est festiuitas Patris in natiuitate, & celebratum est festum Filii in paschate & Spiritus Sancti in missione ipsius, merito in octaua pentecostes fit festum eorum simul, festum scilicet Trinitatis, vt ostendatur, quod tres personae sint vnus Deus. II. Quia ad inuocationem S. S. Trinitatis datus in baptismo Spiritus Sanctus. III. Vt ostendat

K

-dat

dat ecclesia filiis suis illum, a quo sunt omnia bona, cuius habet imaginem, & cuius debet habere similitudinem, videlicet Dei & sanctae Trinitatis, quam semper laudare debemus. Quis vero primus hoc festum sanctae Trinitati consecrauerit, non constat. Gregorio quarto circa annum Christi DCCCXXXIV institutionem tribuit DVRANDVS ad festum omnium sanctorum, utpote qui praecepit, ut dies festi celebrarentur, non solum in honorem apostolorum & martyrum, sed etiam Trinitatis & angelorum. Dubitatur vero an huius festi origo tam antiqua sit, cum per prima octo secula expresse huius festi mentio non inueniatur, & hinc etiam euangelium huius festi non de Trinitatis sed regenerationis mysterio agit, forte propter informandos, neophytos, qui festo pentecostes baptizati fuerunt. DALLAEVS (1) post annum MLXXXV institutum illud scribit, non ad memoriam extincti Arianismi, sed ad mysterii honorem. In ecclesia Graeca hac dominica celebratur festum omnium sanctorum, videatur
• ALLATIVS. (2)

(b) In ecclesia Graeca post pentecosten sequuntur hebdomades & dominicae, quae Matthaei, quod in illis euangelium Matthaei per sectiones inter officia legatur, dicuntur, & hinc erit prima Matthaei. Apud Latinos est prima post pentecosten & lectiones etiam vari-

(1) de obiecto religiosi cultus l. 2. c. 17. p. 278. seqq. (2) de dominicis §. 31. p. 1463.

variant. In quibusdam ecclesiis legitur institutio baptismi Matth. XXVIII. In nostra autem ecclesia legitur euangelium ex Ioannis capite III. versu 1-15. Ad praesens autem festum spectant ea, quae occurrunt apud AUGUSTINUM, (1) CHRYSOSTOMUM, (2) BERNHARDUM (3) & alios.

§. VIII. Die XXX. apud pontificios celebratur festum corporis Christi (a) ea pompa & laetitia, qua fieri potest maxima.

(a) Fateri debent ipsi pontificii hoc festum non habere testimonium vel scripturae, vel traditionis apostolicae, vel verae antiquitatis in primitiua ecclesia, hoc ipso, dum patres Tridentini dicunt, hunc morem inductum esse in ecclesiam Dei. Urbanus IV. circa annum Christi MCCCLX festum hoc primus instituit, & quidem si Perronio credimus, post extinctam Berengarianam haeresin, & receptam in Lateranensi sub Innocentio III. vniuersalissimo concilio ab omnibus totius orbis christianis transubstantiationem. Sed Perronii haec asserta bullae Urbani, in qua illa silentio premuntur, & longe alia proferruntur, plane aduersa sunt. Ipse enim Urbanus post varias sui instituti rationes adductas scribit: *Intelleximus autem olim dam*

K 2

in

(1) Serm. de S. S. trinit. Tom. X. serm. I. de verb. apost. & tom. X. serm. de temp. 189. sqq. (2) Tom. VI. p. 189. sqq. (3) Ex paru. & variis sermonib. serm. I. & 15.

in minori esset officio constituti, quod fuerat
 quibusdam catholicis diuinitus reuelatum, fe-
 stum huiusmodi generaliter in ecclesia celebran-
 dum. Respicit autem Pontifex reuelationes
 ventilatas a Iuliana Isabella & Eua Leodi-
 censibus mulierculis. Illa coelesti visu moni-
 ta dicebatur, ecclesiam, quae hoc festo caret,
 insigni defectu laborare, lunaeque esse in-
 star splendentis quidem, sed tamen fractae,
 ista diuinitus volebat esse edocta, hanc fe-
 stiuitatem ad confirmandam ecclesiae nu-
 titantis fidem periclitanti mundo patefieri
 debere. Huius monito canonici S. Martini
 solennitatem hanc nouam primi celebra-
 dam susceperunt. (1) Constitutio tamen
 illa Urbani non fuit accepta ab omnibus, sed
 post annos quinquaginta Clemens V. anno
 MCCCXI. in Viennensi concilio constitutio-
 nem illam praecepit ab omnibus seruari. In
 nostra ecclesia festum hoc abrogatum fuit ob
 sequentes rationes. Quia I. confirmat mu-
 tilationem eucharistiae; II. sacramentum ex
 usu diuinitus instituto transfert in aliam
 actionem & diuersum usum, qui non ha-
 bet testimonium verbi Dei; III. volunt
 Christum ibi adorandum esse, cum tamen
 nullum extet verbum, quod Christus in ta-
 li usu extra coenam adesse velit; IV. prae-
 textus de memoria Christi celebranda est
 persuasio pugnans contra institutionem; V.
 abducuntur homines a crebriori & vero coe-
 nae

(1) *vid. Dahl. de obi. relig. cult. lib. II. cap. 17. p. 286. seq.*

nae dominicae usu, cum persuadentur cultum huius festi sine periculo, multo magis esse meritorium; VI. quae Christo tribuuntur, quod ipse nobis beneficia & merita mortis suae per eucharistiam applicet, illa adiudicantur huic festo, quod seruari vult Urbanus in remissionem peccantium; VII. pontifices largas indulgentias promittunt illis, qui hoc festo solennem reuerentiam exhibent pani eucharistiae, exempli gratia tum spectatori, tum communicanti, illo die permittuntur indulgentiae cccc. dierum. Videatur CHEMNITIVS. (I)

IVNIVS.

§. I. Die secunda est dominica prima
(a) post festum trinitatis, in qua legitur
euangelium de damnato epulone & saluato
mendicante Lazaro.

(a) In ecclesia Latina est dominica secunda post
pentecosten & in ea legitur euangelium de
coena magna. In ecclesia Graeca haec domi-
nica est secunda Matthaei, ob rationem supra
ad festum Trinitatis datam. Euangelium est
desumptum ex Lucae capite XVI. versu 19-31.
ad cuius explicationem referri possunt AV-
GVSTINVS, (1) GREGORIUS MAGNVS,
(2) BEDA. (3)

§. II. Die nono est dominica secunda
(a) post trinitatis festum, in qua legitur
euangelium de coena magna.

(a) In ecclesia latina est dominica tertia post
pentecosten, & in ea legitur euangelium de
oue & drachma perditā. In ecclesia Grae-
ca haec dominica est tertia Matthaei. Euan-
gelium legitur ex Lucae capite XIV. versu
16-24. ad quod illustrandum faciunt AV-
GVSTINVS, (4) GREGORIUS MAGNVS,
(5) BEDA. (6) &c.

§. III.

-
- (1) Tom. X. serm. 33. de verb. domin. secund. Luc. (2)
Tom. III. homil. 36. in euangel. (3) Tom. VII. homil.
aestiu. de temp. p. 47. sqq. (4) Tom. X. serm. 33.
in verb. domin. secund. Luc. (5) Tom. III. homil.
aestiu. de temp. pag. 47. sqq.

§. III. Die decimo sexto est dominica tertia (a) post Trinitatis festum, in qua legitur de oue & drachma perdita. (b)

(a) In ecclesia Latina est dominica quinta post pentecosten, & in ea legitur in locis quibusdam euangelium de operibus charitatis, in aliis vero de piscatura Petri. In ecclesia Graeca haec dominica est IV. Matthae, in qua legitur de centurione.

(b) Obseruant nonnulli, quod a festo pentecostes ad hanc vsque dominicam ecclesia innuere videatur misericordia domini plenam esse terram. Misericordiae enim diuinae est, quod S. S. Trinitas mansionem facit apud nos Ioan. XIV. in feria I. pentecostes. Misericordiae diuinae est, quod Deus vnigenitum filium suum misit in mundum &c. Ioh III. in feria II. Pentecostes. Misericordiae diuinae est, quod coelestis ille ianitor Spiritus Sanctus aditum ad verum illud ecclesiae ouile nobis patefecit Ioan. X. in feria III. pentecostes: Misericordiae diuinae est, quod omnes pii Lazari ex hac lachrymarum valle in Abrahae sinum ab angelis portantur, Luc. XVI in dominica prima post Trinitatis. Misericordiae diuinae est, quod ad coenam magnam nos miseri peccatores tam serio inuitamur, Luc. XVI. dominica secunda post Trinitatis. Misericordiae diuinae est, quod Deus perditam ouem drachmam & filium tam anxie quaerit & suscepit Luc. XV.

&c. Ex quo capite eiusque versibus 1-10. desumptum est euangelium, ad cuius explicationem faciunt GREGORIUS MAGNUS, (1) PETRUS CHRYSOLOGUS, (2) BEDA. (3)

§. IV. Die vigesimo tertio est dominica quarta (a) post Trinitatis, in qua legitur euangelium de operibus charitatis.

(a) In ecclesia latina est dominica quinta post pentecosten, & in ea legitur euangelium de iustitia pharisaica. In ecclesia Graeca haec dominica quinta Matthaei est, & in illa legitur de duobus obsessis. Euangelium in nostra ecclesia explicatur ex Lucae capite VI. versu 36-42.

§. V. Die vigesimo quarto Ioannis Baptistae (a) festum, vel seculo quinto, vel sexto in ecclesia iam obtinuisse (b) nonnulli volunt.

(a) Patre Zacharia & matre Elisabetha natus forte in Iunio secundum quorundam calculum, (4) ita ut mensis conceptionis Septembris fuerit. Nazaraeus erat; non votivus, sed natiuus, non temporarius, sed perpetuus: abstinuit enim a vino, nouacula, a cadaveris & funeris contactu, aliisque. In eremis,

(1) Tom. III. homil. 34. in euangel. (2) Serm. 168. sq.

(3) Tom. VII. homil. aeternal. de temp. p. 49. sq. (4)

vid. Caue antiq. apostol. p. 126. sqq.

mis degit, id est vitam ruri degit, non in vrbe, agrestiore educationem ruri subiit, non academicam, aut aulicam Hierosolymis, ita vt frustra pontificii eremitam faciant, quales inter ipsos dantur, videatur CASAVBONVS, (1) LIGHTFOOT. (2) Vestitus eius non erat mollis, neque etiam cruda & impexa cameli pellis, sed ex panno qui ex camelinis pilis contextus erat; videatur CASAVBONVS. (3) Cibus qualis illius fuerit, varie exponitur. Ebionaei Ioannis ἀνείδας in ἐγνείδας mutarunt, nimirum in dulciaria. ISIDORVS PELVSIOTA intelligit summitates extremas herbarum, foliorum & arborum. THEOPHYLACTVS de quibusdam refert, qui dixerunt fuisse herbas quas melagrian dicunt. Alludunt autem ad mel μέλι ἀγρίον & ita ex horum sententia idem forent locustae & mel, quod euangelistis contrariatur. CHRISTIANVS DRUTHMARVS putat, fuisse vel auiculas paruulas cum rubris tibiis, vel pisces marinos. Centuriatores illos in squillas & caneros maiores mutauit. Alii teste THEOPHYLACTO statuerunt fuisse poma syluestria. His sententiis praeferenda ista videtur, quae locustas proprie sic dictas intelligit. Dictae autem illae fuerunt ἀνείδας quia summitates herbarum atque plantarum comedunt & perdunt. Propterea autem haec sententia eligitur, quia primo ab ordinaria

K 5

naria

(1) Exercit. XIII. §. 8. p. 221. (2) in Luc. cap. L. v. 727.

(3) l. c. p. 219.

naria vocum significatione non recedendum est. *Secundo* quia certum locustarum genus per legem diuinam concessum. (1) Hinc Talmudici multis disputant, quibus notis dignoscantur mundaе locustae ab im-mundis. *Tertio* quia locustarum vsu & esu variae nationes victitarunt. (2) De melle similiter variant autores, alii enim cum Beda putant fuisse folia arborum lata & rotunda, lactei coloris & melliti saporis, quae per naturam fragilia confricari & edi potuerunt. Alii intellectum voluerunt humorem ex cannis sacchariferis. SVIDAS autumat, fuisse rorem coelestem, quem manna dicunt, & DRVTHMARVS idem cum manna Israelitarum facit, quae tamen omnia historiae & veritati sacrae minus conuenire videntur. Potius fuisse putatur mel agreste in herbis, fruticibus, arboribus, latebris terrae sparsum & ab apibus syluestribus collectum. Inter praecipuas officii partes fuit, quod *primo* Messiam digito monstrare & dicere potuerit: *hic est*; *secundo*, quod legationem pharisaicam modestissime remiserit; *tertio* Herodis adulterium aequissime reprehenderit. Mortem illi haec reprehensio attraxit. HIERONYMVS saepe ostendit, sua aetate corpus Ioannis Baptistae situm fuisse Samariae, siue Sebastae, a quo autem illud translatum fuerit

(1) Levit. cap. XI. 22. (2) vid. B. Stollbergii disp. de amictu & victu Ioannis & Casaubon. L. c. 5. VII. pag. 219. sq.

erit, ipse non scribit. (1) THEODORETUS refert, sepulchrum Ioannis, quod Sebastae erat Iuliani aeuo a paganis apertum, ossa exusta & cineres in aerem sparsos fuisse. EVSEBIUS addit, superuenisse quosdam Hierosolymitanos, qui clam inde aliquid surriperunt & Alexandriam sustulerunt, quod postea Athanasius muro inclusisse dicitur. SOZOMENUS scribit, caput Ioannis prodigiöse inuentum a Theodosio imperatore Constantinopolin fuisse delatum. Reliquiae eius diuersis in locis saepe eadem apud pontificios ostenduntur.

- (b) Quod partim ex MAXIMI TYRONENSIS homilia hoc die habita; partim ex concilio Agathensi patet, quod pro restitutione disciplinae ecclesiasticae anno DVI. celebratum fuit, & Ioannis festum inter maximas festiuitates connumerauit. Dolendum vero, quod in multis locis festi huius superstitiosa magis, quam religiosa obtineat solennitas. Hinc ignis Ioanneus, hinc alia, inter quae etiam relata volumus domicilium, in quo Ioannis nomen est, fulmine non tangi. Item euangelio huius festi explorari posse fures. Euangelium in hac festiuitate legitur ex Lucae capite I. versu 57-80. ad cuius illustrationem faciunt AMBROSIVS, (2) AVGVSTINVS, (3) CHRYSOSTOMVS, (4) PETRVS CHRYSOLOGVS.
- (5) §. VI.

(1) vid. Casaubon. exercit. XV. §. 2. p. 303. (2) Tom. V. serm. 7. 8. 9. de sanct. (3) Tom. X. serm. 20-23. de sanct. (4) Tom. VI. serm. 36. 55. sq. (5) Sermon. 26-32.

§. VI. Die vigesimo nono festiuitates Petri (a) & Pauli, (b) quasi eodem die martyrium subierint, coniunguntur.

(a) Qui ante Simon dictus a Christo cognomen habuit *Cephae*, quod infert significacionem rupis, quae Graecis est *πέτρος* & *πέτρος*. Hic accersente Iesu per aquas ad ipsum accessit. Idem est adhibitus spectator & testis mutatae formae Iesu in monte Thabore & vocis diuinae. Idem stateram de ore piscis eximere iussus. Hic prae caeteris apostolis omnibus respondens eximia oratione professus est: *Iesum esse Christum filium Dei aeterni*. Sed idem ille tantus vir, & obiurgatur increpando a Christo vehementer, & praedicatur ei defectio se negando. Euenit etiam id, quod praedixerat Christus, ut negando ter Petrus a se descisceret, & respectu tamen benigno Christi ad se ob factum illud acerbissimo dolore afficeretur. Conuersus ad bonam mentem & constantiam, & fuit a Christo singulari amore comprehensus, & post familiares sermones mandatum peculiare accepit pascendarum christianarum ouium, demonstratumque, quo genere mortis celebraturus esset gloriose nomen domini. Post Christi ascensionem, quas habuerit conciones, & quae ab eo facta fuerint, apostolica Lucae historia exponit. Fuisse Petrum vxoratum testatur epist. I. Cor. IX, 5. & eundem a CLEMENTE ALEXANDRINO annu-

numeratum scimus illis, qui uxorem liberosque habuerunt. Curriculum suum habuisse in Ponto, Galatia, Cappadocia, Asia & Bithynia, ipse indicare quodammodo videtur compellatione epistolae suae. An Romam venerit, autores in vtramque partem ventilare solent. Ante aliquot annos FRIDERICVS SPANHEMIVS dissertationem de temere credita Petri in urbem Romanam profectioe edidit. In ea negatur Petrum Romae fuisse, I. ex silentio Lucae; II. a silentio Pauli in sua ad Romanos epistola; III. a circumstantiis aliis epistolae ad Romanos, quas inter etiam est illa, quod Petrus inter operarios non fuerit relatus, neque tempus concordare poterit; IV. ex circumstantiis in epistola ad Galatas, ex qua constat, Petro commissum fuisse apostolatum circumcissionis, quem neglexisset, si Romam contendisset, vbi tunc plerique fuere Graeci & gentiles; V. ex absentia Petri cum Paulus Roma diuersas epistolas daret; VI. ex epistola Clementis Romani ad Corinthios, in qua nulla mentio profectiois Petrinae Romam; VII. a silentio Romanae historiae scriptorum; VIII. ab inductione, cum Petrus nec sub Tiberio nec sub Caio Romae fuit, neque sub Claudio. His rationibus subiicit examen primorum testium, & totius traditionis sequentes adducit occasiones I. ex loco Petri in I. Ep. V. versu 13. male intellecto; II. ex traditione de Simone Mago;

III. ex episcopatu Petri Romano. **WILHELMVS CAVE** (1) Petri Romam profectionem contra Spanhemium vindicat; I adducendo testimonia veterum idem asserentium, **Papiae, Irenaei, Dionysii Corinthiaci, Clementis Alexandrini, Tertulliani, Caji, Origenis;** **II.** reiiciendo rationes Spanhemii a silentio paucorum autorum desumptas, quibus opponi possint tot testimonia alia factum affirmantium, & simul vindicando autores veteres ab exceptionibus Spanhemianis; **III.** ostendendo eruditos saepe ex zelo & pro bona causa non adhibere media legitima; **IV.** admonendo ne dubitationes non necessariae, circa rem tot testimoniis firmatam successu temporis omnem historiae veritatem tollant. Fuit praeterea ante haec tempora Antiochiae, vbi ecclesiam fundasse eique primus episcopus praesedissee dicitur **EUSEBIO.** (2) Tandem Romae a Nerone ad mortem condemnatus, cruci fuit affixus inuerso ad terram capite, & postea prope viam triumphalem sepultus, & denique in Vaticanum delatus iudicatur. Scripta illius sunt duae epistolae canonicis annumeratae libris. Prima ex illis quo tempore scripta sit, satis certum non est; quemadmodum de loco, qui Babylon esse dicitur, eruditi quoque conuenire non possunt. Summa

ma

(1) in antiquitatibus apostolicis pecul. capite p. m. 326. seqq. (2) in Chron. ad ann. Chri. 43.

ma huius epistolae est ad fidem & vitam sanctam pios omnes & singulos oportere adspirare. Secunda olim ab ecclesia praecipue Syriaca non recipiebatur & hodiernum priuatim duntaxat legitur; sed in reliquis ecclesiis de ea non dubitatur. Summa huius epistolae, quam morti vicinus scripsit, est, monere & munire pios aduersus omnis generis hostes ecclesiae atque impostores. Plura vero alia scripta Petro fuere olim supposita; I. Euangelium eius nomine scriptum teste ORIGENE, (1) & HIERONYMO, (2) sed inter apocrypha iam illud fuisse relatum, scribit EVSEBIUS, (3) ITTIGIUS, (4) II. Acta apostolica, quae etiam nullam habuere auctoritatem, videatur EVSEBIUS. (5) III. Epistolam eius ad Clementem aethiopico idiomate donatam, orientales penes se habere iactant. Epistolam Petri ad Iacobum inter Clementis Romani opera COTELERIUS vulgavit. IV. Apocalypsis teste EVSEBIO (6) relata inter libros apocryphos, qui contradictione non caruerunt. Extant huius apocalypseos eclogae, in quibus nonnulla referuntur de foeruum abortiuorum angelis, nec non de lacte mulierum & vermibus inde natis, Petro plane indigna. Testatur tamen SOZOMENUS (7) in ecclesiis quibusdam

(1) Tom. II. Comment. in euang. Matth. (2) in catalogo scriptorum ecclesiasticorum c. 1. (3) H. E. L. III. cap. 25. Lib. VI. c. 12. (4) l. c. Cap. IV. §. 9. p. 122. sq. (5) l. c. Lib. III. c. 3. conf. Ittig. l. c. cap. V. §. 3. (6) l. c. Lib. VI. cap. 14. (7) in Hist. Eccl. Lib. II. cap. 19.

dam Palaestinae semel quorannis die Pala-
sceus legi solitam. (1) V. Liber doctrinae
Petri ab ORIGENE in *praefatione ad librum*
αὐτῶν citatus & reiectus. (2) VI. Praedi-
catio Petri HIERONYMO & EUSEBIO (3)
memorata & hodie inter pseudoapostolicas
praedicationes relata. (4)

- (b) Cuius vitam, fata, scripta & alia supra
iam recensuimus ad vigesimum quintum diem
mensis Ianuarii. Iunguntur autem in hoc
festo, partim quia in eadem die mar-
tyrium subiisse putantur, partim quia in ca-
talogis episcoporum Romanorum coniungun-
tur, ut olim iam fecit EPIPHANIVS, (5)
& alias pares hi duo statuuntur a pontificiis
quibusdam, quia ecclesiam Romanam Petri
& Pauli ecclesiam, & patrimonium eccle-
siae Romanae patrimonium Petri & Pauli
appellauerunt ipsi pontifices. Sedem ipsam
Romanam esse Petri & Pauli sedem, ipsam-
que auctoritatem pontificiam esse ipsammet
Petri & Pauli auctoritatem agnouerunt; imo
in bullis paparum & imaginibus quibus-
dam iunctim imagines horum apostolorum
olim expressae exhibentur, Paulo dextra da-
tur, quam honoratiorem communiter ite-
dicamus. Circa ultimum hoc mire se tor-
quent pontificii. Alii enim putant id erro-
re factum & sculptorum ignorantia; alii a
Graecis

(1) vid. Ittig. l. c. cap. III §. 1. sqq. (2) vid. Ittig. l. c.
cap. IX. §. 7. (3) loc. cit. (4) vid. Ittig. l. c. cap. X. §.
1. sqq. (5) haer. 27.

Græcis pictoribus profectum in Paulum propensoribus, nonnulli quod digniores ad laeuam collocentur; sic etiam viri in locis laevis minus digni ad dextram, Turcarum hodierno more, videntur. Subtiliores, quod Paulus ita Petri latus regat & claudat, quemadmodum quos laterones vocant. Plures factum Petri modestia & humilitate dextram in ecclesia sua Paulo deferentis, ut solent domi magnates deferre inferioribus. Alii expressum sic officium dextrationis, quo dextram Petri sustentabat Paulus, ut pontificis deinceps reges & imperatores in signum obsequii. ALLATIVS, (I) id ex catholicarum basilicarum dispositione ortum, a Græcis Romam illata, id deriuat, quibus quod dextrum est, latinis sit sinistrum, ubi prolixus est in reiiciendo hoc momento, postquam in capite quarto iam distinxerat inter apostolaturn & primatum, hunc soli Petro tributurn vult a Christo, illum vero pluribus.

§. VII. Die trigesimo est dominica quinta (4) post festum trinitatis, in qua legitur euangelium de piscatura Petri.

(4) In ecclesia latina est dominica sexta post festum trinitatis, & in ea legitur euangelium de quatuor milibus a Christo saturatis.

L

In

(1) Lib. I. de ecclesiae occidentalis & orientalis perpetua consensione cap. 6.

In ecclesia Graeca haec dominica est sexta
Matthaei, & in ea legitur de paralytico. In
nostra ecclesia legitur euangelium ex Lu-
cae capite V. versu I-II. quod illustrat AV-
GVSTINVS. (I)

IVLIUS

(1) Tom. X. serm. 4. de verb. dom.

IVLIVS.

§. I. Diei secundo est festum visitationis Mariae, (a) tanquam immobile, alligatum.

(a) Quod ab Urbano VI. anno MCCCCLXXXIX. eo tempore quo Clemens VII. antipapa erat, institutum primum fuit ex voto, ut, quemadmodum beata virgo visitatione cognatam Elisabetham consolari dignata est, sic fideles ab eadem virgine consolationem vniuersalis ecclesiae implorarent. Postea confirmatum fuit a Bonifacio IX. Urbani successore & in concilio Basileensi anno MCCCCLXXXII. stabilitum ad supplicandum litandumque Mariae, ut Turcas christianis infestos pessunderet, quemadmodum ipsa montes Iudaeae calcasset in isto ad cognatam suam cinere, sunt verba HERMANNI WITTEKINDI in *computo ecclesiastico*. Haecenus hoc festum in protestantium ecclesiis nonnullis fuit re- tentum in honorem Messiae, non Mariae, qui ut sol exoriens illuminauit praecursorem Ioannem, Elisabetham & ipsam Mariam. DOMINICVS MACER in *hierolexico*, (1) putat festum hoc antiquius esse in Syriaco rituali, & apud illos in mense Decembri paulo ante natiuitatem Domini celebrari, in quo etiam die in honorem Deiparae ad templum Constantinopolitanum, in Blachernis appellatum, festum agunt Graeci.

§. II. Die septimo est dominica sexta (a) post festum trinitatis, in qua legitur euangelium de iustitia pharisaica.

(a) In ecclesia latina est dominica septima post Pentecosten, in ea legitur euangelium de cauendis pseudoprophetis; secundum Rupertum Tuitiensem vero legitur illud de quatuor millibus a Christo saturatis. In ecclesia Graeca haec est dominica septima Matthaei, & in ea legitur de duobus coecis. In nostra ecclesia legitur euangelium ex Matthaei capite V. versu 20-26. quod explicat AUGUSTINVS. (1)

§. III. Die decimo quarto est dominica septima (a) post festum trinitatis, in qua legitur euangelium de quatuor millibus a Christo saturatis.

(a) In ecclesia latina est dominica octaua post pentecosten, in ea legitur euangelium de iniusto dispensatore; secundum Rupertum Tuitiensem vero de vitandis pseudopphetis. In ecclesia Graeca est dominica octaua Matthaei, & in ea legitur de quinque panibus & duobus piscibus. In nostra ecclesia legitur euangelium ex Marci capite VIII. versu 1-9. quod illustrent AUGUSTINVS, (2) & BEDA. (3)

§. IV.

(1) Tom. V. serm. 4. de verb. domin. (2) Tom. X. serm. de temp. pag. 20. (3) Tom. VIII. homil. aetiuat. de temp. p. 55. sqq.

§. IV. Die vigesimo primo est dominica octaua (a) post festum trinitatis, in qua legitur de cauendis pseudoprophetis.

(a) In ecclesia latina est dominica nona post pentecosten. In ea legitur euangelium de excidio Hierosolymitano & reformatione templi; secundum Rupertum Tuitiensem vero de iniusto dispensatore. In ecclesia Graeca est dominica nona Matthaei & in ea legitur de ambulatione Christi in mari. In nostra ecclesia legitur euangelium ex Matthaei capite VII. versu 15-23. quod explicant CHRY-
SOSTOMVS, (1) BEDA, (2) alique.

§. V. Die vigesimo quinto festum apostolo Iacobo, (a) eique maiori, sacrum in ecclesia celebrari solet.

(a) Qui frater fuit Ioannis, Zebedaei filius. Hic vna cum fratre & patre quaestum suum piscando excercens, vocatus a Christo ad apostolicum munus, statim relicto patre secutus est ille & frater Christum, eundem esse hunc Iacobum existimatur, quem vna cum Petro & Ioanne ad singulares & eximias actiones adhibuit Iesus & in montem Thabor adduxit, & post coenam vltimam in hortum secedens, in quo proditus fuit & comprehensus, secum habuit. Cognomen autem his fratribus fecerat Christus,
L. 3 signifi-

(1) Tom. VI. p. 473. sqq. (2) l. c. p. 57. sqq.

significans sobolem tonitru, vt Boanerges vocarentur. In assignanda causa huius impositi nominis variant autores. Quidam illud exinde deducunt, quia fuit cum domino in monte Thabor, vbi vox tonans audita fuerat; alii ad constantem fidei professionem & praedicationem verbi diuini, quod cum tonitru alias comparatur, referunt; alii, ad ipsa mysteria, ab illis aliquando proponenda, id trahunt. Forte Christus respexit simul hac nominis impositione ad illorum ingenium feruidum & vindictae admodum cupidum. Quid post ascensionem Christi suscepit, neque ex sacra scriptura, neque ex antiquitate satis certo colligi potest. SOPHRONIVS apud HIERONYMVM vult eum Iudaeis dispersis praedicasse. Hispani autem scriptores contendunt eum in Hispaniam, Britanniam & Hyberniam vsque abiisse, & tandem reuersum fuisse in Iudaeam. Sed cum haec saltem ex scriptoribus medii aevi habeantur, & antiquiores ea de re taceant, iudicandum potius erit, Iacobum intra Iudaeae fines substituisse. Ab Herode rege gladio est interfectus, tanquam inter apostolos protomartyr, vna cum illo qui nomen Iacobi derulit, eumque in iudicium vocauit, sed postea constantia Iacobi commotus se quoque christianum esse confessus fuit. Perhibent etiam ossa ipsius in Hispaniae maritimam regionem deportata esse, quae Galloeciae nomen habuit, nunc urbem Com-

Compostellam & regionem Galliciam ac Finem terrae vocant, quo e longinquis locis & a diuersis nationibus superstitiosis peregrinationibus ventum aliquando studiosius fuit, quam his temporibus. Neque istius itineris votum potuisse vlli facile remitti creditum est BARONIO ad annum DCCCXVI. num 72. qui locus magnum est theatrum miraculorum. (1)

§. VI. Die vigesimo octauo est dominica nona (a) post festum trinitatis, in qua legitur euangelium de iniusto dispensatore.

(a) In ecclesia latina est dominica decima post pentecosten, & in ea legitur euangelium de phariseo & publicano; secundum Rupertum Tuitiensem vero de excidio Hierosolymitano. In ecclesia Graeca est dominica decima Matthaei & legitur de lunatico. In nostra ecclesia explicatur euangelium ex Lucae capite XVI. versu 1-9. quod explicant AMBROSIVS, (2) AVGVSTINVS, (3) BEDA, (4) BERNHARDVS. (5)

L 4

AV.

(1) vid. Camerarius in histor. apostolor. p. 112. sqq. & Caue in antiquit. apostol. p. 490. sqq. (2) Tom. V. serm. de temp. p. 87. sqq. (3) Tom. X. serm. 35. de verb. domin. (4) l. c. p. 99. sq. (5) Tom. I. p. 237. sqq.

§. I. Die quarto est dominica decima (a) post festum trinitatis, in qua legitur euangelium de excidio Hierosolymitano & reformatione templi.

(a) In ecclesia latina est dominica vndecima post pentecosten, & in ea legitur euangelium de furdo & muto; secundum Rupertum Tuitiensem vero de phariseo & publicano. In ecclesia Graeca est dominica vndecima Matthaei in qua legitur parabola de rege. In nostra ecclesia explanatur euangelium ex Lucae capite XIX. versu 41-48. ad cuius explicationem faciunt GREGORIUS MAGNVS, (1) BEDA, (2) alique.

§. II. Die vndecimo est dominica vndecima post festum trinitatis (a) in qua legitur euangelium de phariseo & publicano.

(a) In ecclesia latina est dominica duodecima post pentecosten, & in ea legitur euangelium de summa legis & Samaritano, secundum Rupertum Tuitiensem vero de furdo & muto. In ecclesia Graeca est dominica duodecima Matthaei de diuine Christi interrogatione. In nostra ecclesia legitur euangelium ex Lucae capite XVIII. versu 9-14. cuius illustrationi inseruiunt CHRYSOSTOMVS, (3) BEDA, (4) BERNHARDVS. (5)

§. III.

(1) Tom. III. homil. 39. in euang. (2) l. c. p. 61. sq.
(3) serm. in hoc. euang. Tom. III. p. 369. sq. (4) l. c. p. 63. sq. (5) p. 390. sq.

§. III. Die decimo quinto festum Mariae ascensionis (a) apud pontificios solenniter celebratur.

(a) Assumptionis terminus alias dormitioni, siue morti aequipollet; in Maria vero aliquid amplius inuoluit, scilicet non animam tantum, sed etiam corpore fuisse assumptam, id est in coelum sublatam, in ecclesia Romana per- uulgata habet opinio. Aliqui statuunt animam praecessisse, corpus per apostolos ex mandato Dei in vallem Iosaphat deportatum ibique esse sepultum. Alii quidem hoc concedunt, id tamen addunt, Christum tantisper relictam dextra patris descendisse de coelo, & tertio die, triduanas vigilias ad sepulchrum agentibus apostolis, venisse ad monumentum atque suscitatum corpus matris suae secum in coelum euexisse. Sunt tamen quidam alii in hoc asserendo cautiores nimirum VSVARDVS & ADO in *martyrologiis* suis. (1)

§. IV. Die decimo octauo est dominica duodecima (a) post festum trinitatis, in qua legitur euangelium de furdo & muto.

(a) In ecclesia latina est dominica decima tertia post pentecosten, & in ea legitur euangelium de decem leprosis; secundum Rupertum Tuitiensem vero de Samaritano. In ecclesia Graeca est dominica decima tertia Matthaei & legitur parabola de vinea. In

L 5

nostra

(1) Ad 18. Cal. Septembr.

nostra ecclesia legitur euangelium ex Marci capite VII. versu 31-37 quod illustrat BEDA, (1)

§. V. Die vigesimo quarto festum Bartholomaeo (a) apostolo sacrum celebratur, cui tanquam immobile alligatum est.

(a) Quem putant nonnulli eundem esse cum Nathanaele, cum, quemadmodum Ioannes nullam facit mentionem Bartholomaei, sic reliqui euangelistae Nathanaelem non memorant, quamuis Bartholomaeus ex apostolorum numero fuerit; & semper cum Philippo coniungatur, eidem etiam Ioannis capite XXI. Christus post resurrectionem cum aliis quibusdam apostolis apparuisse dicitur. Bartholomaeus autem dicitur, quod forte erat, vel filius Tholmai alicuius, vel discipulus, quod Hebraeis admodum familiare fuit. Si ergo cum Nathanaele noster idem est, a Philippo ad Christum fuit deductus. (2) Propagandae doctrinae causa ad Indiam citeriorem abiit atque ibi christianis reliquisse Marthaei euangelium hebraicum nonnulli tradunt. Hierapoli in Phrygia illum quoque fuisse supra in vita Philippi vidimus, vbi cruci quidem affixus, sed a populo, qui subito commotus fuerat, iterum dimissus fuit. Tandem Albanopoli in

(1) l. c. p. 65. sq. (2) Ioan. cap. I. 48.

in Armenia minori idololatriæ fortiter resistens cruci denuo affixus, postquam prius, ut nonnulli ferunt, excoriatus, diem obiit supremum. Ossa eius ab initio Daras in finibus Persiæ, dein Liparis in insulis Aeolicis, porro Beneuentum in Italia & tandem Romam fuisse translata tradunt. Memoratur quoque ab HIERONYMO in *prolegomenis commentarii in Matthæum* inter alia euangelium aliquod Bartholomæo tributum.

§. VI. Die vigesimo quinto est dominica decima tertia (a) post festum trinitatis, in qua legitur euangelium de summa legis & Samaritano.

(a) In ecclesia Latina est dominica decima quarta post pentecosten, & in ea legitur euangelium de interdicto vanæ sollicitudinis, siue de duobus dominis; secundum Rupertum Tuitiensem vero de decem leprosis. In ecclesia Graeca est dominica decima quarta Matthæi & legitur de vocatis ad nuptias. In nostra ecclesia explicatur euangelium ex Lucae capite X. versu 23-37. ad quod illustrandum faciunt AUGUSTINVS, (1) BEDA. (2) &c.

SE-

(1) Tom. X. homilior. Lib. L. homil. 38. (2) l. c. pag. 67. sqq.

SEPTEMBRIS.

§. I. Die primo est dominica decima quarta (a) post festum trinitatis, in qua legitur euangelium de decem leprosis.

(a) In ecclesia latina est dominica decima quinta post pentecosten, in qua legitur euangelium de viduae in Nain filio resuscitato; secundum Rupertum Tuitiensem vero de duobus dominis. In ecclesia Graeca est dominica decima quinta Matthaei & in ea legitur de scriba Christum interrogante. In nostra ecclesia legitur euangelium ex Lucae capite XVII. versu 11-19. ad quod illustrandum faciunt LEO, (1) BEDA. (2)

§. II. Die octauo est dominica decima quinta post festum trinitatis, (a) in qua euangelium de duobus dominis legitur.

(a) In ecclesia Latina est dominica decima sexta post pentecosten, in qua legitur euangelium de hydropico die sabbati curato; secundum Rupertum Tuitiensem vero de viduae in Nain resuscitato filio. In ecclesia Graeca est dominica ante exaltationem. Euangelium in nostra ecclesia petitur ex Matthaei capite VI. versu 24-34. quod illustrari poterit ex AMBROSIO, (3) PETRO CHRYSOLOGO, (4) BEDA (5) &c.

§. III.

(1) Serm. in octau. apost. Petr. & Paul. p. 230. sq. (2) l. c. p. 70. sq. (3) Tom. V. serm. dom. serm. 65. (4) Serm. 163 (5) l. c. col. 172.

§. III. Die decimo quarto in ecclesia pontificia festum exaltationis (a) sanctae crucis celebratur.

(a) Multus est GRETSEUS, tum *libro primo de cruce*, (1) tum *libro primo de festis*, (2) contra Hospinianum, festum exaltationis sanctae crucis celebratum esse die decimo quarto Septembris sub Constantino M. nîsus autoritate ANDREAE Hierosolymitani *oratione in exaltationem sanctae crucis* scribentis; crucem ad publicam venerationem & adorationem proponi consuevisse & quidem iussu Constantini M. & Helenae. Idem affirmare dicit NICEPHORVM, (3) & adstipulari quoque Graecorum menologia, calendaria & rituales libros. Exemplis aliis quoque contra Hospinianum ostendit, iam ante annum DCXC. festum illud in vfu fuisse. Sed videtur Gretserus confundere inuentionem crucis eique annexam dedicationem cum exaltatione.

§. IV. Die decimo quinto est dominica decima sexta, (a) post festum trinitatis, in qua legitur euangelium de viduae in Nain resuscitato filio.

(a) In ecclesia Latina est dominica decima septima post pentecosten, in qua legitur euangelium de summa legis & euangelii; secundum Rupertum Tuitiensem vero de hydro-

(1) cap. 65. (2) cap. 33. (3) l. 6. in hist. eccl. Lib. V. cap. 29.

hydropico die sabbathi sanato. In ecclesia Graeca est dominica post exaltationem. Est & haec dominica inter aureas referenda, quia ieiunium quatuor temporum sequitur, vide supra §. VI. mensis Decembris. In ecclesia Romana dominicis vacantibus annumeratur, vt eodem loco monuimus. (1) In nostra ecclesia illustratur evangelium ex Lucae capite VII. versu 11-17. cui rei inseruit BEDA. (2)

§. V. Die decimo octauo est ieiunium quatuor temporum autumnale, (a) feriæ quartae post exaltationis festum semper alligatum.

(a) Quod *micrologus de ecclesiasticis observationibus*, (3) iuxta statuta Leonis, Gelasii & reliquorum in septimo mense celebrandum esse scribit, cum nec suppositio, vacantis dominicae, nec statuta patrum alicui septimanae tam specialiter vt reliqua ieiunia ipsi videntur hoc assignasse. Confer ea quae supra in genere de ieiuniis quatuor temporum fuerunt dicta.

§. VI. Diei vigesimo primo alias festum Matthaei (a) apostoli, euangelistae in ordine primi, (b) alligatum est.

(a) Qui patre Alphaeo natus vel in Capernaum, vt plerique volunt, vel in Nazaret, vt scribit

(1) vid. *microlog.* l. c. cap. 29. (2) l. c. p. 72. sqq.
(3) c. 26.

scribit Arabicus autor in vita Matthaei. Vero simile est Capernaumi cum habuisse tabernam quaestus sui [erat enim publicanus] & ibi inde esse auocarum a Christo, quem nulla interposita mora secutus fuit. Post Christi ascensionem octo minimum annis euangelium praedicauit in Iudaea; dein dicitur abiisse ad Parthos & Aethiopes Asiatcos, apud quos etiam in vrbe Naddaber martyrium subiit. Fabulas quas NICEPHORVS de Matthaeo nostro refert vide in eius historia ecclesiastica. (1) Laudantur praecipue in hoc apostolo mundi contemptus, quem nec Iulianus apostata, nec Porphyrius credere voluerunt, temperantia & humilitas. Euangelium scripsit, vel ad instantiam Iudaeorum recens ad Christum converforum; vel, vt EPIPHANIVS, (2) vult, ad mandatum apostolorum & quidem lingua hebraica adstipulante omni antiquitate. An vero ipse, vel Ioannes, vel Iacobus minor in linguam graecam transtulerit, non satis constat. Nobis sufficit versionem ab ipsis apostolis fuisse probatam, ab ecclesia primitiua pro authentica agnitam & canonice insertam. Hebraico euangelio, postquam Graeca versio recepta fuerat, vsi sunt Nazaraei, qui illud variis additamentis auxerunt, quemadmodum Ebionitae multa de eodem detraxerunt hypothsibus suis aduersa. Quae a Tilio & Munstero sunt edita

exema-

(1) Lib. II. cap. 41. (2) hec. 51.

exemplaria non respondent ratione styli primis illis atque purioribus temporibus. Tribuitur autem eidem liturgia quaedam, quam tamen ipsi cordatiores pontificii rejiciunt (1) & liber de natiuitate Marias, qui inter Hieronymi opera edi solet, conferatur CAMERARIUS, (2) & CAVE. (3)

(b) De ordine euangelistarum iam supra diximus ad diem vigesimum septimum Decembris. Secundum ordinem Ezechielis ab Augustino postponitur Marco; iuxta ordinem vero apocalypseo ab Hieronymo & Irenaeo tertio loco inter euangelistas collocatur. Tribuitur Matthaeo, loco insignis, homo, quia, ut HIERONYMUS vult, ad principia euangeliorum respiciens, quasi de homine exorsus est scribere, conferatur THOMASIVS in disputatione de insignibus euangelistarum.

§. VII. Die vigesimo secundo est dominica decima septima, (a) post festum trinitatis, in qua legitur euangelium de hydro-pico die sabbati curato.

(a) In ecclesia Latina est dominica decima octaua post pentecosten, in qua legitur euangelium de sanato paralytico; secundum Rupertum Tuitiensem vero de pharisaeis in cathedra Moysis sedentibus. In ecclesia Graeca est dominica prima Lucae. Nostra eccle-

(1) vid. Ittig. l. c. cap. XIII. p. 230. sq. (2) l. c. p. 234. seqq. (3) l. c. p. 554. sqq. conf. Ittig. l. c. cap. XIV. §.

ecclesia occupata est circa explanationem euangelii petiti ex Lucae capite XIV. versu 1-II. quo spectat BEDA. (1)

§. VIII. Die vigesimo nono est dominica decima octava (a) post festum trinitatis, in qua legitur euangelium de summa legis & euangelii.

(a) In ecclesia Latina est dominica decima nona post pentecosten, in qua legitur euangelium de nuptiis Christi cum ecclesia; secundum Rupertum Tuitiensem vero de sanato paralytico. In ecclesia Graeca est dominica secunda Lucae. In nostra ecclesia legitur euangelium ex Matthaei capite XXII. versu 1-8. cuius illustratio peti poterit ex BEDA. (2)

§. IX. Eodem die vigesimo nono est festum Michaeli (a) archangelo, non creato, sed increato dedicatum.

(a) Origo huius festi adscribitur Felici papae Romano, qui illud circa annum Christi CCCCL. vel CCCCXXXVII. instituisse creditur, propterea quod Michael archangelus se non tantum in Apuliae monte Gargano, sed etiam Romae manifestasse putatur. Ex eo tempore tum in ecclesia orientali ritus feriationis permansit, & a Manuele Comneno imperatore institutus legitur in constitutione

M

Graeca

Graeca post nouellas Iustinianicas adiecta, (1) tum in occidentali ecclesia fuit obseruatus, & per decretum concilii Lugdunensis praeceptus, vide canonem primum de consecratione; distinctione tertia. Neque postea neglectus in sanctione imperii Romano-Germanici. Quicquid autem ecclesia nostra retinuit de hoc festo, id omne non Michaeli creato, sed increato delatum voluit. Gallii Michaellem regni sui protectorem constituunt, & hinc Ludouicus XI. peculiarem eius honori instituit ordinem anno MCCCCLXIX. & torquem equitibus huius ordinis dedit gestandam, constantem conchis per funiculum cohaerentibus, appensa imagine sancti Michaelis satanam coelo exturbantis, addito lemmate: *Immensi tremor oceani*. Hodie tamen hic ordo in Gallia non amplius aestimatur. Sic etiam imperatores occidentales vexillum quoddam in honorem Michaelis confici curarunt, quod magna vi hostes pellere credebant.

OCTO.

OCTOBRS.

§. I. Die sexto est dominica decima nona post festum trinitatis, (a) in qua legitur euangelium de sanato paralytico.

(a) In ecclesia Latina est dominica vigesima post pentecosten, in qua legitur euangelium de sanato reguli filio; secundum Rupertum Tuitiensem vero de nuptiis. In ecclesia Graeca est dominica tertia Lucae. In nostra ecclesia explicatur euangelium ex Matthaei capite IX. versu 1-8. id quod illustrent CHRYSOSTOMVS, (1) PETRVS CHRYSOLOGVS, (2) BEDA. (3)

§. II. Die decimo tertio est dominica vigesima post festum trinitatis, (a) in qua legitur euangelium de nuptiis Christi cum ecclesia.

(a) In ecclesia Latina est dominica vigesima prima post pentecosten, in qua legitur euangelium de magno & ingrato debitore; secundum Rupertum Tuitiensem vero de sanato reguli filio. In ecclesia Graeca est dominica quarta Lucae. In nostra ecclesia explanatur euangelium ex Matthaei capite XXII. versu 1-14. quod illustrent AVGVSTINVS, (4) & GREGORIVS MAGNVS. (5)

M 2

§. III.

(1) Serm. de diuers. N. T. locis serm. 64. (2) Serm. 50. (3) l. c. p. 77. sqq. (4) Tom. X. serm. de temp. serm. 247. (5) Tom. III. homil. 38. in euangel.

§. III. Diem decimum octauum Lucae,
(a) euangelistae in ordine tertio, (b) fasti
nostri sacrum habent.

(a) Antiochiae natus studio medico operam dedisse dicitur, quemadmodum & arti pictoriae, vide NICEPHORVM. (1) Ex gentilismo ad iudaismum transit. EPIPHANIVS putat ipsum fuisse ex numero septuaginta discipulorum, & quidem eorum, qui a Christo secessionem fecerunt, id quod tamen veritati minus conueniens est. Neque fuit vnus discipulorum cum Christo Emauntem euntem, cum ipse capite I. versu 2. fateatur, se non esse ex serie illorum, qui facta Christi viderunt. Probabile potius est, eum Antiochiae a Paulo fuisse conuersum, cuius postea indiuiduus comes fuit. Postea ipse quoque euangelium praedicauit in Graecia, Aegypto & Lybia. De tempore, genere & loco mortis autores non conueniunt, aliis istam ante Pauli martyrium, aliis post hoc ponentibus, aliis mortem naturalem, aliis violentam ei adiudicantibus, vel in Aegypto, vel in Graecia, vel Romae. Ossa eius vel Constantini, vel Constantii iussu Constantinopolin fuisse delata tradunt. Reliquit nobis euangelium, quod post Matthaeum & Marcum scripsit, plenius & variis additis circumstantiis, vt obuiam iret fabulis. Acta quoque Apostolorum concinnauit Romae, & vt apparet sub finem biennii capti.

captiuitatis Pauli, in quibus praecipua acta & miracula apostolorum recenser. Ob eam quoque causam in primitiua ecclesia statim post paschatos festum in conuentibus publicis acta illa legi coeperunt, cum miracula illa Christi resurrectionem quam maxime confirment.

- (b) Iuxta ordinem Ezechielis Lucas ab HIERONYMO, AVGVSTINO & IRENAEO tertio loco ponitur. Iuxta ordinem vero apocalypseos ab iisdem secundo loco ponitur. Tribuitur Lucae loco insignis taurus, quia, vt HIERONYMVS vult ad initia euangeliorum respiciens, Lucas initium sumsit a Zacharia sacerdote, vel, vt alii, quia Lucas vbique ad Christi munus sacerdotale respexit. (1)

§. IV. Die vigesimo est dominica vigesima prima (a) post festum Trinitatis, in qua legitur euangelium de reguli filio.

- (a) In ecclesia latina est dominica vigesima secunda post pentecosten, in qua legitur euangelium de censu Caesari dando; secundum Tuitiensem vero de magno & ingrato debitore: in ecclesia graeca est dominica quinta Lucae. In nostra ecclesia legitur euangelium petiitum ex Ioannis capite IV. versu 47-54. id quod illustrat AVGVSTINVS. (2)

§. V. Die vigesimo septimo est dominica vigesima secunda (a) post festum Trinitatis, in qua legitur euangelium de magno & ingrato debitore.

M 3

(a) In

(1) conf. Thomassii dissert. de insignibus euangelistarum.

(2) Tom. X. serm. 24. de verbo apostolico.

(a) In ecclesia latina est dominica vigesima tertia post pentecosten, in qua legitur euangelium de sanata haemorrhoula & suscitata lairi filia. In ecclesia Graeca est dominica sexta Lucae. In nostra ecclesia legitur euangelium ex Matthaei capite XVIII. versu 23-35. cuius illustrationi inferuit CHRYSOSTOMVS. (1)

§. VI. Die vigesimo octauo Simonis (a) & Iudae (b) apostolorum memoria simul in ecclesia celebratur.

(a) Quem Matthaeus capite X. versu 4. & Marcus capite III. versu 18. Cananitem vocat, Lucas capite VI. versu 15. Zeloten. Fuit enim factio quaedam Iudaeorum, quae sibi imposuit Zelotarum nomen, tanquam acerrimis assertoribus & defensoribus legitimarum obseruationum, & hoc nomen interpretari hebraicum Cananitae, idem significantis, plerique tradunt. De huius genere nihil certi est proditum. Hunc Simonem quidam confundunt cum Simeone filio Cleopae episcopi Hierosolymitani, cum tamen ex variis capitibus, nempe ratione personarum, actorum & mortis generis, inter se differant. Post vocationem ad apostolorum historia euangelistarum nihil de eo refert. Post ascensionem Christi abiisse creditur in Aegyptum, Mauritaniam, Lybiam & tandem in Britanniam, testibus quoque

que Graecorum menologiis , atque ibi martyrium subiisse fertur. (1)

(6) Quem Matthaeus Lebbaeum nominat, & cognomentum addit Thaddaei, (quasi vir cordatus) meminit huius apostoli Ioannes euangelista non aliter eum denotans, quam distinctione ab Ischariota. EVSEBIUS Iudam inter eos fuisse, qui fratres domini vocantur, ex HEGESIPPO indicat. Idem narrat (2) Thaddaeum fuisse missum ad Abgarum, quem HIERONYMVS fuisse putat Iudam apostolum, licet nos dubios adhuc relinquat Eusebius, illum & discipulum & apostolum appellans. Eundem fuisse ex numero apostolorum vxoratorum constat ex eodem, (3) quia mentionem facit nepotum eius, quos Domitianus imperator inquiri curauerat, sed postea tanquam homines simplices iterum dimiserat. Plerique latinae ecclesiae scriptores volunt eum abiisse in Persiam, atque ibi post peractum apostolicum munus martyrem fuisse factum ob magorum ceremonias reprehensas. Vnicam scripsit epistolam, quae ab initio libris canonicis annumerata non fuit, quamuis in ecclesia publice legeretur, postea tamen vbiuis recepta fuit. Habet haec epistola cum posteriori Petri tantam similitudinem, vt altera ex altera excerpta & expressa videatur. (4)

M 4

NO.

(1) vid. Caue l. c. p. 594. sqq. (2) in Hist. Eccl. Lib. I. cap. 13. (3) l. c. Lib. III. cap. 20. (4) vid. Camerarius l. c. p. 154. sqq. & Caue l. c. pag. 600. sqq.

NOVEMBRIS.

§. I. Die primo in ecclesia pontificia est festum omnibus sanctis (a) dicatum.

(a) Per annum quidem ecclesiasticum diuersis sanctis diuersa olim assignata fuerunt festa, vt autem omnium simul martyrum vna eademque celebritas ageretur, ex Bonifacii IV. papae institutione Romae est sumtum exordium, cum antea ea die calend. Nouembris vniuersale esset ieiunium, de quo ISIDORVS (1) agit. Postmodum vero, quod Romae tantum peculiariter agebatur, Gregorius IV. Papa caeteris occidentalis orbis ecclesiis faciendum praecepit. Non igitur dici potest, quod in hanc festiuitatem aliquot sermones ab Augustino longe antiquiori fuerint habiti, notante id ipso BARONIO in *martyrologio ad hunc diem*. Graeci etiam festum omnium sanctorum celebrant, sed in octaua pentecostes, quando Latini festum trinitatis colunt, vt constat ex ritualibus Graecorum libris, nominatim *pentecostario*. (2)

§. II. Die secundo in eadem ecclesia peculiare festum omnium animarum (a) celebratur.

(a) Quemadmodum olim commemorationes anniuersariae defunctorum in ecclesia agebantur,

(1) de ecclesiast. offic. Lib. I. cap. 39. (2) vid. Gretserus de fest. Lib. II. cap. 5. p. 286. Baron. in martyrolog. ad diem I. Nou.

tur, sic postea quoque vt in priori festo obseruauimus, vt vna eademque die vniuersalis celebraretur memoria omnium fidelium defunctorum institutum communiter referunt ab Odilone abbate Cluniacensi, teste SIGBERTO ad annum CMIC: Quod vero ille in suis monasteriis faciendum curauit, id postmodum Romani pontifices vbique locorum seruandum constituerunt. Quod vero hoc praecipue die post solennitatem omnium sanctorum festum id agatur, videretur desumptum esse ex ordine officii ecclesiastici, quemadmodum obseruamus apud AMALARIVM. (1)

§. III. Die tertio est dominica vigesima tertia (a) post festum trinitatis, in qua explicatur euangelium de numismate census.

(a) In ecclesia latina haec est dominica vigesima quarta siue vltima post pentecosten, & in ea legitur euangelium de abominatione desolationis. In ecclesia Graeca haec dominica est sexta Lucae. In nostra ecclesia legitur euangelium ex Matthaei capite XXII. versu 15-22. id quod illustrent AMBROSIVS, (2) AVGVSTINVS, (3) CAESARIVS ARELATENSIS, (4) BEDA. (5)

M 5

§. IV.

(1) in lib. de ordine antiphonarum cap. 65. (2) Serm. in hoc euangel. Tom. V. serm. 66. de temp. (3) Tom. X. serm. 19. de verb. domin. (4) Tom. II. biblioth. patr. homil. 66. (5) l. c. col. 80. sq.

§. IV. Die decimo est dominica vigesima quarta (a) post festum trinitatis, in qua explanatur euangelium de Iairi filia.

(a) In ecclesia Graeca haec est dominica vigesima quinta post pentecosten, siue dominica octaua Lucae. In Latina autem ecclesia haec dominica est vigesima quinta post pentecosten, cui, vt & reliquis dominicis post trinitatis festum, peculiaria euangelia non sunt dicata, quid vero in iisdem legatur, nos docet *missale Romanum* (1) in sequentibus verbis: *Si dominicae fuerint XXV. in dominica XXIV. dicitur missa dominicae sextae post epiphaniam. Si fuerint XXVI. in dominica XXIV. dicitur missa dominicae quintae post epiphaniam, & in vigesima quinta missa dominicae sextae. Si fuerint XXVII. in dominica XXIV. dicitur missa dominicae IV. post epiphaniam: in vigesima quinta, dominicae quintae; & in vigesima sexta, dominicae sextae. Si fuerint XXVIII. in dominica XXIV. dicitur missa dominicae tertiae post epiphaniam: in vigesima quinta, dominicae quartae: in vigesima sexta, dominicae quintae; in dominica vigesima septima, dominicae sextae. Et ultimo loco semper dicitur missa dominicae XXIV. post pentecosten. Introitus autem, graduale, offertorium & communio in praedictis dominicis semper dicuntur vt in dominica vigesima tertia. In nostra ecclesia occupati sumus circa explanationem euangelii desumpti ex Matthaei capite XI. v. 18-26. cuius illustrationi inseruire poterunt*
CHRYS-

(1) p. m. 164.

CHRYSOStOMVS, (1) PETRVS CHRYSOLOGVS, (2) BEDA, (3) & alii.

§. V. Diem decimum & vndecimum, vel alias vndecimum & duodecimum, duobus Martinis, papae, (a) & episcopo, (b) sacros faciunt.

(a) Qui, vt martyrologium Romanum habet, Romae coacta synodo cum Sergium Paulum, & Pyrrhum damnasset, iussu Constantis imperatoris captus & Constantinopolin deductus, in Chersonesum relegatus est, vbi, propter catholicam fidem aerumnis confectus, vitam finisse, multisque miraculis claruisse dicitur. Corpus eius postea Romam translatum in ecclesia Sylvestri & Martini conditum fuit. Loco Martini Papae plerumque protestantium calendario-graphi ponunt Martinum Lutherum, cuius vitam descripserunt MELCHIOR ADAMI, (4) & FREHERVS. (5) Adde SECKENDORFII *historiam Lutheranismi*; DANNHAVERI *memoriam thomae sandri Lutheri*; vitam Lutheri a NICOLAO SELNECCERO scriptam & a B. D. MAIERO Wittebergensi denuo editam ac commentationibus auctam; Io. GOTTLIEB MÖLLERI *Gedanensis sequentia scripta: grata nominis Martini Lutheri memoria, Gryphiswaldae anno 1693. Martinalia sacra, sive vitam Martini Lutheri, Rostochii. Lutherum Lutheranum ante Lutheranismum, ibidem. Lutherum vt confessorum martyri contradistinctum*

(1) Tom. VI. pag. 533. sqq. (2) Serm. 34-36. (3) l. c. col. 81. sqq. (4) in vitis theol. p. m. 101. sq. (5) in theatro parte I. Sect. 2. p. 118. sq.

distinctum. ibidem. Lutherum ut martyrem confessori contradistinctum. ibidem

- (b) Turonensi in Gallia, de quo videri potest SVLPICIUS SEVERVS in libro de *vita sancti Martini*, in *epistola contra aemulos virtutum B. Martini*, in *duabus aliis epistolis de obitu & apparitione illius*; & denique in *duobus dialogis de virtutibus Martini*. PAULINVS PETRICOVIUS libros sex de *vita sancti Martini* carmine heroico scripsit. VENANTIUS FORTVNATVS de *vita Martini* libros quatuor carmine heroico ad Gregorium Turonensem concinnauit. GREGORIUS TURONENSIS ipse de *virtutibus & miraculis sancti Martini* quatuor libros nobis reliquit. Odo abbas Cluniacensis dedit tractatum de reuerfione Martini Turonensis in Burgundiam & alium, quod Martinus par dicatur apostolis, nec non antiphonas duodecim & versus hymnosque de illo. Nec minus habemus orationem inauguralem D. GOEZII Halberftadiensis Ienae habitam de Martino episcopo Turonensi.

§. VI. Die decimo septimo est dominica vigesima quinta (a) post festum trinitatis, in qua illustratur euangelium de abominatione desolationis.

- (a) In ecclesia Graeca haec est dominica vigesima sexta & vltima post pentecosten, siue dominica nona Lucae. In nostra autem ecclesia interpretatur euangelium, quod suppeditat Matthaeus capite XXI V. versu 15-28. ad cuius

ius illustrationem facit BERNHARDINVS SE-
NENSIS. (1)

§. VII. Die vigesimo sexto celebramus dominicam vigesimam sextam post trinitatis festum, in qua exponitur euangelium de iudicio extremo. (a)

(a) Id quod petrum est ex Matthaei capite xxv. versu 31-46. in ecclesia Latina haec est dominica vigesima septima post pentecosten.

§. VIII. Quod si adhuc citius quam anno MDCCXX. celebretur paschatos festum, adhuc unica dominica post festum trinitatis occurrit, nempe dominica vigesima septima siue vltima, (a) in qua euangelium proponitur de decem virginibus sponso obuiam euntibus.

(a) In ecclesia latina haec dominica est vigesima octaua post pentecosten. In nostra ecclesia in hac dominica explicatur euangelium vel desumptum ex Matthaei capite XXV. versu 31-46. vel ex eiusdem capite v. versu 1-12. vel ex eiusdem capite xxiv. versu 36-51.

§. IX. Die trigesimo Nouembris incidit Andreae (a) apostoli festum, quod probabiliter seculo quarto (b) celebrari (c) coepit, licet postea multis in locis foedatum fuerit variis superstitionibus. (d)

(a) Hu-

(1) in sermonib. de temp. tom. IV. p. 291. seq.

(4) Huius nomen significationem habet virtutis siue fortitudinis, ab eo ductum quo vir significatur. Patria erat Galilaeus, parente Iona & fratre Simone Petro clarus, professione piscator, vnus ex duobus discipulis Iohannis Baptistae, qui, audito testimonio magistri sui de Iesu praetereunte, illum secuti fuerunt vel domum, vel ad hospitium eius. Post Pentecosten in Scythia docuit & aliis quoque in locis euangelium propagauit, testibus EVSEBIO, (1) NAZIANZENO, (2) CHRYSTOSTOMO. (3) Martyr factus fuit apud Patras, vbi cruci non affixus, sed alligatus, vt plurimi volunt, in tertium vsque diem inter conciones & orationes die trigesimo Nouembris animam exhalauit. Erat autem crux illa decussata in forma X. quae hinc dicitur Andreana. (4) Per Maximillam quandam, vt vult Nicephorus, balsamo & aromatibus cadauer illius inunctum sepultum fuit. Et, si GREGORIO TVRONENSI (5) credimus, quotannis ex illius sepulchro profluxit oleum pretiosum, quod pro abundantia sua, vel defectu aut paucitate, signum fuit futurae fertilitatis totius anni. (6) Prolixius huius apostoli vitam descriptam offendimus apud CAVEVM in *antiquitatibus apostolicis* (7) & IOACHIMVM CAMERARIVM in *historia Christi & Apostolorum*. (8)

Extat

-
- (1) Hist. eccl. Lib. III. cap. I. (2) orat. 25. (3) in orat. in duodec. apost. (4) vid. Faber auctar. in fest. p. 8. (5) de glor. martyr. Lib. I. cap. 31. (6) vid. Baroni. martyrolog. ad diem 30. Nou. (7) p. m. 478. sqq. (8) .p. 107. sqq.

Extat quidem passio sancti Andreae, quae per presbyteros & diaconos ecclesiarum Achaiae scripta dicitur, sed supposititiam illam esse, dudum obseruauerunt viri docti, vel ex eo, quod in illa Spiritus Sanctus dicatur procedere ex patre, in filio vero permanere, hoc autem primo seculo minime conforme est. Ipsi quoque Andreae varia legimus scripta tributa, pari cum illo habenda loco, ut sunt *actus Andreae*, quos fecit veniens e Ponto in Graeciam, quorum mentio fit apud EUSEBIUM, (1) sed merito refertur inter acta pseudoapostolica, uti id luculentissime demonstrauit ITTIGIVS libro de *pseudepigraphis Christi, Mariae & apostolorum*. (2) Similiter ei tribuitur euangelium conscriptum, quod tamen ex numero pseudoeuangeliorum est, uti iterum docet ITTIGIVS. (3) Denique in symbolo apostolico eidem certam adscribunt symbolam, nimirum *qui conceptus est de Spiritu Sancto, natus ex Maria virgine*, teste autore sermonis CXV. de tempore apud Augustinum, qui existimat vnumquemque apostolum suum articulum pronunciasse & symbolae ad instar contulisse, quae tamen assertio iamdudum est reiecta. (4)

(b) Postquam scilicet reliquiae eius, vel sub Constantino imperatore, vel Constantio (variant enim auctores, & ipse HIERONYMVS diuer-

(1) hist. eccl. Lib. III. c. 25. (2) cap. V. §. 4. p. 130. (3) l. c. cap. IV. §. 13. p. 125. (4) Vid. Ittig. l. c. cap. VIII. pag. 144. sq.

diuerſis in locis nunc huic, nunc illi id tribuit) Conſtantinopolin fuere translatae, vbi teſte EVSEBIO (1) Conſtantine templum magnum apoſtolo dicauerat. Refert etiam BARONIUS in *martyrologio ad diem nonum Maii*, (2) quod Gregorius Magnus adhuc diaconus e legatione Conſtantinopolitana re-
dux Romam detulerit brachium Andreae, quod aſſeruatur in eccleſia, quam idem Gregorius poſtea pontifex ei dedicauerat; caput autem eiſdem per Pium ſecundum ad aedes ſacras Petri in Vaticanum poſtea fuit delatum.

(c) Praemiſſa etiam vigilia de qua BERNHARDVS. (3) ſermonem habuit.

(d) De quibus NAOGEOGVVS libro quarto regiminis papiftici ſcribit:

Andreae amatores vulgo turbaeque procorum
Dona ferunt creduntque illius numine dextro,
Praeſtigiisq; aliis tacita ſub nocte peractis,
Spem rectam fore, ſe frui re poſſe cupita.

(1) de vit. Conſtant. Lib. IV. cap. 50. & 60. (2) p. 180.

(3) p. m. 322, edit. Paris.

S. D. G.









1

2

3

























100

100

100









